

# info BILTEN



CENTAR ZA KULTURU,  
SPORT I INFORMISANJE  
BUŽIM

Info-bilten općine Bužim | Broj: 8 | januar-decembar, 2021. | [www.ckbuzim.ba](http://www.ckbuzim.ba)




## OTPOČELA TREĆA FAZA IZGRADNJE BUŽIMSKE ZAIBILAZNICE

NAJVIŠA NAGRADA ZA UMJETNOST U BIH  
STIGLA U BUŽIM, HALIDA EMRIĆ TREĆI PUT  
OSVOJILA COLLEGIUM ARTISTICUM

PRESENTIRAN IDEJNI PROJEKAT:  
MUZEJ ĆE SE GRADITI NA TURBETU  
GENERALA IZETA NANIĆA

ODRŽANA 26. MANIFESTACIJA  
"SLOBODARSKI DANI VITEŠKOG  
GRADA BUŽIMA 2021."



## UVOD

Poštovani čitaoci,

Ovaj Informativni bilten je namijenjen Vama dragi građani Općine Bužim, bilo da ste u domovini ili dijaspori, te svima ostalima koji žele pratiti rad načelnika Općine Bužim i sve ono što se događa u Vašoj Općini.

Moj kabinet je uvijek otvoren za vaša pitanja, ideje, prijedloge i sugestije. Naša misija i zadaća je da Općinska uprava mora biti servis građnima. U ovom biltenu možete naći najznačajnije informacije koje su obilježile 2021.godinu, te ostale korisne informacije od značaja za sve građane i posjetioce Općine Bužim.

Iskreno se nadam da će ovaj bilten poslužiti kao sredstvo dvosmjerne komunikacije načelnika Općine Bužim i njenih građana, kao i sredstvo promocije naše lokalne zajednice. Uz vašu podršku i učestvovanje znam da ćemo stvoriti bolju, ljepšu i prosperitetniju Općinu Bužim.

Ukoliko imate prijedlog, kritiku ili interesantnu informaciju, pošaljite ih putem e-maila na adresu [nacelnik@opcinabuzim.ba](mailto:nacelnik@opcinabuzim.ba) ili putem faksa na broj +387 37 410 031.

Vaš načelnik Mersudin Nanić

# SADRŽAJ



CENTAR ZA KULTURU,  
SPORT I INFORMISANJE  
BUŽIM

<b>KABINET NAČELNIKA</b>	<b>2</b>
<b>INFRASTRUKTURA</b>	<b>22</b>
<b>KULTURA</b>	<b>44</b>
<b>PRIVREDA-POLJOPRIVREDA</b>	<b>44</b>
<b>SPORT</b>	<b>56</b>
<b>OBILJEŽAVANJA</b>	<b>72</b>

**IZDAVAČ:**

**JU "Centar za kulturu, sport i infomrisanje"**

**505. Viteške brigade bb / 77245 Bužim**

**Tel / fax: +387 37 410 332**

**E-mail: [jucksi.buzim@bih.net.ba](mailto:jucksi.buzim@bih.net.ba)**

**[www.ckbuzim.ba](http://www.ckbuzim.ba)**

## ODRŽANA KONSTITUIRAJUĆA SJEDNICA OPĆINSKOG VIJEĆA OPĆINE BUŽIM



U Vijećnici JU “Centar za kulturu, sport i informisanje” Bužim održana je Konstituirajuća sjednica osmog saziva Općinskog vijeća općine Bužim.

Na samom početku intonirana je himna Bosne i Hercegovine te je izvršena verifikacija mandata vijećnika Općinskog vijeća općine Bužim koji su izabrani na Lokalnim izborima. Novoizabrani vijećnici su ovom prigodom zajedno sa Općinskim načelnikom Mersudinom Nanićem dali svečanu izjavu. Sjednicu je otvorio predsjedavajući općinskog vijeća iz sedmog saziva Hasan Hilić, da bi s njom nastavio rukovoditi u skladu sa poslovnikom o radu općinskog vijeća najstariji vijećnik Agan Elkasović do imenovanja novog predsjedavajućeg.

Imenovana je komisija za izbor i imenovanja te mandatno-imunitetska pitanja, koja je nakon kratke pauze predložila imena Predsjedavajućeg i dopredsjedavajućeg općinskog vijeća općine Bužim.

Shodno tome za predsjedavajućeg općinskog vijeća općine Bužim sa 10 glasova za imenovan je Suad Šahinović (SDP), dok je za dopredsjedavajućeg imenovan Nermin Porić (Stranka penzionera i umirovljenika), koji su u svojim obraćanjima nagovijestili punu podršku svim pozitivnim projektima u općini Bužim.

Imenovana je i komisija za primopredaju službe općinskog vijeća s obzirom da je izglasano razrješenje i podnešena ostavka vršioca dužnosti sekretara općinskog vijeća Idriza Durakovića.

Na kraju sjednice vijećnicima je čestitku uputio svojim obraćanjem načelnik općine Bužim Mersudin Nanić, koji je izrazio nadu i ubjeđenje u novu sinergiju općinskog vijeća i općinskog načelnika za dobrobit svih građana općine Bužim.

Na osnovu toka sjednice dalo se zaključiti da većinu u općinskom vijeću na početku osmog saziva čine vijećnici SDA, SDP i Stranke penzionera i umirovljenika.



## NAČELNIK PRIMIO ODBOJKAŠE ODBOJKAŠKOG KLUBA BUŽIM



Načelnik općine Bužim Mersudin Nanić primio je trenere i odbojkaše Odbojkaškog kluba Bužim koji sutra učestvuju na regionalnom takmičenju za dječake i djevojčice u Kaknju i Zenici. To je ujedno kvalifikacijski turnir za učešće na Federalnom takmičenju odbojkaša i odbojkašica.

Aladin Ičanović, trener ženskog odbojkaškog kluba Bužim zahvalio se načelniku općine Bužim Mersudinu Naniću na podršci i razumijevanju kada je u pitanju podrška razvoju sporta u Bužimu, a posebno zbog činjenice da na ovom regionalnom takmičenju učestvuju mladi odbojkaši i odbojkašice do srednjoškolskog uzrasta. I trener muške odbojkaške ekipe Sulejman Mulalić uputio je zahvalu načelniku općine i posebno naglasio da vjeruje u svoju ekipu i očekuje dobre rezultate na predstojećem regionalnom takmičenju. Prijemu odbojkaša prisustvovao je i predsjednik Sportskog saveza općine Bužim Admir Sijamhodžić koji

je posebno istakao nesebičnu podršku općine Bužim svim članicama sportskog saveza na svim takmičenjima koja su se održala tokom protekle godine.

Načelnik općine Mersudin Nanić je u obraćanju odbojkašima posebno naglasio:

–„Uvjeren sam da ćete kao i do sada predstavljati Bužim u najboljem svjetlu, te da će vaš rad i treniranje biti nagrađeno na ovom takmičenju. Općina Bužim je uvijek spremna podržati mlade ljude koji se aktivno bave sportom i koji postižu zapažene rezultate na takmičenjima. Tako je bilo i tako će biti u narednom periodu i ja vam želim puno sportske sreće i uspjeha sa željom da donesete pobjedu i radosne vijesti sa ovog takmičenja“.



## NAČELNIK OPĆINE PRIMIO PREDSTAVNIKE KARATE KLUBA BUŽIM



Načelnik općine Bužim Mersudin Nanić primio je trenere i članove Karate kluba Bužim. Razgovaralo se o prošlogodišnjim takmičenjima i uspjesima karate kluba na Federalnom takmičenju održanom u Zenici i Kantonalnom prvenstvu koje je ove godine održano u Velikoj Kladuši.

I pored pandemije korona virusa Karate klub iz Bužima uzeo je učešće u svim važnijim takmičenjima u zemlji, a na početku godine učestvovali su i na Međunarodnom turniru u R Sloveniji. Predstavnici Karate kluba iznijeli su i svoje planove za narednu godinu i organizaciju tradicionalnog X turnira koji se svake godine održava povodom obilježavanja Dana općine Bužim.

-“Svi sportski kolektivi koji se takmiče i okupljaju mlade ljude zaslužuju podršku općine Bužim. Ove godine održava se i deseti tradicionalni turnir u karateu povodom Dana općine Bužim i svakako će biti podrška kao i ranijih godina. Ja vam samo mogu čestitati na postignutim rezultatima u protekloj godini u uvjerenju da će ova godina biti dosta bolja i uspješnija.”-istakao je načelnik općine Bužim Mesudin Nanić.

Karate klub Bužim osnovan je 15. aprila 2006. godine i kroz njega je do sada prošlo preko 450 karataša. Danas klub broji 120 članova koji treniraju u četiri sekcije Bužim, Brigovi, Konjodor i Čava.

Nakon četiri godine upornog rada Karate klub „Bužim“ dobiva prve majstore karatea 1. dan i današnje trenere, Sejfu Mulalića, Jusufa Dedića i Hasana Dedića, dok su nešto kasnije majstorska zvanja stekli Amela Mulalić i Emin Grošić.

## ODRŽANA JAVNA RASPRAVA O NACRTU BUDŽETA OPĆINE BUŽIM ZA 2021. GODINU



U Maloj sali Centra za kulturu, sport i informisanje kako je ranije bilo najavljeno održana je Javna rasprava o Nacrtu budžeta Općine Bužim za 2021. godinu. Prijedloge i primjedbe na predloženi Nacrt budžeta Općine Bužim za 2021. godinu imali su priliku dati svi budžetski korisnici i ostali zainteresovani građani na održanoj Javnoj raspravi.

Općinsko vijeće Općine Bužim je 21. januara na svojoj 2. redovnoj sjednici usvojilo je Nacrt budžeta Općine za 2021. godinu te odredilo rok za održavanje javne rasprave o nacrtu pomenutog Budžeta.

Tokom rasprave upućeno je nekoliko konstruktivnih prijedloga i sugestija na Nacrt budžeta a kako bi isti bio od maksimalne koristi svim građanima naše Općine.

Na kraju javne rasprave prisutnima se obratio načelnik općine Bužim Mersudin Nanić koji je dao određena pojašnjenja, ali i pozvao sve budžetske korisnike kao i građane općine Bužim da se zajedno potrudu oko punjenja Budžeta, svako u svome domenu. U daljoj proceduri, Općinski načelnik će nakon utvrđenog prijedloga budžeta Općine Buzim za 2021. godinu isti proslijediti Općinskom vijeću na usvajanje.

## POTPISAN UGOVOR O REALIZACIJI PROGRAMA ODRŽAVANJA KOMUNALNIH OBJEKATA I UREĐAJA ZAJEDNIČKE KOMUNALNE POTROŠNJE OPĆINE BUŽIM ZA 2021. GODINU



U kabinetu općinskog načelnika potpisan je ugovor o organizovanju realizacije Programa održavanja i modernizacije komunalnih objekata i uređaja zajedničke komunalne potrošnje na području općine Bužim za 2021. godinu.

Ugovor su potpisali načelnik općine Bužim Mersudin Nanić i direktor JKP KOMB Bužim Hamid Šahinović. Vrijednost ugovora je 269.500,00 KM.

Ovim ugovorom definisano je zimsko i ljetno održavanje nekategorisanih puteva i ulica na području općine Bužim kao i trga Alije Izetbegovića, Kružnog toka i Turbeta generala Izeta Nanića.

## NAJMLAĐI STANOVNICI ČESTITALI ROĐENDAN OPĆINE



Prvu čestitku povodom dvadeset i šestog rođendana općine Bužim uputili su najmlađi stanovnici, najmlađe općine u Federaciji BiH, mališani Dječijeg vrtića Bužim.

Načelnik općine Mersudin Nanić upriličio je prijem za mališane Dječijeg vrtića Bužim koji su došli u pratnji svojih vaspitača i prigodnom pjesmom čestitali rođendan općine. Direktorica vrtića Rejhana Velić uručila je načelniku općine Bužim prigodan poklon od djece i uposlenika ove javne obrazovne ustanove.

Mališani su na prijemu pripremili posebnu pjesmu o Bužimu, a od načelnika su tražili da izgradi novi, veliki i plavi vrtić sa puno novih igračaka i vanjskim igralištem.

Načelnik se najmlađim stanovnicima Bužima zahvalio na rođendanskom poklonu i čestitci i kazao da je ovo sigurno najljepši prijem koji općina može organizovati.

„Općina Bužim već radi na projektu izgradnje nove zgrade dječijeg vrtića na prostoru stare osnovne škole. Vjerujem da će naši najmlađi stanovnici dobiti novu zgradu vrtića u centru grada sa svim potrebnim sadržajima“ – istakao je načelnik općine Bužim Mersudin Nanić u svom obraćanju.



## USVOJEN BUDŽET OPĆINE BUŽIM ZA 2021. GODINU



Održana je III redovna sjednica Općinskog vijeća Općine Bužim, na kojoj je usvojen predloženi budžet Općine Bužim za 2021. godinu u iznosu od 8.635.000.00 KM, a usvojena je i Odluka o izvršavanju budžeta Općine Bužim za 2021. godinu.

U kreiranju ovog najvažnijeg finansijskog dokumenta su, kao i prethodnih godina, učestvovali budžetski korisnici, udruženja građana, javne ustanove, javna poduzeća i građani predlažući prioritetne projekte od interesa za njihova područja iz kojih dolaze.

Pored budžeta i odluke o izvršavanju budžeta vijećnici su na sjednici usvojili i Odluku o dodjeli općinskih priznanja i odlikovanja općine Bužim za 2020. godinu, Nacrt odluke o organizaciji organa uprave, odluku o ut-

vrđivanju prava na oslobađanje plaćanja naknada za branioce i članove njihovih porodica, Odluku o raspisivanju izbora u Mjesnim zajednicama i niz drugih odluka i zaključaka.

“Danas smo usvojili najvažniji dokument za našu lokalnu zajednicu koji je preduslov funkcionisanja općinske uprave u ovoj godini kako bi na vrijeme mogli započeti planirane projekte. Budžet ima socijalni karakter, ali je u isto vrijeme razvojni, jer su znatno povećana sredstva za kapitalne infrastrukturne projekte. Prije svega, mislim na rekonstrukciju ulica i puteva u svim Mjesnim zajednicama gdje su ugrađena finansijska sredstva od strane građana za izgradnju lokalne putne mreže kao što je to bilo i prethodne godine. Pored putne mreže ove godine u budžetu su planirana sredstva za izgradnju Vatrogasnog doma, grant za poljoprivredu i privredu, kanalizacioni sistem, vodosnabdijevanje, prevoz učenika, podršku sportskim kolektivima, boračkim udruženjima i kulturnim radnicima. Posebno moram naglasiti da su ove godine planirana sredstva po osnovu prava na oslobađanje plaćanja naknada za gradnju borcima i članovima njihovih porodica. Moram istaći da su prošle godine završeni skoro svi planirani putni pravci. U 2021. godini preostaje nam da se zajedničkim snagama uključimo prema višim nivoima vlasti kako bi obezbijedili dodatna sredstava za izgradnju lokalnih puteva i ostalih značajnijih infrastrukturnih projekata. Sa sigurnošću mogu kazati da će se, ako Bog da svi putevi koji su u budžetu za 2021. godinu, a njih je ukupno 87, i uraditi na zadovoljstvo svih naših građana koji su prikupili i uplatili značajna sredstva“.- kazao načelnik Merudin Nanić nakon održane sjednice Općinskog vijeća.

“Vrlo je bitno da smo ovako rano uspjeli usvojiti budžet kako bi se na vrijeme pripremili za predstojeću građevinsku sezonu i otpočeli pripreme za brojne projekte koji su se našli u ovogodišnjem budžetu. Uvjeren sam da je budžet realan i da će se u potpunosti izvršiti, a na nama je da svi zajedno tražimo dodatna sredstva sa viših nivoa vlasti“.- istakao je predsjedavajući OV Bužim Suvad Šahinović.





## NAČELNIK RAZGOVARAO SA PREDSTAVNICIMA ELEKTRODISTRIBUCIJE BIHAĆ



U kabinetu Općinskog načelnika Mersudina Nanića održan je sastanak sa predstavnicima Elektrodistribucije Bihać, Almirom Zulićem i Sejadom Dupanovićem po pitanju duga Javnog komunalnog poduzeća "KOMB" Bužim za utrošenu električnu energiju koji sa današnjim danom iznosi 79.808,00 KM.

Javno komunalno poduzeće "KOMB" Bužim već devet mjeseci ne plaća račune za utrošenu električnu energiju na pumpnim stanicama Musići i Pivnice, te na nekoliko prepumpnih stanica, koje koristi ovo poduzeće. Tim povodom je i održan današnji sastanak kojem se na poziv Općinskog

načelnika pridružio i direktor JKP "KOMB" Bužim Hamid Šahinović.

Iako su predstavnici Elektrodistribucije Bihać u svojim dopisima upućenim Javnom komunalnom poduzeću najavili isključenje istih sa distributivne mreže zbog nagomilanog duga, danas je postignut dogovor da komunalno poduzeće, a nakon uplate od strane općine Bužim, interventno uplati iznos od 30.000,00 KM na ime duga za utrošenu električnu energiju.

Općinski načelnik Mersudin Nanić, a uzimajući u obzir tešku finansijsku situaciju u ovom poduzeću, predložio da se prolongira isključenje sa distributivne mreže zbog činjenice da bi većina stanovnika općine Bužim ostala bez vode za piće. Najveći broj stanovnika općine Bužim pitkom vodom se snabdjeva sa izvorišta Musići i izvorišta Pivnice. Ostatak duga po osnovu potrošnje električne energije rješavaće se u narednom periodu i uz saglasnost Općinskog vijeća.

## PROJEKAT „JA GRAĐANIN“ DOBIO PODRŠKU NAČELNIKA



Učenici trećeg razreda Mješovite srednje škole Bužim, koji su dio projekta „Ja građanin“ iz demokratije, sa svojom mentoricom Bunić Ilfetom su posjetili Općinskog načelnika Mersudina Nanića.

Učenici su Općinskom načelniku predstavili temu „Uticaj društvenih mreža na mentalno zdravlje ljudi“, a povezano sa trenutnom epidemiološkom situacijom i korona virusom, na kojoj aktivno rade u okviru ovog projekta.

Načelnik općine, a nekon što je upoznat sa projektom i njegovim ciljem, odgovarao je na pitanja učenika.

– „Ovom prilikom želim pohvaliti ideju i aktivizam učenika i njihovih profesora Mješovite srednje škole Bužim koji su mi se obratili sa zanimljivom i aktuelnom temom. Vjerujem da će učenici uspješno završiti ovaj projekat u kojem sam učestvovao i dao svoj mali doprinos“. – istakao je načelnik općine Bužim Mersudin Nanić nakon razgovora sa učenicima.

## NAČELNIK NANIĆ PRIMIO NOGOMETNOG REPREZENTATIVCA BIH ENEDINA MULALIĆA



Općinski načelnik Mersudin Nanić sa predsjedavajućim Općinskog vijeća Suvadom Šahinovićem i zamjenikom predsjedavajućeg Općinskog vijeća Nerminom Porićem primio je juniorskog državnog reprezentativca Bosne i Hercegovine Enedina Mulalića i njegove roditelje. Obzirom na činjenicu da je Enedin Mulalić prvi Bužimljanin koji je pozvan u državnu juniorsku reprezentaciju Bosne i Hercegovine (U-19) i koji predstavlja Bužim i sve Bužimljane, načelnik Nanić je uputio čestitku Enedinu i njegovim roditeljima na postignutom rezultatu koji svakako nije ostao neprimijećen na Unsko-sanskom kantonu. U ugodnom razgovoru upućeni su

brojni savjeti ali i riječi podrške Enedinu sa željom da ustraje u svojoj namjeri i da na najbolji mogući način predstavlja općinu Bužim i sve Bužimljane.

Načelnik je Enedinu uručio i skroman poklon i posebno naglasio: –“Kada neko iz male sredine kao što je Bužim dođe do državne reprezentacije onda to nije slučajnost, već upornost i sigurno kvalitet. Ja znam da se Enedin mora više truditi i biti bolji od drugih pet puta da bi zaslužio svoje mjesto u reprezentaciji. Ipak, vjerujem u talenat, upornost i viteštvo našeg Enedina koji će u budućnosti zasigurno postići zavidan rezultat na sportkom planu. Nikada ne zaboravljaj otkud si i uvijek s ponosom ističi da dolaziš iz Bužima, grada vitezova, heroja i ponosnih ljudi“.



## MINISTAR OBRAZOVANJA U POSJETI BUŽIMU



Nakon što je Elaborat o geotehničkim i geomehaničkim ispitivanjima sa zaključkom, dostavljen Ministarstvu i Vladi USK-a, načelnik općine Bužim i predsjedavajući Općinskog vijeća, održali su radni sastanak sa Ministrom obrazovanja, nauke, kulture i sporta USK-a kako bi se otkočili procesi oko izgradnje Muzeja grada.

Tim povodom ministar Ministarstva obrazovanja, nauke, kulture i sporta Almin Hopovac boravio je u službenoj posjeti općini Bužim, a sastao se sa načelnikom općine Mersudinom Nanićem, predsjedavajućim Općinskog vijeća Suvadom Šahinovićem, zamjenikom predsjedavajućeg Nerminom Porićem i

direktorom Osnovne škole Bužim Adnanom Nuhićem. Ministar Hopovac je sa domaćinima obišao objekat stare Osnovne škole da se uvjeri u stanje objekta, obzirom da je općina Bužim ministarstvu obrazovanja dostavila elaborat o geomahaničkom i geotehničkom ispitivanju stabilnosti zemljišta i samog objekta. Ministar se uvjerio u stvarno stanje na terenu i obećao da će Ministarstvo uraditi sve što bude u mogućnosti a sve na osnovu dostavljenog elaborata predložiti i mjere koje će trebati uraditi.

-„Potres koji je pogodio R Hrvatsku krajem prošle godine ostavio je značajan trag i na jednom dijelu starih objekata na području općine Bužim. Tako je i stara zgrada stare Osnovne škole Bužim doživjela znatna oštećenja pa je planirana sanacija ove zgrade dovedena u pitanje. Mi nećemo stati sa projektom izgradnje Muzeja grada i već poduzimamo konkretne aktivnosti u iznalaženju adekvatnog rješenja“, -istako je načelnik općine Bužim Mersudin Nanić.

## OPĆINSKI NAČELNIK POTPISAO SPORAZUM O SUFINANSIRANJU PROJEKTA „PRISTUPAČAN PREVOZ ZA OSOBE SA INVALIDITETOM



U općini Bužim svečano potpisan Sporazum o sufinansiranju projekta „Pristupačan prevoz za osobe sa invaliditetom općini Bužim-kupovina vozila“. Sporazum su potpisali Općinski načelnik Mersudin Nanić u ime općine Bužim i predsjednik Udruženja distrofičara Bužim Samir Đulić. Tako će općina Bužim učestvovati u sufinansiranju projekta sa 5.000,00 KM, koja su obezbijeđena u ovogodišnjem budžetu općine Bužim, i podržana od strane većine u Općinskom vijeću na prijedlog Općinskog načelnika.

Općinsko vijeće i načelnik Nanić i na ovaj način žele pomoći ovom udruženju gdje će kupovinom vozila dugoročno riješiti problem prevoza lica sa teškim tjelesnim invaliditetom u općini Bužim, te će svakako olakšati i unaprijediti svoj rad. O važnosti realizacije navedenog projekta, najbolje govori činjenica, da čitavo rukovodstvo udruženja su osobe sa teškim tjelesnim invaliditetom koje su u potpunosti ovisne o pristupačnom prevozu i tuđoj njezi i pomoći. Predsjednik Udruženja distrofičara Bužim Samir Đulić zahvalio se Općinskom vijeću i načelniku Naniću za obezbijedivanje sredstava u budžetu općine Bužim za podršku u projektu kupovine vozila s nadom da će se uspješna saradnja nastaviti se i u budućnosti.

## BAJRAMSKI PAKETIĆI ZA NAJMLAĐE



Ramazanski Bajram se i ove godine obilježava u posebnim uslovima, ali bez obzira na epidemiološke mjere opreza, suština Bajramskih praznika ostaje ista. Druženju u krugu porodice i prijatelja, te Bajramsko darivanje najmlađih.

Općinski načelnik Mersudin Nanić, predsjedavajući Općinskog vijeća Suvad Šahinović i zamjenik predsjedavajućeg Općinskog vijeća Nermin Porić pripremili su iznenađenje za 205 mališana iz Osnovnih škola sa područja općine Bužim i djecu Dječijeg vrtića, te im uručili Bajramske paketiće. Darivanje najmlađih počelo je u Osnovnoj školi „Bužim“, a nastavljeno u Dječijem vrtiću, Osnovnoj školi na Konjodoru i Osnovnoj školi „Mirsad Salkić“ u Čavi.

–“Drago nam je da imamo priliku obradovati prvačice svih Osnovnih škola sa područja naše općine i djecu Dječijeg vrtića Bužim, jer želimo radost Bajrama podijeliti sa onima kojima će ta radost biti draga, ali isto tako želimo im pokazati da nisu sami, te da lokalna zajednica mora pokazati posebno poštovanje i pažnju prema našim najmlađim stanovnicima“,- istakao je načelnik općine Mersudin Nanić nakon podjele Bajramskih paketića.



## POTPISANI UGOVORI SA 100 STIPENDISTA OPĆINE BUŽIM



U velikoj sali Centra za kulturu, sport i informisanje Bužim je upriličeno svečano potpisivanje ugovora o stipendiranju studenata koji su na konkursu Općine Bužim ostvarili pravo na stipendiju za akademsku 2020/21. godinu. Općina Bužim je ove godine dodijelila ukupno 100 stipendija u ukupnom iznosu od 500,00 KM, odnosno iz Budžeta općine Bužim je ukupno izdvojeno 50.000 KM. Svi studenti koji su ispunjavali konkursom definisane uvjete dobili su stipendije, a za razliku od ranijih godina stipendije su odobrene i studentima koji studiraju van države BiH. Prije potpisivanja

ugovora studentima i njihovim roditeljima obratili su se Sead Emrić, referent za kulturu u općini Bužim a zatim su čestitke dobitnicima stipendija svojim obraćanjem uputili predsjedavajući i dopredsjedavajući Općinskog vijeća općine Bužim Suad Šahinović i Nermin Porić. Načelnik općine Bužim Mersudin Nanić u svom obraćanju posebno se osvrnuo na bitnost ostanka mladih Bužimljana, te je izrazio nadu da će veliki broj studenata svoje stečeno znanje u budućnosti iskoristiti u razvoju svog Bužima, Unsko-sanskog kantona i Bosne i Hercegovine.



## PODRŠKA CENTRU ZA RAZVOJ INKLUZIVNIH PRAKSI



Općinski načelnik Mersudin Nanić u svom kabinetu primio je Elviru Ogršević, koordinatoricu CRIP-a. Razgovaralo se o nastavku podrške Centru za razvoj inkluzivnih praksi i potpisivanju memoranduma sa općinom Bužim i Centrom za socijalni rad Bužim. Sastanku je prisustvovala i v.d. direktorice JU „Centar za socijalni rad Bužim“, Amra Amidžić.

“Od 2015. godine imamo dobru saradnju sa Centrom inkluzivnih praksi koju planiramo nastaviti u narednom periodu, prije svega zbog činjenica da se bave specifičnim i jedinstvenim projektima sa najosjetljivijim kategorijama,

te da i djeca sa područja naše općine koriste usluge ovog Centra. Puna podrška neće izostati i ja se iskreno nadam da će svi njihovoi projekti biti podržani od strane općine Bužim“, – istakao je načelnik općine Mersudin Nanić nakon sastanka.

## NAČELNIK OPĆINE NA RADNOM SASTANKU U MINISTARSTVU POLJOPRIVREDE



Federalni ministar poljoprivrede, vodoprivrede i šumarstva Šemsudin Dedić održao je sastanak sa Općinskim načelnikom općina Bužim, Mersudinom Nanićem u Sarajevu.

Načelnik Mersudin Nanić upoznao je ministra s realiziranim i planiranim projektima iz oblasti poljoprivrede na području Općine Bužim kao i rezultatima projekata koje je Ministarstvo finansiralo tokom prethodnog perioda.

Posebno se zahvalio što je Ministarstvo poljoprivrede u prošloj godini osiguralo 946.000 KM za poljoprivredni-

ke na području općine Bužim.

Ministar Dedić upoznao je načelnika sa planovima Ministarstva za ovu godinu, te pozvao da poljoprivrednike s područja općine Bužim upoznaju o programima i javnim pozivima na koje mogu aplicirati u svrhu podrške proizvodnjama, nabavke poljoprivrednih mašina, priključnih uređaja i opreme, povećanja stočnog fonda, proširenja proizvodnih kapaciteta u funkciji poljoprivredne proizvodnje ili prerade poljoprivrednih proizvoda. – Bolja koordinacija s jedinicama lokalne samouprave s ciljem stvaranja boljeg ambijenta za bavljenje poljoprivredom i veća podrška poljoprivrednim proizvođačima naš je zajednički cilj – kazao je Dedić tokom susreta sa načelnikom općine Bužim.

## POTPISANI UGOVORI SA VOLONTERIMA



Nakon provedene konkursne procedure u općini Bužim su potpisani ugovori sa volonterima koji će narednu godinu dana obavljati volonterski staž i tako se upoznati sa radom i uslugama službi u općinskom organu Uprave.

Općina Bužim već nekoliko godina pruža mogućnost mladim i obrazovanim ljudima da steknu obavezno radno iskustvo od godinu dana i stvore uslove za polaganje ispita općeg znanja i time povećaju konkurentnost na tržištu rada. Prvog radnog dana volontere je

primio općinski načelnik Mersudin Nanić, koji je u razgovoru posebno naglasio kako vjeruje da će vrijeme od godinu dana iskoristiti da se što bolje upoznaju sa radom u općini Bužim i steknu nova znanja koja će im u budućnosti biti od koristi.

–„Očekujem da pokažete sve ono što ste naučili tokom svog obrazovanja, a vjerujem da ćete od uposlenika općine Bužim dobiti punu podršku u svom volonterskom stažu, kako bi sutra bili sposobni za samostalan rad”, rekao je načelnik općine Bužim Mersudin Nanić.

## IZVRŠENJE BUDŽETA OPĆINE BUŽIM ZA 2020.GODINU PREKO ŠEST MILONA KM



Na VI redovnoj sjednici Općinskog vijeća općine Bužim, vijećnicima je prezentiran Izvještaj o izvršenju budžeta za period od 01.01. do 31.12. 2020. godine koji je usvojen nakon rasprave.

Budžet za 2020. godinu ostat će upamćen po najvećem izvršenju od osnivanja općine Bužim.

Iznos izvršenja budžeta za 2020.godinu, godinu pandemije i smanjene ekonomske aktivnosti izvršen je u iznosu od 6.040.015,77 KM.

## PIONIRI OK "BUŽIM" NA PRIJEMU KOD NAČELNIKA OPĆINE



Načelnik općine Bužim Mersudin Nanić primio je pionire OK "Bužim" sa njihovim trenerima, a povodom njihovog plasmana i odlaska na završnicu državnog prvenstva Bosne i Hercegovine.

Naši najmlađi momci su ostvarili plasman na državno prvenstvo koje se ove godine održava u Bjeljini. U nedjelju 13.06 očekuje ih prva polufinalna utakmica sa domaćinom OK "Radnik". U slučaju pobjede finalnu utakmicu igraju sa brčanskom ekipom OK "Mladost" - upoznao je načelnika predsjednik muškog kluba Aladin Ičanović.

Trener Sulejman Mulalić je rekao da je

ekipa spremna i da se ide nadigravati na državno prvenstvo i da nećemo biti nijemi posmatrači jer mi igramo uvijek viteški. Posebno se zahvalio predsjedniku sportskog saveza Admiru Sijamhodžiću i načelniku općine Mersudinu Naniću na pomoći i podršci oko odlaska na ovo takmičenje.

Načelnik općine u svom obraćanju mladim odbojkašima je naglasio kako općina podržava sve sportske kolektive, te im poželio sreću i uspjeh na državnom prvenstvu.



## ČLANOVI UDRUŽENJA PČELARA „PROPOLIS“ KOD NAČELNIKA OPĆINE



Načelnik općine Bužim Mersudin Nanić primio je članove Udruženja pčelara „Propolis“ iz Bužima, a razgovaralo se o stanju pčelarstva na području općine Bužim i modalitetima pomoći.

–„Općina Bužim će svakako pomoći pčelarima da prevaziđu brojne probleme sa kojima se suočavaju ove godine zbog nepovoljnih vremenskih uslova. Danas smo konkretno dogovorili da u ovogodišnjem Programu poticaja primarnoj poljoprivrednoj proizvodnji povećamo sredstva pčelarima kako bi ublažili već nastale štete. Razgovarali smo i o drugim temama i dogovorili aktivniji rad Udruženja kroz organiziranje seminara i obuke

pčelara na području naše općine. Otvorene su i druge teme i problemi sa kojima se pčelari susreću, a koje moramo zajedno i sistematski rješavati“.-istako je načelnik općine Bužim Mersudin Nanić.

## NAČELNIK OPĆINE PRIMIO PREDSTAVNIKE SAVEZA ZA SPORT I REKREACIJU RVI



Općinski načelnik Mersudin Nanić je primio predstavnike Saveza za sport i rekreaciju invalida općine Bužim, a povodom osvojenog prvog mjesta na Kantonalnom prvenstvu u streljaštvu koje je održano u Sanskom Mostu. Prijemu ekipe SSRI Bužim prisustvovao je i predsjednik Sportskog saveza općine Bužim admir Sijamhodžić.

Kao pobjednici Kantonalnog prvenstva ekipa SSRI općine Bužim će predstavljati Unsko-sanski kanton na Državnom prvenstvu u streljaštvu koje će održati u Zenici 26. juna 2021.godine.

Načelnik je čestitao na postignutom rezulta-

tu ekipi iz streljaštva Saveza za sport i rekreaciju RVI općine Bužim, te im poželio da postignu dobar rezultat na Državnom prvenstvu.

–„Vjerujem da ćete na najbolji mogući način predstavljati Bužim i Unsko-sanski kanton na državnom prvenstvu i obradovati nas jednom medaljom. Podržavam rad sportskih kolektiva, a posebno sportista invalida koji na najbolji način predstavljaju našu općinu. I u budućnosti možete očekivati svu potrebnu podršku za sve klubove Saveza za sport i rekreaciju koji su aktivni i koji ostvaruju zapažene rezultate“.-istakao je načelnik općine Bužim Mersudin Nanić.





## MERJEM DAUTOVIĆ PRIMJEROM POKAZALA KAKO SE VOLI BIH



Informaciju o početku radova na zaobilaznici u Bužimu zasjenio je nesvakidašnji gest mlade sugrađanke Merjem Dautović koji nije ostao neprijećen od zvanica ovog događaja. Naime, u trenutku kada je počeo zvanični dio programa uvođenja izvođača u radove na Bužimskoj obilaznici intonirana je državna himna, a djevojčica je prilikom šetnje i u zanosu igre ponosno i uspravo stala te istu od početka do kraja s posebnim oduševljenjem saslušala. Njeno držanje i stav bili su prilika da se ponovi gradivo o poštovanju države ali i ukaže na značaj promocije patriotizma kod najmlađih.

Ova mlada Bužimljanka lekcije iz patriotizma najbolje je savladala iz riječi i djela svoga oca, Seada Dautovića – Dauta, nadaleko poznatog bužimskog gazije i borca 505-te višesteške brigade koji je boreći se za domovinu i rodni kraj ostao stopostotni invalid.

Ovaj nesvakidašnji događaj bio je povod da načelnik općine Bužim Mersudin Nanić, primi sugrađanku Merjem i njene roditelje, te izrazi zahvalnost njoj i njenim roditeljima na izuzetnom odgoju, patriotizmu i ljubavi prema državi.

Prilikom prijema kod načelnika općine Bužim Merjem se posebno obradovala državnoj zastavi koju je dobila na poklon od općinskog načelnika. “Kod kuće ali i u školi kod učiteljice Emire Nanić sam naučila da se mora poštovati državna himna i zastava. Ja sam uradila samo ono što je obaveza i dužnost”- istakla je Merjem.

Dokaz je ovo da mladi Bužimljani i danas na najljepši način gaje ljubav prema domovini ali i sjećanje na sve ono što su njihovi roditelji učinili u ratu za rodni kraj.

## NAČELNIK OPĆINE RAZGOVARAO SA PREDSTAVNICIMA VIJEĆA MLADIH OPĆINE BUŽIM



Načelnik općine Bužim Mersudin Nanić primio je predstavnike Vijeća mladih općine Bužim i koordinatorice projekta DOM Velika Kladuša. Na sastanku se razgovaralo o implementaciji Zakona o mladima Federacije BiH, te učešću mladih u procesima donošenja odluka na području općine Bužim. Dogovoreno je da u narednom periodu Vijeće mladih Bužim će ozvaničiti saradnju sa općinom potpisivanjem Sporazuma o suradnji između načelnika i Vijeća mladih općine Bužim.

Obzirom da je ovo samo dio problema koji muče mlade ljude u našoj zemlji načelnik Nanić se zahvalio Vijeću mladih općine Bužim na aktivnostima koje provode u ovoj lokalnoj zajednici ali i na prostoru cijele države te posebno istakao:-, Mladi ljudi pored nezaposlenosti izdvajaju i naglašavaju konstantan negativan učinak i drugih društvenih pojava ali vidim da pokušavate djelovati zašto imate punu podršku općine Bužim u svom nastojanju da stavite mlade ljude u fokus. Samo radom i konkretnim projektima možemo stvarati bolje uslove, kako za mlade, tako i za sve stanovnike naše lokalne zajednice“.

## PREDSTAVNICI VLADE I SKUPŠTINE USK U POSJETI OPĆINI BUŽIM



Premijera USK-a Mustafu Ružnića sa predsjedavajućim Skupštine Razimom Halkićem, zamjenikom predsjedavajućeg Nisvetom Jusićem i ministricom privrede Mehić Samrom, primio je načelnik općine Bužim Mersudin Nanić i predsjedavajući OV Bužim Suvad Šahinović, a povodom uplate sredstava Vlade USK u iznosu od 924.500,00 KM za infrastrukturne projekte na području općine Bužim.

Na samom uvodu kao domaćini prisutnima su se obratili načelnik općine Bužim Mersudin Nanić i predsjedavajući općinskog vijeća općine Bužim Suvad Šahinović te se zahvalili premijeru, predsjedavajućem skupštine i zamjeniku na posjeti i odobren-

im i uplaćenim sredstvima općini Bužim za infrastrukturne projekte.

Nakon njih obratili su se i Premijer USK Mustafa Ružnić, predsjedavajući skupštine USK Razim Halkić te zamjenik predsjedavajućeg skupštine USK Nisvet Jusić.

## DOGOVOREN PREVOZ UČENIKA SA PREVOZNICIMA



Početak svake školske godine obično je obilježen prvačićima i njihovim roditeljima koji ponosno prate svoje učenike u jednu novu etapu njihovog života i usvajanja znanja i vještina koje će ih pratiti kroz život. Tim povodom je i Općinski načelnik Merusdin Nanić, prvog dana nove školske godine, posjetio Osnovne škole na području općine Bužim. Umjesto čestitiki i radovanja prvom danu škole, učenici sa područja općine Bužim, susreli su se sa problemom prevoza do škole koji kao i prošle godine nije riješen, te su o svemu upoznali općinskog načelnika.

Iako prevoz učenika nije u nadležnosti općine,

Općinski načelnik Merudin Nanić je u cilju prevazilaženja ovog problema, sazvao radni sastanak na kojem su pored prevoznika prisustvovali predsjedavajući OV Suvad Šahinović, zamjenik predsjedavajućeg Nermin Porić, direktor centralne Osnovne škole Adnan Nuhić, sekretar škole Sulejman Veladžić i roditelji učenika kojima je uskraćen prevoz.

U uvodnom dijelu sastanka načelnik općine Mersudin Nanić je ponudio konkretno rješenje nastalog problema oko prevoza učenika i posebno naglasio:

-“Iako je prevoz učenika u nadležnosti Ministarstva obrazovanja, nauke, kulture i sporta USK-a, općina Bužim i Općinsko vijeće je spremno pomoći u prevazilaženju ovog problema u obezbjeđivanju novčanih sredstava iz budžeta općine za jedan mjesec prevoza učenika, a da se u međuvremenu raspiše novi tender, te da svi prevoznici voze svoje linije kao i do sada i da ne obaraju tender nepotrebним žalbama jer će žalbe uzrokovati odgađanje prevoza i u konačnici će ostaviti naše učenike bez prevoza kao i prošle godine. Zbog veoma složene situacije ovog problema ali posebno zbog činjenice da trpe naša djeca molim sve aktere od prevoznika do Uprave škole na razumijevanje, a sve u interesu naše djece i njihovih roditelja koji se svakodnevno meni javljaju, iako još jednom napominjem, nemam direktne nadležnosti već samo onu ljudsku. I pored te činjenice izražavam spremnost u rješavanju ovog problema i vjerujem da ćemo danas iznaći rješenje koje će zadovoljiti sve aktere, a obradovati našu djecu i njihove roditelje koji su danas ovdje sa nama i koji očekuju konačno rješenje“.

## NAČELNIK OPĆINE PRIMIO JEDNOG OD NAJBOLJIH PČELARA SA PODRUČJA OPĆINE BUŽIM



Općinski načelnik Mersudin Nanić primio je jednog od najboljih i najaktivnijih pčelara općine Bužim Rasima Porića, a povodom sve zapaženijih rezultata na brojnim takmičenjima u kvaliteti meda. Načelnik Nanić se zahvalio ovom izuzetnom pčelaru koji na najbolji mogući način predstavlja općinu Bužim širom regiona, te ga novčano nagradio za postignute rezultate.

–„Općina Bužim prepoznaje vrijedne i marljive ljude koji su postali prepoznatljivi po rezultatima i stalnom nepredovanju u poslu kojim se bave. Rasim je primjer da se od pčelarstva može živjeti

i izdržavati porodica. Posebno me raduje što je jedan pčelar sa područja naše općine postao i redovan predavač na seminarima u zemlji i inostranstvu gdje prenosi svoja znanja i iskustva drugim pčelarima.“- istako je načelnik općine Mersudin Nanić tokom razgovora.

Rasim Porić se zahvalio načelniku Općine Bužim na prijemu i posebno naglasio: „Već nekoliko godina redovni sam učesnik domaćih i međunarodnih takmičenja u kvaliteti meda gdje ostvarujem zapažene rezultate osvajanjem zlatnih medalja i šampionskih titula za kvalitetu meda sa ovog našeg područja koje je čisto i bogato šumama kestena. Najprestižnija priznanja u karijeri je osvojena šampionska titula za najbolji med u konkurenciji od 290 učesnika iz 19 zemalja svijeta na međunarodnom takmičenju meda koje je održano u Novom Sadu, R Srbija. Zatim šampionska titula za najbolju inovaciju na međunarodnom takmičenju inovatora u Srbiji. Sljedi Međunarodno takmičenje meda u Tuzli gdje osvajam Prvu Zlatnu pčelu koja je ikad dodjeljena nekom pčelaru u BiH. Tako sam i ove godine, iako je bila teška za sve pčelare, učestvovao na međunarodnom takmičenju meda “Medena Tuzla” gdje je bilo preko 470 učesnika iz 23 zemlje svijeta. Tu sa svojim proizvodima osvajam 6 zlatnih medalja i najprestižniju nagradu „Zlatnu pčelu“ za inovativni proizvod „medeno jutro“. Jedan sam od predavača na seminarima i često sam gost na predavanjima iz oblasti pčelarstva širom regiona. Tako sam već započeo sa predavanjima i prije par dana u Gradačcu održao predavanje u organizaciji Udruženja pčelara “Pčela” Gradačac. U toku su pripreme za naredne aktivnosti, a to su svakako predstojeća takmičenja u kvaliteti meda koja će se održati u Makedoniji i Srbiji. Ovom prilikom se želim zahvaliti Općinskom načelniku Mersudinu Naniću na podršci i prepoznavanju mog rada u promociji pčelarstva općine Bužim“.



## VLASNIKE “SEVDAHA” PRIMIO NAČELNIK OPĆINE BUŽIM



Tornjak Sevdah koji je u vlasništvu porodice Burzić iz Bužima i koji je dio uzgajivačnice tornjaka “Od Burzića” iz Zaradostova okitio se titulom svjetskog prvaka na takmičenju u Češkom gradu Brno početkom ovog mjeseca. Od svog povratka sa takmičenja porodica Burzić sa svojim Sevdahom je u središtu pažnje domaćih ali i regionalnih medija koji ih svakodnevno posjećuju kako bi upoznali i predstavili široj javnosti ovog izuzetnog tornjaka.

Povodom ovog izuzetnog uspjeha na međunarodnom takmičenju, načelnik općine Bužim Mersudin Nanić, primio je u svom kabinetu ponosne vlasnike Sevdaha Burzić Mirsadu i Husniju. Tokom razgovora

moglo se čuti dosta zanimljivih podataka o tornjacima i njihovom uzgoju, a Burzići ponosno ističu da su presretni postignutim rezultatom što im daje i dodatnu obavezu u budućnosti. Husnija posebno ističe činjenicu da je iz njihove uzgajivačnice otišlo kod novih vlasnika na desetine tornjaka, a ponosni vlasnik jednog tornjaka je i ambasador Švicarske u BiH.

Načelnik je pored čestitke Burzićima na promociji autohtone bosanske pasmine obećao i podršku općine Bužim, te posebno naglasio: “Općina Bužim će svakako putem nadležne službe pomoći u skladu sa svojim nadležnostima i mogućnostima. Ovakvi primjeri i promocija naše lokalne zajednice ne ostaju ne primjećeni i svi vidimo da je naš Sevdah izazvao pozitivne reakcije medija u regionu. Danas sam čuo dosta zanimljivih informacija i želim da Burzići, uz svu potrebnu podršku, nastave sa uzgojem tornjaka i stvaranjem novih šampiona”.

## ZLATNI PČELARI KOD NAČELNIKA OPĆINE



Članove Udruženja pčelara “Propolis” Bužim primio je danas načelnik općine Mersudin Nanić, a povodom učešća članova ovog udruženja na Međunarodnom sajmu pčelarstva održanom u Tuzli gdje su ostvarili zapažene rezultate. Zlatne medalje za kvalitet meda sa naših prostora osvojili su Zorić Hasan, Hajrudinović Jasmin, Rasim Porić. te obrt “Bizin-bal” u vlasništvu Zorić Edine i Abdulaha.

Općinski načelnik je čestitao nagrađenim članovima Udruženja “Propolis” na

osvojenim nagradama na sajmu pčelarstva “Medena Tuzla” koji je održan u organizaciji Saveza pčelara TK, te posebno naglasio:

–“Svaka pozitivna priča je najbolja promocija naše općine, a svjedoci smo da je sve više takvih priča i primjera iz naše lokalne zajednice što me posebno veseli i raduje. Vjerujem da ovi rezultati ne dolaze slučajno već da su plod kontinuiranog rada. Općina Bužim će svakako podržati rad Udruženja kao i svih ovih godina”.

## NAČELNIK NANIĆ PRIMIO ERKAPA ELKASOVICA IZ R. TURSKJE



Predstavnik grada Biga Ergūna Erkapa Elkasovica primio je načelnik općine Bužim Mersudin Nanić sa saradnicima. Prilikom nedavne posjete bratskim gradovima i općinama u R Turskoj dogovorena je ova posjeta koja ima za cilj uspostavljanje ekonomske i kulturne saradnje općine Bužim i grada Bige iz R Turske. Načelnik Nanić je u uvodnom obraćanju kazao da nakon ovog susreta očekuje konkretnu saradnju sa nekoliko gradova iz Turske, te posebno naglasio:

– “Tri prijateljska grada sa početnim slovom B, Bužim Biga i Bursa će nakon uspostavljanja jače saradnje imati i nešto više zajedničkog. Vjerujem da će i Općinsko

vijeće općine Bužim podržati Sporazum o bratimljenju ovih gradova i da ćemo u budućnosti imati još bolju saradnju i povezanost posebno zbog činjenice da se sve više Bošnjaka iz R Turske žele povezivati sa Bosnom i Hercegovinom i njenim gradovima“.

Ergun Erkap Elkasović je sa ponosom istakao kako su njegovi porijeklom sa ovih prostora i da im danas u dokumentima stoji mjesto rođenja Lubarda. Ergun je svojim domaćinima najavio aktivnosti na bratimljenju i saradnji Bige i Burse sa općinom Bužim, a ovu ideju je rado prihvatio načelnik Nanić.

Delegacija općine Bužim sa gostom iz Turske je posjetila Turbe Generala Izeta Nanića gdje je položila cvijeće i proučila fatihu, a nakon toga je upriličen obilazak privrednika i poljoprivrednika sa područja općine Bužim kako bi se prezentirali potencijali naše lokalne zajednice.

## PRIJEM ZA DRŽAVNOG REPREZENTATIVCA MEHMEDA KRUPIĆA



Načelnik općine Mersudin Nanić, predsjedavajući OV Bužim Suvad Šahinović i predsjednik Sportskog saveza općine Bužim Admir Sijamhodžić primili su predstavnike kluba „Gazija“ iz Vrhovske sa državnim prvakom BiH Mehmedom Krupićem koji slijedeće sedmice odlazi na Europsko prvenstvo u kick boksu gdje će predstavljati svoj klub i svoju općinu kao reprezentativac BiH.

Načelnik općine Bužim Mersudin Nanić poželio je našem državnom prvaku da u što boljem svjetlu predstavlja svoj klub i općinu na ovom prestižnom takmičenju i posebno

naglasio:

– „Općina će uvijek biti uz svoje sportiste i davati svu moguću podršku prema mogućnostima jer znam da su sportisti naši najbolji ambasadori. Ja Mehmedu želim puno sportske sreće na ovom takmičenju sa nadom da će i pored velike konkurencije pokazati da je ponosni vitez i Gazija“.

## MUFTIJA KUDIĆ RAZGOVARAO SA NAČELNIKOM BUŽIMA



Muftija bihački hafiz Mehmed-ef. Kudić je primio načelnika općine Bužim Mesudina Nanića i vijećnika u općinskom vijeću Abida Mulalića. Muftija je sa svojim gostima razgovarao o projektima koje realizira Muftijstvo bihačko, prije svega o adaptacija zgrade Muftijstva, te se informisao o projektima koje se realiziraju u općini Bužim.

“Informisao sam načelnika Nanića o projektima koje realiziramo, te mi je drago da će i Bužim uzeti učešće i podržati ono što radimo u ovom objektu u kojem se nalazimo. Vrijedno je istaći da pripreme u vezi izgradnje Muzeja 505. viteške brigade u Bužimu teče željenom dinamikom. Drago mi je da su načel-

nik i njegovi saradnici posvećeni projektima koji će unaprijediti životni standard građana općine Bužim, prije svega mislim na putnu infrastrukturu, te o projektu vodosnabdijevanja koji je u toku.” – izjavio je muftija Kudić. Načelnik općine Bužim Mersudin Nanić je čestitao muftiji Kudiću na dosadašnjem pristupu u komunikaciji sa predstavnicima općina i gradova Unsko-sanskog kantona i istakao važnost saradnje svih institucija koje služe građanima po raznim osnovama.

“Obišao sam sa muftijom Kudićem radove na zgradi Muftijstva bihačkog i mi ćemo kao općina Bužim, kao što su to uradile i druge općine i gradovi, podržati ovaj iznimno važan projekat. Drago mi je da muftija Kudić prati ono što radimo na lokalnom nivou, te smo se složili da je posebno važno da naša energija i fokus bude na korisnim projektima. Obavijestio sam muftiju Kudića o toku pripreme izgradnje Muzeja 505. viteške brigade, o bužimskoj zaobilaznici, o projektu vodosnabdijevanja, zašto smo aplicirali i na neke strane fondove i organizacije. Naš muftija je čovjek s kojim uvijek rado razgovaram, jer su naši razgovori fokusirani na projekte i dobre ideje.” – istakao je načelnik Nanić.

Sastanku su prisustvovali i rukovodilac Službe za vjerske poslove i obrazovanje mr. Haris-ef. Veladžić i saradnik za medije Nazif-ef. Horozović.

## PREDSTAVNIKE PLANINARSKOG DRUŠTVA “RADOČ” PRIMIO OPĆINSKI NAČELNIK



Općinski načelnik Mersudin Nanić je primio predstavnike Planinarskog društva “Radoč” iz Bužima, a povodom organiziranja planinarskog pohoda i promocije obilježene pješačke staze Bužim-Stari grad, a sve povodom obilježavanja 25. novembra-Dana državnosti BiH. Načelnik Nanić je podržao ovu ideju PD”Radoč” koje je posljednjih nekoliko godina veoma aktivno u svojim aktivnostima, te im obećao svu potrebnu pomoć i podršku u pripremi i organizaciji ovog događaja.

## DELAGACIJA OPĆINE BUŽIM U POSJETI TVORNICI AKUMULATORA „TAB“ U R. SLOVENIJI



Načelnik općine Bužim Mersudin Nanić sa predsjedavajućim OV Bužim Suvadom Šahinovićem, dopredsjedavajućim Nermynom Porićem, direktorom firme Kovgrad Bužim Safetom Kovačevićem te ostalim saradnicima, posjetio je tvornicu akumulatora „TAB“ u Republici Sloveniji, gdje je razgovarano sa čelnim ljudima ovog poduzeća o nekoliko značajnih tema. Inače, u ovoj tvornici zaposleno je oko 250 radnika sa područja naše općine što je bio glavni razlog posjete i razgovora o mogućnostima i planovima tvornice akumulatora na području Bosne i Hercegovine.

-„Upravi tvornice akumulatora predstavili smo potencijale i mogućnosti naše općine sa posebnim akcentom na otvaranje ili bolje rečeno, preseljenje jednog proizvodnog pogona tvornice u Bužim. Značajan broj naših Bužimljana već dugo radi u ovoj kompaniji, posjeduju radno iskustvo i zasigurno bi jedan pogon ove tvornice imao perspektivu na našem području. Pored zapošljavanja naših ljudi koji već rade u pogonima ove tvornice stvorila bi se mogućnost i zapošljavanja mladih ljudi, te spriječilo iseljavanje kompletnih porodica. Pored radne snage i blizina granice sa EU je svakako jedna od naših prednosti i u narednoj godini ozbiljno ćemo raditi na ovom projektu i njegovoj realizaciji.“- istako je općinski načelnik općine Bužim Mersudin Nanić nakon posjete.



## NAČELNIK OPĆINE PRIMIO DIREKTORA SPŽZ BIHAĆ



Povodom završetka radova na rekonstrukciji i sanaciji kuće za smještaj djece bez roditeljskog staranja na području općine Bužim, načelnik općine Mersudin Nanić razgovarao je sa direktorom Socijalno-pedagoške životne zajednice Bihać Izudinom Hilićem i saradnicima.

U naselju Čungar završena je jedna od dvije kuće koje su predviđene za smještaj djece bez roditeljskog staranja, a koja će biti predana na upravljanje Socijalno pedagoškoj zajednici iz Bihaća. Razgovaralo se i o završetku druge kuće na ovom lokalitetu, a direktor SPŽZ Bihać je posebno naglasio: „Najveći

broj djece bez roditeljskog staranja na području Unsko sanskog kantona dolazi upravo iz općine Bužim i oni su danas smješteni u više općina i gradova. Ovim projektom stvaramo uslove da djeca iz Bužima odrastaju, školuju se, žive u poznatom i ugodnom okruženju što je svakako jedna velika prednost“.

Načelnik općine Bužim Mersudin Nanić upoznao je direktora Hilića sa do sada urađenim ali i planovima za završetak druge kuće za smještaj djece bez roditeljskog staranja iz Bužima.

-„Općina Bužim je odlučna da ovaj značajan projekat za našu djecu završi i stavi u punu funkciju u cilju stvaranja boljih uslova za bezbrižno odrastanje djece koja su ostala bez jednog ili oba roditelja, a koja će biti smještena u hraniteljskim porodicama. Naredne godine treba završiti i drugu kuću koja je predviđena za ove namjene, a ja vjerujem da će se obezbijediti potrebna sredstva sa viših nivoa vlasti. Ono što bude do općine Bužim i njenih službi zasigurno će biti završeno u najkraćem mogućem roku.“- naglasio je načelnik općine Bužim Mersudin Nanić nakon obilaska kuće za smještaj djece bez roditeljskog staranja.

## ASFALTIRAN LOKALNI PUT MAHMIĆA MOST-HANDANI



I u 2021. godini nastavlja se izgradnja infrastrukturnih projekata na području općine Bužim, a posebno zbog povoljnih meteoroloških uslova. Tako je u mjesnoj zajednici Čava asfaltiran nekategorisani put Mahmića Most-Handani u dužini od 420 metara.

Vrijednost urađenih radova iznosi 52.985,63 KM, a i ovaj projekat finansirao se zajedničkim sredstvima građana i općine Bužim. Završetkom asfaltiranja ovog putnog pravca stvoreni su bolji uslovi za život mještana ovog naselja, ali i za građane cijele općine Bužim koji se već uveliko pripremaju za sli-

jedeću građevinsku sezonu kandidirajući svoje projekte prema općini.

Načelnik općine Bužim Mersudin Nanić prisustvovao je završnim radovima na ovom projektu i u razgovoru sa mještanima posebno naglasio: “Sve ono što je obećano i što smo zajedno radili proteklu godinu je u potpunosti završeno. Nastavljamo sa novim projektima i tokom ove godine zajedno sa građanima koji određuju prioritete i sami kandidiraju svoje projekte”.

## U RAD PUŠTENA RASVJETA U NASELJU DERVIĆI



Svečano je puštena novoizgrađena rasvjeta u naselju Dervići u Mjesnoj zajednici Bužim. Dolaskom ljepšeg vremena i na otvoru ovogodišnje građevinske sezone, općina Bužim i njeni građani, nastavljaju sa zajedničkim projektima i stvaranju boljih uslova za život. Rasvjetu su u rad pustili građani naselja Dervići zajedno sa načelnikom općine Bužim Mersudinom Nanićem i predsjedavajućim Općinskog vijeća Suvadom Šahinovićem. Zajedničkim sredstvima građana i Općine urađen je i ovaj

projekat javne rasvjete u iznosu od 8.000,00 KM.

–“Zajedničkim sredstvima općine Bužim i građana naselja Dervići u MZ Bužim urađena je još jedna rasvjeta, koju smo večeras pustili u rad. Ovo je početak građevinske sezone i u narednom periodu trebali bi početi radovi na više od osamdeset projekata koje su kandidirali građani, a koje smo mi podržali iz Općinskog budžeta. Mogu slobodno reći da će se pored nastavka izgradnje obilaznice, raditi uporedo i na izgradnji lokalne putne mreže i javnih rasvjeta u svim mjesnim zajednicama na području naše Općine, kao i na nizu drugih planiranih projekata za ovu godinu,”– istakao je načelnik općine Bužim Mersudin Nanić.





## ASFALTIRAN PUT U MJESNOJ ZAJEDNICI RADOČ



Izvršeno je asfaltiranje i rekonstrukcije nekategorisanog puta Mustafići-Radoč u Mjesnoj zajednici Radoč, ukupne vrijednosti od 60.000,00 KM i dužini od 425 metara, a koji je finasiran sredstvima građana i općine Bužim. Već nekoliko godina uspješno se realiziraju projekti na području općine Bužim po principu „Marka građani-marka Općina, a rekonstrukcija puta Mustafići-Radoč je još jedan uspješno realiziran projekat rekonstrukcije putne mreže.

-“Putna mreža se svake godine širi u svim Mjesnim zajednicama na području naše općine i stvaraju se bolji životni uslovi za sve naše stanovnike. Ovih dana završavaju se projekti putne mreže koji su ostali od prošle godine, a istovremeno idemo u raspisivanje

tendera sa preko osamdeset putnih pravaca koji će se raditi u ovoj godini“, - istakao je načelnik općine Bužim Mersudin Nanić.

## POTPISANI UGOVORI ZA IZGRADNJU I REKONSTRUKCIJU ŠEST PUTNIH PRAVACA



U prostorijama JU „Centra za kulturu, sport i informisanje“ Bužim, potpisani su ugovori za izgradnju šest putnih pravaca. Uz prisustvo predstavnika građevinskog odbora, ugovore su potpisali općinski načelnik Mersudin Nanić i izvođač radova, direktor firme „Kov Grad“ d.o.o Bužim, Safet Kovačević.

I ove godine na području Općine Bužim u sklopu projekta „Marka građani-marka Općina“ gradit će se ukupno 32 putna pravca ukupne vrijednosti veće od 1.500.000,00 KM, a danas su potpisani ugovori za prvih šest u četiri Mjesne zajednice.

Prvi potpisani ugovori se odnose na rekonstrukciju i modernizaciju šest putnih pravaca, koji će se graditi u mjesnim zajednicama: – Bužim/Bag i to nekategorisani put Stari grad-Bag i ulica Zmaja od Bosne, u MZ Zaradostovo nekategorisani putevi Donji Burzići-Hajdanovac i Fazlići, u MZ Lubarda nekategorisani put Kudelići-industrijska zona i u MZ Čava nekategorisani put Čehajići-Brežak u ukupnoj dužini svih putnih pravaca od 2.755 metara.

Ukupna vrijednost potpisanih ugovora iznosi 443.787,06 KM, a rok za završetak radova je šezdeset dana od uvođenja izvođača radova u posao.

-I u ovoj godini nastavljamo sa projektima izgradnje putne infrastrukture na području cijele općine, a koje su kandidirali sami građani. Prije svega se zahvaljujem građevinskim odborima i građanima koji su ove godine sakupili više od 750.000,00 KM ali i većini u Općinskom vijeću Bužim koji su podržali ovogodnji budžet i ove projekte „Marka građani-marka općina.“ -istakao je načelnik općine Mersudin Nanić prilikom potpisivanja ugovora.

## POČELA SANACIJA NISKONAPOSNKE MREŽE NA PODRUČJU OPĆINE BUŽIM



Načelnik općine Bužim Mersudin Nanić održao je radni sastanak sa direktorom „Elektrodistribucije Bihać“ Almirom Zulićem, a povodom značajnih investicija koje se planiraju realizirati u narednom periodu na području naše općine.

Nakon održanog sastanka, „Elektrodistribucija Bihać“ već izvodi radove na rekonstrukciji i modernizaciji niskonaponske mreže u MZ Čava i to od Osnovne škole do Gornje Čave, gdje će se uložiti značajna sredstva i poboljšati snabdijevanje električnom energijom stanovništvo ove mjesne zajednice.

Direktor je istekao da se posebno zahvaljuje Općinskom vijeću na donošenju potrebnih odluka, kao i Općinskom načelniku i Općinskoj upravi na ažurnom rješavanju

predmeta eksproprijacije, što je preduslov za investicije.

„U ovoj godini očekujemo značajne investicije i ulaganja Elektrodistribucije u niskonaponsku mrežu na području naše općine. Izgradnjom 110 kV transformatorske stanice kvalitetno je riješeno elektro snabdijevanje za prostor cijele općine, a sada ubrzano radimo na niskonaponskoj mreži i njenoj modernizaciji. Danas sam se u Čavi uvjerio na licu mjesta da se radovi odvijaju planiranom dinamikom, tako da možemo očekivati sanaciju i u drugim Mjesnim zajednicama gdje je niskonaponska mreža dotrajala“, – izjavio je načelnik općine Mersudin Nanić nakon obilaska radova u Čavi.

## POTPISAN UGOVOR ZA ODRŽAVANJE JAVNE RASVJETE



U kabinetu Općinskog načelnika Mersudina Nanića je potpisan ugovor o održavanju javne rasvjete na području općine Bužim. Ugovor su potpisali načelnik Općine Bužim Mersudin Nanić i direktor firme D.O.O. „Elkro Džanić“.

Potpisanim ugovorom poduzeće „Elektro Džanić“ će održavati javnu rasvjetu na području općine Bužim, te sa svim raspoloživim kapacitetima pokušati otkloniti nastale kvarove na sistemu javne rasvjete, odnosno broj kvarova u budućnosti smanjiti na minimum.

Vrijednost potpisanog ugovora na godišnjem nivou iznosi 23.076,00 KM.

„Današnjim potpisivanjem ugovora za održavanje javne rasvjete želimo poboljšati sistem javnih rasvjeta na području naše općine i održavanje istih. Nadležna općinska služba je evidentirala kvarove na javnim rasvjetama po svim Mjesnim zajednicama koji će u narednom periodu biti otklonjeni“. –kazao je načelnik Mersudin Nanić nakon potpisivanja ugovora sa izvođačem.



## POČELI RADOVI NA IZGRADNJI PUTNE MREŽE



Načelnik općine Bužim Mersudin Nanić sa predsjedavajućim Općinskog vijeća Suvadom Šahinovićem, njegovim zamjenikom Nerminom Porić, vijećnicima Općinskog vijeća i saradnicima, obišli su započete radove na izgradnji i rekonstrukciji lokalne putne mreže. Poduzeće „KOV GRAD“, a nakon što su potpisani ugovori za izgradnju i rekonstrukciji nekategorisanih puteva na području općine Bužim, otpočelo je radove na lokalnom putu „Donji Burzići-Hajdanovac“ u mjesnoj zajednici Zaradostovo.

Vrijednost radova na ovom putnom pravcu je 149.999,08 KM, a finansira se sredstvima građana i općine Bužim po sistemu „Marka građani-marka

Općina“.

U isto vrijeme otpočeće će radovi na izgradnji puteva u naseljima Kudelići, Bag, Fazlići, Čehajići-Brežak i ulica Zmaja od Bosne u mjesnim zajednicama Lubarda, Bag, Mrazovac, Čava i Bužim u ukupnoj vrijednosti 315.000,00 maraka za koji su potpisani ugovori.

„Nastavljamo sa izgradnjom lokalne putne mreže u saradnji sa našim građanima u svim Mjesnim zajednicama na području naše općine. Ovaj model se pokazao uspješnim tokom proteklih nekoliko godina i mi nastavljamo sa stvaranjem bolje i brže putne komunikacije. Uvjeren sam da će svi projekti putne infrastrukture, a koji su planirani u budžetu općine za ovu godinu, biti završeni do kraja građevinske sezone“, -istakao je načelnik općine Mersudin Nanić nakon obilaska radova.

## NAČELNIK OPĆINE BUŽIM POTPISAO UGOVOR ZA DVA NOVA PROJEKTA



Načelnik općine Bužim Mersudin Nanić i ministar poljoprivrede, vodoprivrede i šumarstva u Vladi USK-a Sujeman Kulenović, potpisali su u Bihaću ugovor o realizaciji dva projekta „Zaštita od poplava-čišćenje potoka Bužimniva“ i „Izrada projektno-tehničke dokumentacije kanalizacionog sistema za područje općine Bužim“.

Svečanosti potpisivanja ugovora prisustvovao je i predsjedavajući Općinskog vijeća Suvad Šahinović. Vrijednost potpisanog ugovora je 60.000,00 KM sa rokom realizacije od 180 dana.

Potpisani ugovor predstavlja nastavak započe-

tih aktivnosti na uređenju potoka korita rijeke Bužimnice, kao i izradu prijeko potrebne projektne tehničke dokumentacije kanalizacionog sistema za općinu Bužim.

„Promjenjiva i nepredvidiva klima na svjetskoj razini nama je svakako znak da moramo na vrijeme poduzeti određene mjere u zaštiti od poplava na području naše općine. Imali smo priliku u prošlosti svjedočiti poplavama i značajnim štetama na objektima i putnoj infrastrukturi. Kako nam se to nebi dešavalo i u budućnosti moramo realizirati ovakve projekte, ali i raditi na izradi projektne tehničke dokumentacije za kanalizacionu mrežu koja nam je više nego potrebna. Nakon izrade projektne tehničke dokumentacije u narednom periodu prioritet će biti rješavanje kanalizacione mreže, koja je efikasna zaštita od zagađenja pitke vode, širenja zaraznih bolesti, neprijatnih mirisa i drugih opasnosti i neugodnosti. Svjesni kompleksnosti i cijene koštanja ovog projekta, općina Bužim kao oslonac u realizaciji istog vidi u stručnoj i finansijskoj pomoći viših nivoa vlasti i to prvenstveno Vlade Federacije BiH i njenih institucija, i svakako kantonalnih institucija,“ - istakao je načelnik općine Bužim Mersudin Nanić nakon potpisivanja ugovora.

## POTPISANI UGOVORI ZA IZGRADNJU DESET PUTNIH PRAVACA U PET MJESNIH ZAJEDNICA



U prostorijama JU „Centar za kulturu, sport i informisanje“ Bužim, potpisani su ugovori za izgradnju i rekonstrukciju deset putnih pravaca. Uz prisustvo predstavnika građevinskih odbora, ugovore su potpisali općinski načelnik Mersudin Nanić i izvođač radova, direktor firme „Kov Grad“ d.o.o Bužim, Safet Kovačević.

Prisutnima su se na samom početku obratili i čestitali na ovim za cijelu BiH jedinstvenim projektima u kojima građani učestvuju sa 50% izgradnje lokalnih puteva načelnik općine Bužim Mersudin Nanić, predsjedavajući OV Bužim Suvad Šahinović, dopredsjedavajući Nermin Porić a zatim i izvođač radova Safet Kovačević. Ove godine na području

Općine Bužim u sklopu projekta „Marka građani-marka Općina“ gradit će se ukupno 32 putna pravca ukupne vrijednosti veće od 1,500.000,00 KM, a danas su potpisani ugovori za još deset putnih pravaca u pet mjesnih zajednica. Potpisani ugovori se odnose na rekonstrukciju i modernizaciju putnih pravaca, koji će se graditi u mjesnim zajednicama: – Mrazovac -nekategorisani put Ajkići i Palijan (dionica Cinci) i Palijan-Suljići, Lubar-da-NP Remetići i Tahići, Bužim- ulica Zmaja od Bosne, NP Kaukovići-Velići i Varajića potok-Džinići, Zardostovo- NP Kiurića brdo-Šahinovića dolina i Bučevci.- NP Porići-lovačka kuća. Potpisan ugovor vrijedan 1,15 miliona KM za nastavak izgradnje Bužimske zaobilaznice

U sjedištu JP Ceste Federacije BiH u Sarajevu danas je potpisan ugovor o nastavku izgradnje treće dionice zaobilaznice, koja podrazumijeva izgradnju od Osnovne škole Bužim do 110 kV transformatorske stanice.

Ugovor su nakon provedenog tendera u ime JP Ceste FBiH d.o.o Sarajevo, potpisali direktor Ljubo Pravdić i u ime izvođača radova „Kov-grad“ d.o.o Bužim Safet Kovačević.

Vrijednost potpisanog ugovora je 1.159.996,50 KM, a početak radova se očekuje već početkom naredne sedmice, o čemu će građani općine Bužim biti blagovremeno obaviješteni.

Koliko je za Bužim važno današnje potpisivanje ovog svečanog ugovora govori i činjenica da su pored općinskog načelnika Mersudina Nanića, istom prisustvovali vijećnici aktualne većine u Općinskom vijeću Općine Bužim (SDA, SDP i SPU).

Tako su današnjim dolaskom jasno poručili da su za razvoj općine Bužim bez obzira ko i odakle sredstva obezbijedio. Pripreme za početak radova na izgradnji ovog dijela zaobilaznice počele su prošle godine kada je i izvršena komplet eksproprijacija zemljišta, te su isplaćene naknade vlasnicima parcela.

Koliko je stalo općinskom načelniku Mersudinu Naniću da se projekat obilaznice završi govori i činjenica da je odmah po završetku eksproprijacije putem nadležne službe pokrenuo postupak izdavanja građevinske dozvole koja je u rekordnom roku i izdata JP Ceste FBiH.

Nakon što se završi ova dionica zaobilaznice preostaje još izgradnja četvrte dionice od 110 kV transformatorske stanice do Auto-Kontakta sa pristupnim mostovima koje je potrebno izgraditi, a sve u cilju povezivanja nove i postojeće cestovne infrastrukture.

“Kako smo i obećali prošle godine našim građanima, nastavlja se izgradnja obilaznice kroz Bužim koja će prije svega rasteretiti saobraćajne gužve kroz strogi centar naše čaršije i učiniti odvijanje saobraćaja sigurnijim i bržim. Kako je izvršena eksproprijacija na kompletnoj trasi zaobilaznice ne postoje smetnje za završetak ovog projekta, čiju izgradnju naši građani čekaju više od 20 godina. Uskoro očekujemo uvođenje izvođača radova u posao na radost svih Bužimljanki i Bužimljana, kao i stavljanje tačke na završetak izgradnje zaobilaznice. Na kraju želim se zahvaliti svima onima koji su dali doprinos implementaciji ovog višedecenijskog projekta, direktnim učesnicima, i to Vladi Federacije BiH i JP Ceste Federacije BiH, kao i kadrovima SDA na višim nivoima vlasti koji su i lobirali da dođe do implementacije ovog za nas značajnog projekta, a prvenstveno mislim na premijera Federacije BiH Fadila Novalića i Federalnog ministra poljoprivrede, vodoprivrede i šumarstva Šemsudina Dedića“, istakao je načelnik općine Bužim Mersudin Nanić nakon potpisanog ugovora.

## POČELI RADOVI NA IZGRADNJI PUTNE MREŽE



Zvanično su otpočeli radovi na izgradnji treće faze Bužimske zaobilaznice koja podrazumijeva izgradnju od Osnovne škole Bužim do 110 kV transformatorske stanice Bužim.

Uvođenjem u posao izvođača radova firmu „Kov Grad“ d.o.o Bužim od strane nadzornog organa, a nakon potpisanog ugovora prije nekoliko dana u Sarajevu danas su zvanično i otpočeli radovi na izgradnji treće faze Bužimske zaobilaznice koja podrazumijeva izgradnju od Osnovne škole Bužim do 110 kV transformatorske stanice.

Vrijednost investicije gradnje III faze zaobilaznice procijenjena je na 1.159.996,50 KM sa uračunatim PDV-om.

Uz prisustvo građana, nakon intoniranja himne i proučene dove, načelnik općine Bužim Mersudin Nanić je svojim obraćanjem otvorio radove.

„Svakim danom smo bliže završetku projekta zaobilaznice koji je naš prioritet i naša obaveza. Mi smo obećali građanima da ćemo završiti ovaj projekat od posebnog značaja za Bužim i to ispunjavamo. Urađeno je dosta posla da bi došli do realizacije i početka radova na ovoj trećoj fazi. Ostaje nam da već danas vršimo pripreme za konačan završetak zaobilaznice i vjerujem da će se to i desiti naredne godine, kazao je načelnik općine Bužim Mersudin Nanić.



## ZAVRŠEN PUTNI PRAVAC FAZLIĆI U MZ ZARADOSTOVO



Radovi na putnom pravcu Fazlići u MZ Zaradostovo završeni su postavljanjem završnog asfaltnog sloja, a to je ujedno i prvi putni pravac koji se finansira kroz projekat “Marka općina-marka građani”. Pored ovog putnog pravca radovi se izvode na još nekoliko nekategorisanih puteva, a put Handanovac-Burzići se priprema za asfaltiranje.

–” I ove godine nastavljamo sa izgradnjom puteva u svim mjesnim zajednicama na području naše općine koje finansiramo zajedno sa građanima. Uvjeren sam da će izvođač radova do kraja ovogodišnje građevinske sezone završiti sve putne pravce i projekte za koje su ugovori potpisani.” – istakao je načelnik općine Mersudin Nanić u izjavi za medije.

## BUŽIM: U FOKUSU INFRASTRUKTURNI PROJEKTI, U PRIORITETU ZAIBILAZNICA I VODOSNABDIJEVANJE



Bužim je u slavljeničkom raspoloženju. Višednevna tradicionalna manifestacija „Slobodarski dani viteškog grada Bužima“ razlog je što svi putevi vode u ovu općinu. Organizirani su brojni događaji u znak sjećanja na borcu ratne 505. bužimske brigade i njihovog komandanta Izeta Nanića.

U Bužimu se, osim prisjećanja na nedavnu prošlost, provode i aktivnosti koje su od općeg interesa za razvoj najmlađe krajiške općine.

Nakon 20 godina, u naredne dvije godine trebali bi se okončati radovi na bužimskoj zaobilaznici. Posljednjih sedmica izvode se radovi na nastavku izgradnje saobraćajnice u dužini od 750 metara.

Njena izgradnja započela je nedugo poslije završetka rata. Prema zamisli i potrebama trebala je da olakša saobraćanje kroz centar grada te doprinese privrednom razvoju općine.

Očekivalo se ipak da radovi neće ovako dugo trajati. Bužimska zaobilaznica još uvijek nije u cijelosti završena. Tokom prošlog mjeseca počela je izgradnja novih 750 metara dionice puta. Vrijednost radova je 1,2 miliona maraka, a novac je osiguran iz federalnih sredstava, tačnije, finansijeri su Ceste Federacije BiH. Završetak radova očekuje najkasnije za mjesec i po dana. Izgrađeni dio zaobilaznice uveliko se koristi, ali bez konačnog završetka projekta centar grada i dalje je glavni pravac za saobraćanje svih putničkih i teretnih vozila.

To stvara saobraćajnu gužvu posebno u ljetnom periodu kada je vrijeme godišnjeg odmora i dolaska mnogobrojne dijaspore. Načelnik bužimske lokalne samouprave Mersudin Nanić očekuje da bi u naredne dvije godine priča oko bužimske zaobilaznice trebala biti završena. za to je potrebno osigurati još dodatnih tri miliona maraka.

Koliko je do sada utrošeno u izgradnju bužimske zaobilaznice, načelnik Nanić između ostalog kaže kako bi trebalo provjeriti. Jasno je, ističe, da trenutni radovi koštaju 1,2 miliona, ranije je izgrađen kružni tok vrijednosti 1,3 miliona dok će za preostala sredstva trebali lobirati kod viših nivoa vlasti. Zaobilaznica jeste glavni, ali ne i jedini cestovni projekt u Bužimu.

Inače, trenutno se izvode radovi na šest putnih pravaca. Uz cestovnu, u ovoj općini potrebno je uraditi i druge infrastrukturne projekte, među kojima su u prioritetu oni koji će riješiti pitanja vodosnabdijevanja građana Bužima.

## ASFALTIRAN PUTNI PRAVAC BURZIĆI – HANDANOVAC



Preduzeće „KOV GRAD“ Bužim završilo je izgradnju i rekonstrukciju nekategorisanog putnog pravca „Donji Burzići-Handanovac“ u Mjesnoj zajednici Zaradostovo.

Vrijednost izvršenih radova na ovom putnom pravcu je 149.999,08 KM, a finansiran je zajedničkim sredstvima građana i općine Bužim po sistemu „Marka građani-marka Općina“.

Ovo je ujedno i najduži putni pravac na području naše općine koji se finansira zajedničkim sredstvima općine i građana. Očekuje se da svi putni pravci budu završeni do kraja ove godine.

## VODOSNABDIJEVANJE PRIORITET U NAREDNOM PERIODU



Završen je prvi u nizu projekata koji će umanjiti trenutne redukcije i obezbijediti kvalitetnije vodosnabdijevanje MZ Vrhovska. Radnici EP Bužim izvršili su priključenje struje na PS „Bajrektarevića polje“ sa kojeg će se vodom snabdijevati naselja Breze, Rusija i Vrhovska. Završetkom ovog projekta oko dvije stotine domaćinstava će imati uredno snabdijevanje pitkom vodom, te rasteretiti glavni gradski vodovodni sistem.

– „Zahvaljujemo se načelniku Naniću na zalaganju i podršci kako bi se ovaj problem snabdijevana što prije riješio, a

da bi građani u ovim dijelovima općine imali normaliziranu isporuku vode u ovim vrućim ljetnim danima“, naveli su iz KOMB Bužim.

## PROSJEČEN NOVI PUT PREMA TURBETU GENERALA IZETA



Ovih dana puno se govori o njemu i posjećuje Turbe generala Izeta Nanića i šehida 505. viteške brigade, posebno u vezi sa projektom izgradnje Muzeja u sklopu kompleksa turbeta koji je juče javnosti predstavljen.

Ponovo dobra vijest a koja je vezana za ovo nezaobilazno bužimsko mjesto, naime na inicijativu općinskog načelnika mještani koji imaju parcele u blizini su bez naknade uvakufili zemljište za put – ulicu koja vodi prema Turbetu iz pravca ceste Nanići – Lubarda, a koji je danas prosječen i kojim će biti

riješen problem „slijepo ulice“ pri dolasku na Turbe generala Izeta Nanića. Tako će ovim putem posjetiocima biti omogućen pristup turbetu sa dvije strane bez gužve. Radove je izvela domaća firma Kovgrad doo Bužim takođe besplatno.

Sve ovo uvertira je za polaganje kamena temeljca za izgradnju Muzeja 505. viteške brigade u nedjelju u 18:45 sati u sklopu završnice manifestacije „Slobodarski dani viteškog grada Bužima.“

## ZAVRŠEN PUTNI PRAVAC BAG-STARI GRAD



Asfaltiran je put Bag-Stari grad finasiran sredstvima građana i općine Bužim u vrijednosti od 70.525,00 KM koji spaja dvije mjesne zajednice, MZ Bag i MZ Bužim u dužini od 364 metra. Završetkom ovog putnog pravca nacionalni spomenici, stara drvena džamija i Stari grad, u potpunosti su spojeni asfaltnim putem sa Baga što će svakako poboljšati uslove života svim građanima ali i olakšati svim posjetiocima nacionalnim spomenicima na Starom gradu.

–“Izgradnja lokalnih puteva ima veoma značajnu ulogu u poboljšanju saobraćajne komunikacije, te stvaranju boljih uslova života svih građana

općine Bužim Kada udružimo sredstva sa građanima onda imamo i veće rezultate i dosta brže se gradi. Tako se i u ovom konkretnom primjeru pokazao zajednički interes građana i općine, a sve u cilju stvaranja bolje saobraćajne povezanosti i boljih uslova života stanovnika ali u brojnih turista koji pohode naše nacionalne spomenike. Zsigurno će ovaj lokalni put imati ključnu ulogu u još boljoj posjećenosti naših dragulja”, kazao je načelnik općine Bužim Mersudin Nanić.

Završetku radova prisustvovali su predsjednik MZ Bag Makić Miralem, predsjedavajući Općinskog vijeća Suvad Šahinović, zamjenik predsjedavajućeg Nermin Porić, vijećnik u OV Bužim Suvad Veladžić, te savjetnik načelnika Rijad Nanić.

## ZAVRŠEN TROTOAR OD VAROŠKE RIJEKE DO MSŠ BUŽIM



Završeni su radovi na realizaciji projekta izgradnje trotoara od nekadašnjih hala u Varoškoj Rijeci do Mješovite srednje škole „Hasan Musić“, ukupne dužine 1.600 metara.

Ova dionica puta posebno je bila kritična za pješake, pogotovo učenike noću u povratku iz škole i na toj dionici je već nekoliko saobraćajnih nezgoda u prošlosti bilo sa smrtnim ishodom pješaka. Ovaj trotoar upravo njima daje dodatnu sigurnost i lakše kretanje posebno učenika iz Varoške Rijeke i okolnih mjesta koji pohađaju MSŠ Bužim te svakodnevno putuju ili pješake ovom relacijom.

Tim povodom načelnik općine Bužim Mersudin Nanić je izjavio: “Cilj nam je bio da izgradnjom ovog trotoara podignemo na viši nivo sigurnost pješaka, posebno učenika koja dolaze i odlaze iz škole, u čemu smo zasigurno i uspjeli.

U narednom periodu planiramo realizaciju još mnogih projekata u cilju kvalitetnijeg životnog ambijenta za sve naše građane.”



## ASFALTIRAN PUTNI PRAVAC BURZIĆI – HANDANOVAC



Načelnik općine Bužim Mersudin Nanić, a nakon provedene tenderske procedure, potpisao je ugovor sa direktorom poduzeća „Gradnja-final“ iz Bužima Fikretom Skenderović za rekonstrukciju, sanaciju i adaptaciju objekta u naselju Čungar ukupne vrijednosti 49.685,22 KM.

Prilikom potpisivanja ugovora načelnik Nanić je izrazio zadovoljstvo potpisanim ugovorom posebno zbog činjenice da će se ovaj objekat nakon završetka radova koristiti za smješta djece bez roditeljskog staranja, te posebno naglasio:

–„Kako je općina Bužim jedina općina na Unsko-sanskom kontonu koja nije imala riješeno pitanje smještaja djece bez roditeljskog staranja, pokrenuli smo ovaj projekat kao jedan od prioriternih. Prije nekoliko godina Socijalno pedagoškoj životnoj zajednici iz Bihaća dodijeljene su dvije kuće u naselju Čungar, a koje će se nakon rekonstrukcije i prilagođavanja koristiti za smještaj djece bez roditeljskog staranja. Takav vid zbrinjavanja djece je više nego potreban našoj lokalnoj zajednici i ovim projektom se pruža mogućnost zapošljavanja hraniteljskih porodica koje će voditi brigu o djeci koja su ostala bez roditelja. Prošle godine smo imali jedan takav primjer kada su djeca u jednom danu ostala bez oba roditelja i upravo zbog toga smatram da je ovo jedan od projekata od posebnog značaja“.

Rok za završetak radova na ovom projektu je devedeset dana od dana uvođenja izvođača u posao.



## ASFALTIRAN PUT U ULICI ZMAJA OD BOSNE U MZ BUŽIM



Asfaltiran je put u ulici Zmaja od Bosne, u Mjesnoj zajednici Bužim. Dužina asfaltirane dionice je 640 metara.

Prilikom obilaska radova mještani pomenute ulice nisu krili zadovoljstvo zbog realizacije ovog vrlo značajnog projekta, jer će im od danas ulica dobiti potpuno novi izgled i samim time povećat će se stepen sigurnosti mještana, kao i svih drugih učesnika u saobraćaju. Vrijednost cjelokupnog projekta je 104.000,00 sa PDV-om, a finansijska sredstva za realizaciju ovog projekta osigurali su zajednički općina Bužim i građani.

## POTPISANI UGOVORI ZA IZGRADNJU OSAM PUTNIH PRAVACA



U Maloj sali JU „Centar za kulturu, sport i informisanje“ Bužim je upriličeno potpisivanje ugovora o izvođenju radova asfaltiranja osam putnih pravaca u okviru projekta iz oblasti infrastrukture, po principu ”Marka Općina-marka građani“ koji će se izvoditi na području općine Bužim.

Ugovore su potpisali općinski načelnik Mersudin Nanić i direktor firme „Kov-Grad“ Bužim, Safet Kovačević. Prilikom potpisivanja ugovora načelnik Mersudin Nanić je istakao da će se u prijedlogu Budžeta Općine Bužim kojeg on bude predlagao uvijek naći svi projekti koji su u interesu građana,

te da će se projekti po principu ”Marka Općina-marka građani“ provoditi i u narednoj godini, te dodao:

„Projekat marka na marku jedan je od prepoznatljivih projekata koji realizira općina Bužim i značajan je zato što se radi o saradnji Općinskog organa, Općinskog vijeća i građana. Smatram da je ovo dobra praksa koju provodimo već nekoliko godina na području Općine Bužim, te me posebno raduje činjenica da smo određene projekte koji čekaju i po nekoliko godina svoju realizaciju današnjim potpisivanjem ugovora na zadovoljstvo svih nas i završiti.“, rekao je načelnik Općine Bužim Mersudin Nanić.

Direktor firme ”Kov-Grad“, Safet Kovačević ističe da će svi rokovi biti ispoštovani i da će se raditi malo bržim tempom od uobičajenog jer se ulazi u period kada su moguće kišne padavine, te je pozvao i same mještane gdje se izvode radovi da imaju strpljenja i razumijevanja kako bi sve bilo okončano u zadatim rokovima. Ukupna dužina za ovih osam putnih pravaca koji će se raditi u 5 mjesnih zajednica na području općine Bužim je 1100 metara, i to: rekonstrukcija i modernizacija NP Dervići-Bijela trešnja, MZ Bužim, rekonstrukcija i modernizacija NP Ćorića glavica-Palijan, MZ Mrazovac, rekonstrukcija i modernizacija NP Kiurića brdo-Palijan, MZ Zaradostovo, rekonstrukcija i modernizacija NP Stara škola, MZ Čava, rekonstrukcija i modernizacija NP Velići-Dervići, MZ Bužim, rekonstrukcija i modernizacija NP Žutići, MZ Konjodor rekonstrukcija i modernizacija ulice Armije BiH, MZ Bužim i rekonstrukcija i modernizacija ulice Ahmeta Šahinovića, MZ Bužim.

Ukupna vrijednost ugovorenih radova je 191.400,00 KM. Potpisivanju ugovora prisustvovali su i vijećnici iz većine u Općinskom vijeću koji su sa koalicionim partnerima podržali Budžet za 2021. godinu i samim time izgradnju svih projekata koji se rade na području općine Bužim, te predstavnici mjesnih zajednica i građevinskih odbora u kojima će se raditi navedeni projekti.



## ASFALTIRAN PUT “TAHIĆI” U MZ LUBARDA



Završeno je asfaltiranje još jednog u nizu nekategorisanih putnih pravaca na području općine Bužim koji se financiraju zajedničkim sredstvima općine Bužim i njenih građana. Riječ je o putu u zaseoku Tahići u mjesnoj zajednici Lubarda. Ukupna dužina pravca je 155 metara a radovi su koštali 28.572,01 KM.

Općina Bužim je vjerovatno jedina općina u BiH koja na ovaj način radi putnu infrastrukturu na način da njeni građani učestvuju sa pola prikupljenih sredstava dok drugu polovinu obezbjeđuje općina Bužim.

## RAMIĆ I NANIĆ POTPISALI UGOVOR ZA IZGRADNJU I REKONSTRUKCIJU PUTA ODVOJAK RADOČ-IZLETIŠTE SVETINJA



Načelnik općine Bužim Mersudin Nanić i federalni ministar raseljenih osoba i izbjeglica Edin Ramić su potpisali ugovor o udruživanju sredstava za izgradnju putnog pravca odvojak Radoč-Izletište Svetinja.

Federalno ministarstvo raseljenih osoba i izbjeglica obezbijedilo je 60.000,00 KM za podršku izgradnji ovog značajnog puta, dok će i općina Bužim učestvovati sa 7.000,00 KM koja su obezbijeđena u budžetu.

Svečanosti potpisivanja ugovora prisustvovao je federalni ministar poljoprivrede, vodoprivrede i šumarstva Šemsudin Dedić i predsjednik OO SDA Bužim Abid Mulalić.

Ugovor je potpisan u Vladi Federacije BiH gdje su nakon svečanog potpisivanja ministri Ramić i Dedić, sa načelnikom Mersudinom Nanićem i predsjednik OO SDA Bužim Abidom Mulalićem razgovarali i o drugim projektima koje ova Federalna ministarstva planiraju realizirati u općini Bužim za narednu budžetsku godinu.

–, Izgradnjom ovog puta stvaraju se bolji uslovi za pristup Izletištu Svetinja, kao i kvalitetnijim uslovima za život stanovnika Čave, Dobrog sela i Radoča. Ujedno je ovo početak izgradnje puta koji vodi do Spomen obilježja na Ćorkovači što će svakako imati svoj poseban značaj i olakšati pristup sve većem broju posjetitelja, kako Izletištu Svetinja, tako i Spomen obilježju na Ćorkovači. Također, put je posebno važan za sve Bužimljane jer evocira na uspomene iz ratnog perioda gdje su naši borci svakodnevno prolazili ovim putem na ratište iz perioda Odbrambeno-oslobodilačkog rata 1992-1995. a sve u cilju kako bi odbranili državu BiH i naš Bužim. I ove godine nastavljamo sardanju sa Ministarstvom za raseljene osobe i izbjeglice i iskreno se nadamo da ćemo i iduće godine biti u prilici da potpišemo još nekoliko ovakvih sličnih ugovora koji će doprinositi razvoju naše općine, te se zahvaljujem ministru za sve što je do sada uradio za naš Bužim. Također očekujemo iduće godine da će svoje učesće u ovom projektu uzeti i ostali nivoi vlasti kako bi olakšali pristup spomeniku i na zadovoljstvo svih Bužimljana završili izgradnju pomenutog putnog pravca.“ – istakao je načelnik općine Bužim Mersudin Nanić nakon potpisivanja ugovora.

## SVEČANIM PRESIJECANJEM VRPCE OTVORENA DVA ASFALTIRANA PUTA



Načelnik općine Bužim Mersudin Nanić sa predsjednicima građevinskih odbora i vijećnicima iz većine u Općinskom vijeću, su u prisustvu brojnih građana svečano pustili u upotrebu dva novoasfaltirana puta. Prvi izgrađeni put nalazi se u ulici Zmaja od Bosne, u Mjesnoj zajednici Bužim u dužini od 640 metara, dok je drugi put u Mjesnoj zajednici Lubarda a radi se o putu Tačić dužine 155 metara.

Vrijednost izgradnje ova dva puta je 132.572,00 sa PDV-om.

Sredstva za realizaciju ovih pro-

jekata osigurana su iz budžetu općine Bužim i uz učešće građana.

Mještanima ovi putevi mnogo znače, te su se zahvalili svima koji su pomogli posebno načelniku Mersudinu Naniću, vijećnicima koji čine većinu u Općinskom vijeću, jer su prilikom usvajanja budžeta za 2021. godinu pored mnogobrojnih projekata podržali i izgradnju njihovih puteva.

Načelnik Nanić je izrazio zadovoljstvo što se uspješno realizuje i ove godine projekat „Marka građani-marka Općina“, jer se takav model finansiranja infrastrukturnih projekata pokazao veoma uspješnim, a posebno zbog činjenice da ovakvim načinom rada sami građani određuju prioritete kod izgradnje lokalnih i nekategorisanih puteva i ulica.

Nakon otvorenja puteva, uslijedilo je druženje i svečani ručak mještana, delegacije općine Bužim i vakifa izgrađenih puteva.

## NASTAVLJA SE ČIŠĆENJE I UREĐENJE KORITA BUŽIMNICE



Općinski načelnik Mersudin Nanić potpisao je ugovor za izvođenje radova na čišćenju i uređenju korita rijeke Bužimnice sa poduzećem d.o.o. „Velić kop“ iz Bosanske Krupe.

Vrijednost ugovora je 28.075,92 KM, a rok za izvođenje radova je trideset dana od dana uvođenja izvođača radova u posao. Ovim ugovorom predviđeno je uređenje Bužimnice od skretanja za Aleševiče do Varoške Rijeke.

Ovo je još jedan u nizu projekata koji se realiziraju na području Općine Bužim, a čišćenjem korita Bužimnice umanjice se rizik od poplava.

„ Nastavljamo radove na uređenju i

čišćenju korita rijeke Bužimnice, a ako nas vrijeme posluži kreće se sa izvođenjem radova na području MZ Varoška Rijeka. Ovo je značajan projekat za sve naše građane, a posebno za one koji žive u neposrednoj blizini korita rijeke Bužimnice koja se izliva nakon svake veće kiše. Vjerujem da ćemo do kraja iduće godine u potpunosti očistiti i urediti korito naše rijeke, a sve u cilju što bolje zaštite imovine naših građana od poplava“, – naglasio je Općinski načelnik Mersudin Nanić nakon potpisivanja ugovora.

## SVEČANO OTVOREN PUT “REMETIĆI-ALDŽIĆI” U MZ LUBARDA



Načelnik općine Bužim Mersudin Nanić sa predsjednikom građevinskog odbora i vijećnicima iz većine u Općinskom vijeću, predstavnicima viših nivoa vlasti te u prisustvu brojnih građana svečanim presijecanjem vrpce su pustili u upotrebu novoasfaltirani put “Remetići – Aldžići” u Mjesnoj zajednici Lubarda.

Put je asfaltiran u dužini od oko 400 metara, a financiran sredstvima osiguranim u budžetu općine Bužim kao i vlastitim učešćem građana ove mjesne zajednice. Ukupna vrijednost izvedenih radova je 59.987,00 KM.

Mještani nisu krili oduševljenost realizacijom ovog

za njih veoma bitnog projekta i puta koji je određeno vrijeme bio glavna poveznica mjesne zajednice Lubarda sa Varoškom Rijekom, odnosno centrom općine Bužim.

Načelnik općine Bužim Mersudin Nanić prilikom svog kratkog obraćanja je izrazio zadovoljstvo što je uspješno asfaltiran još jedan put projektom „Marka građani-marka Općina“, vjerovatno jedinstvenom projektom u državi, a posebno zbog činjenice da ovakvim načinom rada sami građani određuju prioritete kod izgradnje lokalnih i nekategorisanih puteva i ulica.

Kako je rečeno spajanje ovog puta u budućnosti sa gornjim dijelom Lubarde je takođe u planu.

Nakon otvorenja puta, uslijedilo je druženje i svečani ručak mještana, delegacije općine Bužim i vakifa izgrađenih puteva.

## ASFALTIRAN PUTNI PRAVAC CINCI – PALIJAN



Asfaltiran je nekategorisani putni pravac Cinci-Palijan u MZ Mrazovac, koji je financiran zajedničkim sredstvima građana i općine Bužim, a vrijednost ove dionice puta je 69.973,00 KM.

Završetkom ovog putnog pravca dužine 550 metara stvaraju se bolji uslovi za život građana u tri Mjesne zajednice na području općine Bužim i to MZ Bućevci, MZ Mrazovac i MZ Zaradostovo.

Mještani naselja Cinci i Palijan

ne kriju zadovoljstvo i ističu da će i naredne godine nastaviti sa praksom zajedničkog ulaganja u putnu infrastrukturu i spajanja ovog puta do MZ Zaradostovo i centra općine Bužim.

Općinski načelnik Mersudin Nanić zajedno sa vijećnicima koji čine većinu u Općinskom vijeću obišli su radove i na taj način podijelili radost mještana iz pomenutih Mjesnih zajednica.

Pripremni radovi na još nekoliko putnih pravaca koji su finansirani zajedničkim sredstvima, uveliko traju i ako to dozvole vremenski uslovi svi putni pravci će biti završeni do kraja građevinske sezone.

## NASTAVAK IZGRADNJE BUŽIMSKJE ZAIBILAZNICE



Radovi na bužimskoj zaobilaznici izvode se u punom kapacitetu. Sa zadovoljstvom možemo kazati da su završeni iskopi i nasipi na trećoj dionici od Osnovne škole "Bužim" do 110 kV transformatorske stanice.

Što se tiče ove dionice preostalo je još da se završe planirani potporni zidovi čiji su radovi u toku.

Da se na ovome neće stati, najbolje pokazuje primjer općinskog načelnika Mersudina Nanića, koji je ovih dana dogovorio sa JP Ceste Federacije BiH da se nastave zemljani radovi na zaobilaznici do Sportske dvorane Bužim.

Rad na novih četiri stotine metara zaobilaznice počinje već danas.

Sa sigurnošću tvrdimo da će se u još jednoj fazi, koja je planirana sljedeće godine, u potpunosti završiti ovaj projekat koji je od posebnog značaja za općinu Bužim.

Pomenuta zaobilaznica će pored rasterećenja saobraćaja kroz središte grada povećati i sigurnost svih učesnika u saobraćaju, a posebno učenika pješaka.

Ono o čemu se samo pričalo od 1998. godine, a malo ili nikako radilo, konačno ima kompletnu sliku i kraj koji je realan. Zaobilaznica će biti završena sa još jednim kružnim tokom u blizini tehničkog pregleda, a planirana je i izgradnja mosta na spoju sa lokalnim putem za MZ Lubarda.

-„Uspjeli smo dogovoriti sa JP Ceste Federacije BiH da se pored započetih radova na zaobilaznici ove godine urade još četiri stotine metara kako bismo stvorili preduslove da do kraja iduće godine završimo zaobilaznicu u potpunosti. Ovo je svakako jedan od značajnijih projekata na kojem radimo svakodnevno i vjerujem da građani vide napredak, konačno rješavanje i završetak ovog projekta. Nije bilo lako i jednostavno, nailazili smo na dosta problema i bili suočeni sa brojnim izazovima. Sve je to sada iza nas! Mi nastavljamo dalje onako kako jedino i znamo, a to je ispunjavanje datih obećanja građanima Bužima,“ kazao je načelnik općine Bužim Mersudin Nanić.

## ASFALTIRAN PUT ELKASOVIĆI-DRAGE-JUSIĆA KORITA



U Mjesnoj zajednici Elkasova Rijeka asfaltiran je nekategorisani put Elkasovići-Drage-Jusića korita dužine 1213 metara ukupne vrijednosti 145.000,00 KM. Mještani su prikupili 65.000,00 konvertibilnih maraka, koliko je izdvojila i općina Bužim, dok je iz budžeta Unsko-sanskog kantona obezbijedeno 15.000,00 KM.

Završetku radova na ovom nakategorisanom putnom pravcu u MZ Elkasova Rijeka osim građana, prisustvovao je i načelnik općine Bužim Mersudin Nanić sa vijećnicima iz

Općinskog vijeća Bužim koji su podržali izgradnju navedenog putnog pravca.

Općinski načelnik i vijećnici u Općinskom vijeću prepoznali su važnost ovakvih i sličnih projekata u stvaranju ugodnijeg ambijenta življenja kako građana MZ Elkasova Rijeka tako i građana cijele općine Bužim, te su i ovim doprinosom potvrdili važnost razvoja putne infrastrukture u svim mjesnim zajednicama na području cijele Općine. Građani i građevinski odbor za izgradnju ovog putnog pravca uputili su zahvalu svima koji su sudjelovali u finansiranju izgradnje ovog puta, te vjeruju da će se području MZ Elkasova Rijeka realizovati i drugi projekti važni za stanovnike ovog naselja.

## POTPISANI UGOVORI ZA JOŠ 10 PUTNIH PRAVACA U VRIJEDNOSTI OD 625 HILJADA KM



U Maloj sali JU „Centar za kulturu, sport i informisanje“ Bužim je upriličeno potpisivanje ugovora o izvođenju radova asfaltiranja deset putnih pravaca u okviru projekta iz oblasti infrastrukture, po principu ”Marka Općina-marka građani“ koji će se izvoditi na području općine Bužim.

Riječ je o ukupno 10 putnih pravaca u 5 Mjesnih zajednica na području općine Bužim ukupne vrijednosti od 625.419,34 KM i ukupne dužine oko 4 kilometra i to:

- Nekategorisani put Durakovići – MZ Konjodor
- Nekategorisani put kaukovići – MZ Konjodor
- Nekategorisani put Pajalići preko vode – MZ Konjodor
- Nekategorisani put Alića potok – MZ čava
- Nekategorisani put Bajrići – Ajkići – MZ Mrazovac
- Nekategorisani put Donji Konjodor – MZ Konjodor
- Nekategorisani put Durakovići-Čukovo – MZ El. Rijeka
- Nekategorisani put Duranovići – MZ Bućevci
- Nekategorisani put Crno vrelo – Dobro selo – MZ Čava
- Nekategorisani put Elkasovići-Jusića korita-Drage – MZ Elkasova Rijeka

Ugovore su potpisali općinski načelnik Mersudin Nanić i direktor firme „Kov-Grad“ Bužim, Safet Kovačević. Prilikom potpisivanja ugovora načelnik Mersudin Nanić se zahvalio građanima općine Bužim koji učestvuju u izgradnji lokalne putne mreže na području općine Bužim po principu ”Marka općina-marka građani“ te istakao da su po tome jedinstveni u cijeloj državi. Takođe zahvalio se vijećnicima koji čine većinu u Općinskom vijeću općine Bužim koji su dali podršku ovim projektima usvajanjem Budžeta općine Bužim za 2021. godinu.

Prisutnima se obratio i Nermin Porić, dopredsjedavajući Općinskog vijeća općine Bužim koji je istakao da su vijećnici većine u općinskom vijeću prepoznali važnost ovih projekata te da će ovakvi projekti i u buduće imati nedvosmislenu podršku.

Direktor firme “Kov-Grad“, Safet Kovačević je pozvao mještane gdje se izvode radovi da imaju strpljenja i razumijevanja kako bi sve bilo okončano u zadatim rokovima i da firma KOVGRAD Bužim stoji kao i ranije na raspolaganju mještanima po pitanju kvaliteta izvođenja radova i bilo kakvih nedoumica.

## ZAVRŠNI RADOVI NA REKONSTRUKCIJI OBJEKTA U NASELJU ČUNGAR



Radovi na rekonstrukciji, sanaciji i adaptaciji objekta u naselju Čungar ukupne vrijednosti 49.685,22 KM ulaze u završnu fazu i izvode se finalni radovi. Nakon završetka ovog objekta isti će se koristiti za smještaj djece bez roditeljskog staranja sa područja naše općine. Tim povodom je načelnik općine Bužim Mersudin Nanić obišao radove na ovom projektu koje izvodi poduzeće "Gradnja-final" iz Bužima.

Nakon obilaska radova načelnik Nanić je izrazio zadovoljstvo kvali-

itetom i brzinom izvedenih radova, te posebno naglasio: –"Nakon završetka radova na ovom objektu stvorit će se uslovi za smještaj naše djece bez roditeljskog staranja, te će se ujedno stvoriti prilika za zapošljavanje hraniteljskih porodica koje će voditi brigu o djeci bez roditelja, te im pružiti svu potrebnu ljubav, i omogućiti pravilan rast i razvoj u takvom okruženju".

## SVEČANO OTVOREN NOVOASFALTIRANI PUT PALIJAN-SULJIĆI



Na području Mjesne zajednice Zaradostovo uspješno je završen još jedan infrastrukturni projekat, a radi se o asfaltiranju nekategorisanog putnog pravca Palijan-Suljići, dužine 700 metara. Vrijednost izvedenih radova iznosi 90.000,00 KM, a investitori su općina Bužim i građani. Naime, i ovaj projekat je financiran sa 50 % sredstava građana i općine po već prepoznatljivom modelu u općini Bužim „Marka građani-marka općina“.

Načelnik općine Bužim Mersudin Nanić svečano je otvorio novoasfaltirani put zajedno sa preds-

jednikom građevinskog odobra i predsjednikom OOSDA Bužim Abidom Mulalićem.

Svečanosti su prisustvovali predsjedavajući i zamjenik Općinskog vijeća Suvad Šahinović i Nermin Porić sa vijećnicima koji čine većinu u Općinskom vijeću, gdje su na taj način podijelili radost sa prisutnim velikim brojem mještana.

Načelnik općine Bužim Mersudin Nanić, predsjedavajući Općinskog vijeća Suvad Šahinović i predsjednik OO SDA Bužim Abid Mulalić u svojim obraćanjima posebno su istakli da:-

„Općina Bužim zajedno sa građanima svake godine radi na izgradnji putne mreže i rezultati takve saradnje su vidljivi u novim kilometrima asfaltnih puteva u svim mjesnim zajednicama na području naše općine. Ovo je još jedan pokazatelj da općina Bužim ima vrijedne, složne i odlučne građane koji žele stvarati uslove za lakši i ugodniji život. Isto tako dodali su da je jako važno da pozitivne priče idu iz Bužima. Također, važno je i da ima većina u Općinskom vijeću kojoj je na prvom mjestu izgradnja i razvijanje općine Bužim, što je očigledan primjer naše trenutne većine u Općinskom vijeću koju čine (SDA, SDP i SPU). Na kraju su istakli da su u pripremi projekti za narednu godinu i da već ima apliciran značajan broj projekata na izgradnji i rekonstrukciji putne mreže i rasvjeta koje kandidiraju građani, te se iskreno nadaju da će od strane svih vijećnika u Općinskom vijeću biti podržani svi projekti koji se planiraju raditi za narednu godinu”.



## ZAVRŠEN PUT DURANOVIĆI U MZ BUČEVCI



Povoljni vremenski uslovi idu na ruku građevinskoj operativi koja radi na sanaciji i izgradnji lokalne putne mreže na području naše Općine. Tako je završen još jedan putni pravac u Mjesnoj zajednici Bučevci, ukupne vrijednosti 100.000,00 KM.

Građevinski odbor za izgradnju puta Duranovići uz pomoć dobrih ljudi prikupili su 35.000,00 konvertibilnih maraka, koliko je izdvojila i općina Bužim, a 30.000,00 KM obezbijedila je Vlada USK-a.

Završetku radova na ovom vrijednom projektu,

prisustvovao je načelnik općine Bužim Mersudin Nanić sa vijećnicima iz Općinskog vijeća Bužim koji već nekoliko godina kroz općinski budžet podržavaju projekte koje su kandidirali građani. Pored njih završetku radova prisustvovao je i zastupnik u Skupštini USK-a Zikrija Duraković, koji je lobirao i obezbijedio novčana sredstva sa nivoa kantona.

Načelnik općine Bužim Mersudin Nanić je podijelio radost sa građanima MZ Bučevci, a u svom obraćanju je posebno naglasio:

„Ove godine smo u skoro svim Mjesnim zajednicama na području naše općine realizirali značajne projekte na poboljšanje putne infrastrukture, a već sada imamo tridesetak novih i spremnih projekata za narednu godinu od rekonstrukcije puteva, izgradnje javnih rasvjeta i igrališta za djecu u nekoliko Mjesnih zajednica. Pored ovih projekata intenzivno se radi na rješavanju vodosnabdijevanja, završetku obilaznice i još nekoliko značajnih projekata koji će svakako podići kvalitet života svih građana općine Bužim“.

## SVEČANO OTVOREN PUT BAJRIĆI-AJKIĆI U MZ MRAZOVAC



Svečano je otvoren novoizgrađeni putni pravac Bajrići-Ajkići u MZ Mrazovac uz prisustvo mještana i načelnika općine Bužim Mersudina Nanića.

Posebna važnost ovog puta je što povezuje tri Mjesne zajednice, Mrazovac, Radoč i Čavu, te bi završetkom preostalog dijela ovog nekategorisanog putnog pravca mještani sve tri mjesne zajednice imali uređenu i kvalitetnu saobraćajnicu koja bi ih povezivala.

Putni pravac Bajrići-Ajkići asfaltiran je u ukupnoj dužini od 520 metara, vrijednost izvedenih radova je 83.964,75 KM. Sredstva su zajednički obezbijedili građani, općina Bužim i Vlada unsko sanskog kantona.

Načelnik općine Bužim Mersudin Nanić je prilikom otvaranja ovog putnog pravca posebno naglasio: -„Radujem se danas što smo priveli kraju izgradnju još jednog putnog pravca i vjerujem da ćemo do kraja ove godine, ako nam to dozvole vremenski uslovi, završiti rekonstrukciju i izgradnju svih puteva za koje su ugovori potpisani. Već sada se pripremamo za slijedeću godinu gdje su naši građani kandidirali značajan broj projekata i koji su već uvršteni u nacrt budžeta za 2022.godinu. Ostaje mi da čestitam građevinskom odboru i mještanima ovog naselja na inicijativi i istrajnosti, uz želju da ostatak ovog putnog prvca završimo zajedničkim snagama što prije kako bi uslovi i kvalitet života građana bio na jednom višem nivou“.

## MINISTARSTVO PRIVREDE USK PREZENTIRALO U BUŽIMU PROGRAM PODRŠKE SUBJEKTIMA MALE PRIVREDE ZA TEKUĆU GODINU



S ciljem otklanjanja nedostataka u prijavama na Javni poziv i pojašnjenja samog načina apliciranja i uslova za prijavu, Ministarstvo privrede USK danas (četvrtak, 20.maja) je u maloj sali JU "Centar za kulturu, sport i informisanje" Bužim organiziralo prezentaciju Javnog poziva za podršku subjektima male privrede za 2021. godinu. Naime, Vlada Unsko-sanskog kantona na sjednici održanoj 06. maja ove godine donijela je Program poticaja razvoja male privredu za 2021. godinu. Na osnovu navedenog Programa Ministarstvo privrede je u ponedjeljak, 17.maja objavilo Javni poziv za podršku subjektima male privrede za 2021. godinu čija prezentacija je otpočela dan-

as. Vrijednost Programa sa tri poticajne mjere je 1.900.000 KM, a krajnji rok za prijavu je 21. juni ove godine. Javni poziv obuhvata sljedeće poticajne mjere: Podrška tradicionalnim i starim zanatima, Podrška novoosnovanim subjektima male privrede i Jačanje konkurentnosti subjekata male privrede. Tokom prezentacije pojašnjeni su kriteriji za prijavu, način prijave, namjena sredstava, djelatnosti koje su obuhvaćene ovim mjerama, potrebna dokumentacija i ostali detalji. Istaknuto je da je u svakoj mjeri definirano i vlastito učešće korisnika i da se korisnici mogu javiti na samo jedan od tri poziva. Svaki poziv obuhvata različite djelatnosti i korisnike i biće podržan sa različitim iznosom sredstava. Korisnici po pozivima mogu aplicirati za sufinansiranje ili refundaciju određenih troškova, za sufinansiranje nabavke opreme, repromaterijala i unutrašnjeg uređenja proizvodno/poslovnog prostora (građevinski i instalacijski radovi).

Nakon uvodnog obraćanja u ime Općine Bužim i općinskog načelnika Senada Krupića, prezentaciju Programa sa tri poticajne mjere održali su predstavnici Ministarstva privrede USK.

Prezentaciji su prisustvovali i Samra Mehić, ministrica privrede USK i Enes Arapović, predsjednik Obrtničke komore USK-a. Samra Mehić, ministrica privrede USK kazala je da je ovo do sada najveći iznos do sada planiran od Vlade USK putem Ministarstva za pomoć privredi USK-a u iznosu od 1.900,000 KM.

## U BUŽIMU ODRŽANO DRUŽENJE FRIZERA I KOZMETIČARA



U organizaciji Asocijacije frizera i kozmetičara USK, u hotelu Urban u Bužimu je održano druženje u sklopu kojeg je bio i edukacijski seminar koji je vodio predsjednik Saveza frizera u BiH, Sanjin Fazlić.

Druženju je prethodio prijem kod načelnika općine Bužim Mersudina Nanića a kojem su prisustvovali gosti frizeri i kozmetičari predvođeni predsjednicima Saveza frizera FBiH i USK Sanjinom Fazlićem i Ismanom Dizdarevićem.

Na početku samog druženja, prisutnima se obratio jedan od organizatora, predsjednik Asocijacije frizera i kozmetičara USK, Isman Dizdarević poručivši da očekuje dobru zabavu i druženje te početak promjena na bolje u društvu frizera. Kao

počasni gost, prisutan je bio i načelnik općine Bužim, Mersudin Nanić koji je izrazio zadovoljstvo što se ovakav događaj dešava upravo u ovom ponosnom viteškom gradu i kako se nada da će ovakvih druženja biti još više u budućnosti.

Prisutne frizere, kozmetičare i goste iz Bosanske Krupe, Bužima i Velike Kladuše sa novim tehnikama upoznali su edukatori Amela Fazlibegović, Ermin Zahirović, Sead Babić, Sanjin Fazlić, Fahrudin Tex Tesk-eredžić, Adel Hasić i Studio Adivas iz Zagreba.

Zadovoljstvo organizacijom i edukatorima izrazili su i svi prisutni. Organizatori i sponzori su se potrudili da druženje frizera i kozmetičara bude druženje za pamćenje, pa je za prisutne nakon edukacije i večere upriličena zabava uz muziku. Ujedno, organizatori AFIK USK pripremili su i bogatu tombolu, a sav iznos koji je prikupljen kupovinom listića za tombolu, doniran je za liječenje Kenana Madže, njihovog kolege frizera.

## OTVORENA 37. POSLOVNICA BBI BANKE U BUŽIMU



U prisustvu klijenata i poslovnih partnera u Bužimu je otvorena nova poslovnica Bosna Bank International, savremeni centar koji zadovoljava standarde modernog bankarskog poslovanja.

Simboličnim presjecanjem vrpce poslovnicu su ime Uprave BBI banke otvorili Nedžad Gušić i Suvad Šahinović, predsjedavajući Općinskog vijeća Bužim. „BBI banka u Unsko-sanskom kantonu prisutna je od 2003. godine i ovo je peta poslovna jedinica u ovom kantonu gdje smo u proteklih 18 godina, putem različitih projekata privrednim subjektima i fizičkim licima, investirali preko 60 miliona KM“

– izjavio je Gušić, dodavši kako je strateško opredjeljenje BBI banke podrška razvoju privrede BiH putem povoljnih finansijskih linija za mala i srednja preduzeća.

„Vjerujem da će naša nova poslovnica u Bužimu olakšati put do povoljnih finansijskih sredstva iz subvencioniranih linija za privrednike i stanovništvo koje su uspostavljene početkom 2021. godine u saradnji sa Kantonalnim fondom. Privrednicima je na raspolaganju deset miliona KM po izuzetno povoljnim uslovima za podršku pokretanju i razvoju biznisa, s ciljem otvaranja novih radnih mjesta. Sredstva namijenjena fizičkim licima dostupna su uz profitnu maržu od 2% i bez naknade za obradu finansiranja“, istakao je Gušić.

Poslovnica BBI banke u Bužimu pruža širok spektar usluga za fizička i pravna lica. Njenim otvorenjem poslovna mreža Bosna Bank International d.d. Sarajevo na tržištu Bosne i Hercegovine sada broji 37 poslovnih jedinica, a posao je dobilo novih pet zaposlenika.

Predsjedavajući Općinskog Vijeća Suvad Šahinović izrazio je zadovoljstvo dolaskom moderne finansijske institucije u Bužim. „Želim srdačnu dobrodošlicu BBI banci. Sada će građani naše Općine imati mogućnost obavljati finansijske poslove u svom gradu, što će im umnogome olakšati svakodnevne obaveze.“



## U ORGANIZACIJI MINISTARSTVA PRIVREDE POTPISANI UGOVORI O DODJELI SREDSTAVA PRIVREDNIM SUBJEKTIMA



Nakon okončanog Javnog poziva za podršku ekonomskim subjektima, ministrica privrede USK-a Samra Mehić je zajedno sa Nisvetom Jusićem, dopredsjedavajućim Skupštine USK, prisustvovala potpisivanju Ugovora o dodjeli sredstava resornog ministarstva ovdašnjim privrednim subjektima. Sredstva prema ugovornim kategorijama odnose se na jačanje konkurentnosti, dalje, kao podrška novoosnovanim subjektima male privrede, te kao treće i jednako važno, kao podrška starim i tradicionalnim zanatima. Ukupno planirana i raspoređena sredstva za ove namjene su u visini od oko 2 miliona i 766 hiljada maraka.

Finansijska sredstva koja će ovim putem biti stavljena u svrhu osnaživanja privrednih potencijala i kretanja, kako je između ostalog rečeno danas, posebno su značajna s obzirom na sve ono što je u proteklom vremenouovdašnjim ekonomskim okvirima destruktivno učinila pandemija koronavirusa.

## POTPISANI UGOVORI ZA DODJELU 10 PLASTENIKA



U maloj sali JU “Centar za informisanje, kulturu, sport i informisanje” Bužim, je upriličeno potpisivanje ugovora za dodjelu 10 plastenika po javnom pozivu.

Ugovore su potpisali Smail Toromanović, koordinator IFAD-a za USK i savjetnik načelnika Rijad Nanić u ime načelnika općine Bužim.

Riječ je o projektu Međunarodnog fonda za razvoj poljoprivrede (IFAD) i općine Bužim koja na ovaj način sufinancira poljoprivrednu proizvodnju. Cilj projekta je jačanje malih poljoprivrednih proizvođača, koji žele ostati na selu i koji u poljoprivredi vide šansu za zapošljavanje.

Deset korisnika je odabrano putem javnog poziva, a prioritet su imale nezaposlene osobe koje imaju vlastito poljoprivredno zemljište u neposrednoj blizini stambenog objekta u kojem stanuju.

Projekt nabavke plastenika za proizvodnju povrća u općini Bužim će se realizirati na bazi sufinanciranja tri aktera. Općina Bužim sufinancira nabavku plastenika površine 100 m<sup>2</sup> u iznosu od 30 % od ukupne vrijednosti plastenika, ostatak iznosa sufinancira PCU IFAD u iznosu od 40% i korisnici projekta financiraju ostatak iznosa.

Pored plastenika od 100 kvadrata, korisnici će dobiti svu dodatnu opremu, sistem za navodnjavanje, odnosno kompletan paket kako bi se počelo s proizvodnjom. Nakon potpisivanja ugovora i uplate sredstava, planira se isporuka plastenika korisnicima u što kraćem periodu.

Opremu će isporučiti i postaviti Agrisan z.z. Sanski Most s kojom su dobitnici plastenika takođe potpisali ugovore.

Prilikom potpisivanja ugovora u ime načelnika općine Bužim Mersudina Nanića njegov savjetnik Rijad Nanić čestitao je svim dobitnicima istih te im poželio puno sreće u plateničkoj proizvodnji u nadi da će istu povećati i na taj način sufinancirati svoje porodice i egzistenciju na teritoriju općine Bužim.

## VELIKI USPJEH BUŽIMSKIH PČELARA NA MEĐUNARODNOM SAJMU PČELARSTVA



U organizaciji pčelarskog društva “Nektar” iz Tuzle održan je pčelarski sajam “Medena Tuzla 2021.”, jedan od najrespektabilnijih i najpriznatijih sajmova ovog tipa u okruženju. U prilog tome govori činjenica da je na ovom sajmu u takmičarskom dijelu učestvovalo preko 500 učesnika-pčelara iz čak 16 zemalja. Na sajmu su učestvovali i bužimski pčelari te osvojili prestižne nagrade:

Porić Rasim – 6 Zlatnih medalja (kestenov

med, med u saću i imuno med) i nagrada “Zlatna pčela” za inovativni proizvod “Medeno jutro” koji je svojevrsna zamjena za Nutelu sa 80% postotnim udjelom meda. Obrt “Bizim Bal” pčelara Abdullaha i Edine Zorić – Zlatna medalja za kestenov med  
Zorić Hasan – Zlatna medalja za kestenov med  
Hajrudinović Jasmin – Zlatna medalja za kestenov med.  
Čestitamo našim pčelarima na postignutim uspjesima!

PČELARSKO DRUŠTVO «NEKTAR» TUZLA organizuje:

### 16. MEĐUNARODNI SAJAM PČELARSTVA

**17.-18. SEPTEMBAR 2021. god**  
Trg Slobode Tuzla

**7. MEĐUNARODNA TEHNOLOŠKA I SENZORSKA ANALIZA MEĐA TAKMIČARSKOG KARAKTERA.**

2021.g. OCJENJIVATI ĆE SE:  
- MED, SVE VRSTE - TEHNOLOŠKA I SENZORSKA ANALIZA  
- MED U SAĆU, SENZORSKI  
- PROPOLIS, SENZORSKI

Generalni sponsor:  Grad Tuzla

Suorganizatori:  REGIONALNI PČELARSKI SAVJET - PLEVLJE

 OBLASTEN PČELARSKI SAVJET - PLOČE

 “GRADOT NA PČELITE” - Tetovo Udruženje

Ministarstvo poljoprivrede, vodoprivrede i šumarstva TK  
Turistička zajednica TK • Turistička zajednica Grada Tuzla 

## OTVOREN JEDANAESTI SAJAM ZDRAVE HRANE U BUŽIMU – „NAŠE DOMAĆE, SADA I UBUĐUĆE“



U Bužimu je otvoren jedanaesti po redu sajam zdrave hrane pod prepoznatljivim nazivom “Naše domaće, sada i ubuduće”.

Sajam je postavljen na Trgu Alija Izetbegović, a svečanost otvaranja zbog kišnih uvjeta održana je u velikoj sali Centra za kulturu, sport i informisanje Bužim u organizaciji Udruženja žena “Izvor” iz Bužima.

Ovo Udruženje osnovano je 2004. godine i danas broji preko 300 vrijednih članica. Dani žene za sela imaju za cilj podizanje svijesti o važnosti žene u društvu, ukidanje margina na kojima se žene nalaze te odavanje priznanja njihovom radu i trudu. Žene

imaju veliki značaj za razvoj ruralne sredine, unapređenja uvjeta života te smanjenja siromaštva na selu. Na samom početku svečanosti prisutnima se obratila Jasmira Mehić, predsjednica udruženja koja se zahvalila svima koji su pomogli da ovaj projekat jedanaesti put za redom ugleda svjetlo dana.

Prisutnima se obratila i o bitnosti održavanja ovog sajma govorila je i Samra Mehić, ministrica privrede u Vladi USK, a nakon nje i ministar poljoprivrede, vodoprivrede i šumarstva Sulejman Kulenović.

Sajam je svojim obraćanjem otvorio načelnik općine Bužim Mersudin Nanić koji je posebno pohvalio rad udruženja žena Izvor te naglasio da ovaj sajam prevazilazi nivo jednog udruženja te da je potrebno da se u budućnosti oko organizacije istog uključe institucije. U tom kontekstu naglasio je da je podrška općine Bužim ovom veoma značajnom projektu neupitna i u budućnosti.

Nakon toga delegacija je obišla štandove koji su i danas unatoč lošem vremenu dobro posjećeni. Sajam ostaje otvoren danas i sutra.

## OPĆINSKI NAČELNIK POTPISAO MEMORANDUM O PROVEDBI PROJEKTA IFAD 8

Općinski načelnik Mersudin Nanić sa Halilom Omanovićem direktorom Ureda za koordinaciju projekata – PCU pri Federalnom ministarstvu poljoprivrede, vodoprivrede i šumarstva potpisao Memorandum o razumjevanju, kojim se utvrđuje međusobna suradnja za aktivnosti usmjerene u pružanju podrške razvoju klastera, odabranih lanaca vrijednosti i unapređenja konkurentnosti klastera, sufinansiranje rekonstrukcije i izgradnje podobnih mikroprojekata ruralne tržišne infrastrukture u projektnom području općine Bužim, u F BiH na područja Klastera 1. Riječ je o Memorandumu koji znači nastavak saradnje između općine Bužim i projekta IFAD 8 koji se realizira u 73



općine na području Federacije BiH u narednih pet godina. Federalni ministar poljoprivrede, vodoprivrede i šumarstva Šemsudin Dedić prisustvovao je svečanosti potpisivanja Memorandum o razumijevanju. “Prilikom usvajanja budžeta, svaka od općina će imati uvid da može participirati u projektu gdje Vlada FBiH uz podršku sredstava IFAD-a učestvuje u infrastrukturi od 50 do 95 posto u realizaciji samih infrastrukturnih projekata koji su najinteresantniji svakoj od općina. Isto tako, poljoprivrednim proizvođačima omogućuje se povećanje zasada, podrška otkupu, preradi i plasmanu na tržište njihovih proizvoda”, istakao je ministar Dedić. „Nastavak odlične saradnje sa Uredom za koordinaciju projekata se nastavlja današnjim potpisivanjem Memoranduma o razumijevanju i provedbi projekta IFAD 8. Mnogo projekata smo zajedno realizirali i nadam se da će i ovaj IFAD 8 biti još uspješniji za našu općinu jer nudi mnoge mogućnosti za naše poljoprivrednike, ali i za infrastrukturne projekte koje se odnose na vodosnabdijevanje, izgradnja lokalnih puteva, tržnica, sistema navodnjavanja i svega onoga što će pospješiti poljoprivrednu proizvodnju u našoj općini“, - rekao je načelnik Mersudin Nanić nakon potpisivanja Memoranduma.

## DODIJELJENE ZAHVALNICE OPĆINE I NAGRADE ZA FOTO KONKURS “NEDŽIB VUČELJ”



U maloj sali Centra za kulturu, sport i informisanje, a povodom obilježavanja Dana općine Bužim, dodijeljene su zahvalnice učenicima generacije koje dodjeljuje Općinski načelnik, zahvalnice Općinskog vijeća općine Bužim i nagrade za najbolje fotografije Foto konkursa “Nedžib Vučelj”.

Po prvi puta, a zbog naredbi Federalnog kriznog štaba o ograničenom broju osoba u zatvorenom prostoru, dodjela zahvalnica i nagrada je upriličena dan prije službenog obilježavanja i svečane sjednice Općinskog vijeća kako bi se ispoštovala sve epidemiološke mjere koje su na snazi.

Prije samog uručivanja zahvalnica i nagrada prisutnima se obratio u svojstvu uvodničara i voditelja Sead Emrić, a zatim Općinski načelnik Mersudin Nanić i predsjedavajući Općinskog vijeća Suvad Šahinović. Direktor Centra za kulturu, sport i informisanje Bužim Vahidin Veladžić dodijelio je nagrade za osvojeno treće i drugo mjesto po Foto konkursu “Nedžib Vučelj, a nagrađeni su Jasmina Muratović i Said Mulalić. Nagradu za prvo mjesto uručila je kćerka Nedžiba Vučelja Emina Alešević, a ova nagrada pripala je Dini Begoviću iz Sanskog Mosta. Općinski načelnik Mersudin Nanić uručio je zahvalnice učenicima generacije, a ove godine nagrade su dodijeljene Sari Cinac-učeniku generacije MSS”Bužim” IV, Amelu Duranoviću učeniku generacije MSS”Bužim” III, Ilhanu Elkasoviću učeniku generacije Osnovne škole “Bužim”, Lejli Pajalić-učenicima generacije Osnovne škole “Suljo Mirvić” Konjodor i Sari Emrić-učenicima generacije Osnovne škole “Mirsad Salkić-Džaja” iz Čave.




Zahvalnice Općinskog vijeća dodijeli su predsjedavajući OV Bužim Suvad Šahinović i zamjenik predsjedavajućeg Nermin Porić.



Zahvalnice su dodijeljene Osmanu Bajrektareviću, Miralemu Makiću, Šefketu Begoviću, Senadu Kakukoviću i Husniji Dizdareviću.

Zatim je u sali općine Bužim uprličen i prijem za sve načelnike i predsjedavajuće Općinskog vijeća iz prethodnog perioda, a razgovaralo se o realizaciji započetih projekata i planovima za neke nove projekte za koje je potrebno zajedničko nastupanje i lobbiranje kod viših nivoa vlasti.

## NAJVIŠA NAGRADA ZA UMJETNOST U BIH STIGLA U BUŽIM, HALIDA EMRIĆ TREĆI PUT OSVOJILA COLLEGIUM ARTISTICUM



U subotu, 24. aprila 2021. godine, upriličeno je otvorenje izložbe "COLLEGIUM ARTISTICUM 2021" i dodjela nagrada za najbolja ostvarenja prema odlukama stručnih žirija tri bosanskohercegovačka udruženja: Asocijacije arhitekata (AABH), Udruženja likovnih umjetnika primjenjenih umjetnosti i dizajnera (ULUPUBiH) i Udruženja likovnih umjetnika (UL-

UBiH). Izložba će biti otvorena za javnost od 26. aprila 2021. godine

Prisutnima su se ispred galerije Collegium artisticum obratili kustosica Sanela Nuhanović, predsjednica Upravnog odbora Amra Zulfikarpašić i direktor Elvedin Poturak.

Za iskazano razumijevanje, podršku i poduzete aktivnosti u rješavanju statusa i budućnosti Javne ustanove Collegium artisticum, direktor Elvedin Poturak je uručio zahvalnicu Upravi Grada Sarajeva, koju je preuzela dogradonačelnica Anja Margetić, ministru kulture i sporta Kantona Sarajevo Samiru Avdiću u prof.dr. Damiru Marjanoviću.

Nakon uvodnih obraćanja i uručjenja zahvalnica, predstavnici tri bosanskohercegovačka udruženja: Nejra Durmišević (predsjednica AABH), Amila Smajović (predsjednica ULUPUBiH) i Denis Jeina (sekretar ULUBiH) proglasili su nagrađene autorice i autore na ovogodišnjoj izložbi "COLLEGIUM ARTISTICUM 2021". Nagrada Collegium artisticum za unikatno ublikovanje ove godine pripala je bužimskoj umjetnici Halidi Emrić za njen rad ITINERARIUM dugogodišnjoj članici Udruženja likovnih umjetnika primjenjenih umjetnosti i dizajnera Bosne i Hercegovine (ULUPUBiH).

Na izložbi je u užu izbor ušao i pravo učešća imao i bužimski umjetnik Sead Emrić sa svoja dva rada iz ciklusa Summa bosniaca, dugogodišnji član Udruženja likovnih umjetnika Bosne i Hercegovine (ULUBiH).

Medjunarodni žiri u sastavu Iva Kerbler, Marin Ivanović i Barbara Vujanović dodjelio je nagrade po kategorijama za Udruženje likovnih umjetnika primjenjenih umjetnika i dizajna Bosne i Hercegovine.

Obrazloženje žirija za nagradu Collegium artisticum koju je dobila Halida Emrić:

"Istaknuta keramičarka Halida Emrić stvorila je intrigantno djelo na tragu svoje postojane estetike, gdje se kombinuju mašta i funkcionalnost / upotrebna kvaliteta keramičkog predmeta. Iako nepravilnih rubova i dimenzija, zdjela i vaza je rađena i obojena jakim kontrastom crvene i crne te su zatim na predmet nanijete arabeske i motiv spirale. Iza toga se metaforički krije ideja putovanja, gradova i starih puteva. Glazura pojačava začudni efekt objekta, dok istovremeno umjetnica ne napušta ideju klasične keramičke tradicije. Ovaj apartan keramički objekt iskazuje smjelost autoričine koncepcije, pomak ka eksperimentu u mediju koji nije sam sebi svrhom, ali i nastavak njezinih tzv. rascvjetalih oblika poput ruže i cvijeta"

Inače ova nagrada se dodjeljuje od 1974. godine i ovo je treći put da Halida Emrić dobija ovu nagradu (2015., 2017., i 2021.) a to nikom do sad sa ovih područja nije uspjelo.

collegium artisticum  
2021

žiri u sastavu:  
Iva Körbler, Marin Ivanović, Barbara Vujanović

dodjeljuje:

NAGRADU U KATEGORIJI  
UNIKATNO OBLIKOVANJE

**HALIDA EMRIĆ**

za zdjelu "ITINERARIUM 2"

## ODRŽAN ZAVRŠNI KONCERT ODJELJENJA OSNOVNE MUZIČKE ŠKOLE BUŽIM



U Velikoj sali Centra za kulturu, sport i informisanje Bužim održan je završni koncert klasične muzike učenika Muzičke škole “Nusret Keskin – Braco” Bihać odjeljenja Bužim.

Organizator je bila JU “Centar za kulturu, sport i informisanje” Bužim i bila je to prilika da učenici pokažu svoje znanje koje su postigli u toku posljednjih godinu dana. Prisutnima se kratko obratio referent za kulturu općine Bužim Sead Emrić koji je čestitao učenicima, ali i roditeljima koji daju velike napore da bi njihova djeca bila usp-

ješna. Koncertu je prisustvovao i direktor škole Adnan Busuladžić, te je obećana buduća saradnja JU “Centar za kulturu, sport i informisanje” Bužim i Muzičke škole.

Pored bužimskih polaznika ove škole na koncertu je učestvovalo i nekoliko učenika iz Bihaća, a sve u cilju kako bi se pokazali i drugi muzički instrumenti koji trenutno nisu zastupljeni u odjeljenju Bužim.

Tako su nastupili: Amina Bunić, lejla Mašović, Amina Livaković, Ahmed Ljubijankić, Arslan Omanović, Mia Šalja, Ishak Čirić, Laila Nanić, Faris Ahić, Šejma Grošić, Sandi Bužimkić, Nihada Veladžić, Bilal Bunić, Amina Veladžić, Aiša Dervić, Ale Ljubijankić, , Edin Muhić i Mirza Ahmić.

Inače, istureno odjeljenje muzičke škole u Bužimu egzistira već desetak godina, i prema mnogima je otvaranje iste jedan od bitnijih poduhvata koji se na polju kulture desio u Bužimu. Trenutno učenici Muzičke škole u Bužimu pohađaju dva instrumenta, gitaru i klavir, a prema riječima direktora Busuladžića, u budućnosti bi mogli biti uvedeni još neki smjerovi što uveliko zavisi od nastavnog kadra kao i od interesovanja samih učenika za pohađanje muzičke škole u Bužimu.



## IZLOŽBA “ZNAKOVI BOSNE” HALIDE I SEADA EMRIĆA POSTAVLJENA U GAZI HUSREV-BEGOVOM HANIKAHU U SARAJEVU



Izložba “Znakovi Bosne” dizajnerice umjetničke keramike Halide Emrić i umjetnika i slikara Seada Emrića postavljena je u Gazi Husrev-begovom hanikahu (Sarajevo) i bit će otvorena za posjete od 7. do 20. juna 2021. godine. U izložbi su predstavljeni brojni motivi iz bogate bosanskohercegovačke kulturne baštine od srednjeg vijeka do danas.

Organizator je Bošnjačka zajednica kulture “Preporod”, a izložbu je juče otvorio njen predsjednik dr. Sanjin Kodrić.

Ovo je još jedan u nizu uspjeha bužimskih umjetnika koji unatoč teškim vremenima za kulturu uspijevaju ostati u samom vrhu.



## ODRŽANA PROMOCIJA MONOGRAFIJE “SVJEDOK TURBULENTNOG VREMENA”



U Organizaciji BZK “Preporod” Bužim u petak 02.07.2021. godine sa početkom u 19:00 sati u Velikoj sali JU “Centar za kulturu, sport i informisanje” Bužim održana je promocija monografije “Svjedok turbulentnog vremena – Generacija Gazi Husrev-begove medrese 1967-1972” grupe autora. Promotori su bili Mustafa ef. Spahić – Mujki, Osman ef. Kavazović, Suad Berbić i Kemal Bahhodžić, dok je moderator bio Nijaz ef. Hadžić. Na samom uvodu prisutnima se u ime organizatora obratio Amir Sijamhodžić, predsjednik BZK “Preporod” Bužim.

Monografija, Svjedok turbulentnog vremena, Generacija Gazi Husrev-begove medrese 1967-1972. ima svoju poučnu poruku etičkog, obrazovnog, odgojnog, sociološkog, psihološkog, pa može se reći i ljudskog aspekta, što daje poruke za druge generacije u promoviranju općih ljudskih vrijednosti, istaknuto je ovom prilikom. Uz činjenicu da je ova generacija prepoznatljiva sa svojom brojnošću od 100 pripadnika, kao najmasovnija generacija poslije Drugog svjetskog rata, također je prepoznatljiva „štrajkom“ koji je trajao od 11. januara do 17. marta 1972., odnosno dva mjeseca i šest dana, čime se skrenula pažnja javnosti na određene nepravde koje su se događale prema medresi.

Jedan od osnovnih zahtjeva bio je vraćanje nastavnog programa u okvire utvrđenih normi vakufnamom i omogućiti učenicima medrese kvalitetnije obrazovanje. Iz ove generacije 53 pripadnika završili su fakultete, dva pripadnika stekli su znanstvena zvanja doktora i dva magistra nauka. Ova generacija podarila je Reisu-l-ulemu i zamjenika reisu-l-uleme, dvojicu muftija, dva direktora Gazi Husrev-begove medrese, četiri muherisa – profesora Gazi Husrev-begove medrese, četiri glavna imama, 41 su obavljali službu imama i hatiba, a preko 50 je na ovaj ili onaj način vezano za Islamsku zajednicu. U turbulentnom vremenu pripadnici ove generacije dijelili su sudbinu Bosne i svog naroda. Dio pripadnika bili su uključeni u ratna predsjedništva općina, ministarstva, veleposlanici, direktori, alimi, profesori, rukovodioci, predsjednici uglednih institucija. Obavljali razne dužnosti u Armiji R BiH, od boraca do pomoćnika zapovjednika korpusa, u MUP-u od policajca do načelnika policijske uprave. Za doprinos odbrani trojica su dobitnici najviših vojnih priznanja “zlatnog ljiljana” i jedan dobitnik “zlatne policijske značke”. Za obranu domovine petorica su dali svoje živote, a trojica su određeno vrijeme proveli u logorima.



## ODRŽANA PROMOCIJA ZBIRKE PJESAMA “ISLAM U BUŽIMU” SAFETA EMRIĆA FATINOĞ

U Bužimu je u organizaciji JU “Centar za kulturu, sport i informisanje” Bužim u velikoj sali održana promocija zbirke pjesama pod nazivom “Islam u Bužimu” autora Safeta Emrića. Promotori su bili Sead Emrić, referent za kulturu općine Bužim i Nijaz ef. Hadžić. Riječ je o zbirci koja broji 28 pjesama i ona je treća po redu koju je autor izdao. Safet Emrić, narodni je pjesnik i pripovjedač koji se godinama bavi usmenim pjesništvom afirmišući svoj Bužim i njegove ljude. On je pjesnik izuzetno vedrog duha koji sklada rimovane stihove bez ijedne trunke zle primisli, govoreći uvijek dobrom dušom i pronalazeći ljepotu u ljudima te stvarima koje ponekad običan čovjek i ne vidi.



## IZRADA GLAVNOG PROJEKTA MUZEJA 505. VITEŠKE BRIGADE



Načelnik općine Mer-sudin Nanić se sastao sa počasnim građaninom općine Bužim Nedžadom Brankovićem i vlasnikom firme “Saraj inženjering”, kojom prilikom je dogovorena izrada glavnog izvedbenog projekta Muzeja 505.Viteške brigade. Ovo će biti još jedan poklon od našeg počasnog građanina koji je besplatno uradio i projekat izgradnje Trga Alije Izetbegovića.

U cilju usaglašavanja projektnog zadatka arhitekta “Saraj inženjeringa” Adnan Branković i Kenan Zvizdić posjetili su općinu Bužim gdje su razgovarali sa načelnikom općine o detaljima glavnog projekta, te nakon toga posjetili i lokaciju gdje će biti izgrađen Muzej.

Do obilježavanja dana 505.Viteške brigade 15.08.2021.godine očekuje se završetak izrade glavnog projekta i svečano polaganje kamena temeljca za izgradnju Muzeja 505.Viteške brigade.

## ODRŽANO VEČE FOLKLORA I SEVDAHA



Na radost ljubitelja tradicionalnih igara i sevdaha, u sklopu manifestacije “Slobodarski dani viteškog grada Bužima 2021.” u organizaciji KUD-a “Sevdah” iz Bužima održano je Veče folklor i sevdaha.

Da je nakon prošlogodišnjeg otkazivanja ove večeri zbog Covid 19 bužimski narod itekako poželio ovaj sadržaj govori činjenica da je sinoć u velikom broju popunio Trg Alija Izetbegović u Bužimu.



Na samom početku prisutnima se u ime načelnika općine Bužim obratio Sead Emrić, referent za kulturu općine Bužim a nakon toga je uslijedio kulturno zabavni program. Učešće su pored domaćina KUD-a Sevdah uzeli i KUD Kulin Ban iz austrijskog Graca, Ženski gradski hor, solistice Zilha Porić i Sefija Čaušević

## ODRŽANA PROMOCIJA KNJIGE „RAT U SREDNJOJ BOSNI 1992–1994. GODINE“ AUTORA DR. AMIRA KLIKE



U velikoj sali JU “Centar za kulturu, sport i informisanje” Bužim u sklopu manifestacije “Slobodarski dani viteškog grada Bužima 2021.” održana je promocija knjige „Rat u srednjoj Bosni 1992–1994. godine“ autora dr. sc. Amira Klike.

Promotori su bili prof.dr. Admir Mulaosmanović, general Fikret Čuskić, dok je uvodničar bio historičar Bahrudin Beširević.

Knjiga je proistekla iz naučnoistraživačkog projekta koji je dr. sc. Amir Klike samostalno realizirao u Institutu, a bio je ujedno i njegova doktorska disertacija odbranjena na

Filozofskom fakultetu Univerziteta u Sarajevu 2017. godine pred komisijom u sastavu dr. sc. Safet Bandžović, prof. dr. Zijad Šehić i prof. dr. Edin Radušić. Knjigu su recenzirali prof. dr. Selmo Cikotić, prof. dr. Admir Mulaosmanović i dr. sc. Zilha Mastalić-Košuta.

Knjiga je objavljena u Institutu za istraživanje zločina protiv čovječnosti i međunarodnog prava Univerziteta u Sarajevu.

U knjizi se detaljno raspravlja o ratnim operacijama, ali i o političkoj pozadini i posljedicama rata koji se vodio u srednjoj Bosni od 1992. do potpisivanja Vašingtonskog sporazuma 1994. godine. Kako je došlo do rata? Šta su bili hrvatski politički ciljevi u Bosni i Hercegovini? Kako su se odvijale ratne operacije? Koju je strategiju i taktiku primjenjivala Armija R BiH u srednjoj Bosni? Kako su ratni protivnici postali ratni saveznici? Da li je Federacija BiH „novo Tuđmanovo ruho za HRHB“?

## ODRŽAN DEVETI BUŽIMSKI LIKOVNI SALON I DEVETO BUŽIMSKO KNJIŽEVNO KAZIVANJE



U maloj sali Centra za kulturu, sport i informisanje je u organizaciji BZK Preporod Bužim i JU “Centar za kulturu, sport i informisanje” Bužim a u okviru ovogodišnje manifestacije “Slobodarski dani viteškog grada Bužima 2021.” održan Deveti bužimski likovni salon i Deveto bužimsko književno kazivanje.

Na samom uvodu prisutnima se obratio Sead Emrić, referent za kulturu općine Bužim, a nakon njega Vahidin Veladžić v.d. direktor JU “Centar za kulturu sport i informisanje” Bužim koji je otvorio Deveti bužimski likovni salon.

Na ovogodišnjem likovnom salonu svoja umjetnička djela izlagalo je 5 umjetnika u različitim tehnikama, Ferida Kovačević, Hazer Emrić, Sead Emrić, Halida Emrić i Amir Čordić.

U sklopu Devetog bužimskog književnog kazivanja prisutni su slušali Emina Grošića, Amira Sijamhodžića i Nijaza Hadžića.

U sklopu Devetog bužimskog književnog kazivanja prisutni su slušali Emina Grošića, Amira Sijamhodžića i Nijaza Hadžića.



## OTVORENA IZLOŽBA UMJETNIČKIH SLIKA I KALIGRAFIJE AUTORA MUNIRA TUFEKČIĆA

U velikoj sali JU “Centar za kulturu, sport i informisanje” Bužim u sklopu manifestacije “Slobodarski dani viteškog grada Bužima 2021.” otvorena je izložba umjetničkih slika i kaligrafije zeničkog autora Munira Tufekčića.

Djela su uglavnom inspirisana islamskom filozofijom i duhovnošću ali ima i onih vezanih za Bužim.

Svijet likovne umjetnosti nije svrha samom sebi. Potvrđuje se tek u oku posmatrača spremnog na novi doživljaj estetike i duhovnosti. A djela Munira Tufekčića, s akcentom na kaligrafsko umijeće ispisivanja arapskog slova i Božije – kur’anske riječi, inspirisana su islamskom filozofijom i vrednotama drevne kulture, koju je prije petnaestak godina uspio izbliza upoznati. Sjećanja sa svojih putovanja pretočio je u čudesnu likovnu priču, u akrilik tehnici.

Izložba će biti otvorena do kraja manifestacije a Bužimljanke i Bužimljani će ju imati priliku pogledati i u prizemlju zgrade Doma kulture Bužim i ispred nje.



## PREZENTIRAN IDEJNI PROJEKAT: MUZEJ ĆE SE GRADITI NA TURBETU GENERALA IZETA NANIĆA



Nakon deset dugih godina priče oko izgradnje Muzeja 505-te viteške brigade i različitih prijedloga i inicijativa, danas možemo slobodno reći da će se Muzej graditi na Turbetu generala Izeta Nanića i svih poginulih pripadnika brigade. Tim povodom općinski načelnik Mersudin Nanić primio predstavnike porodice našeg generala Izeta Nanića, te im prezentirao idejni projekat Muzeja 505. Viteške brigade koji će se graditi na Turbetu generala Izeta Nanića, a nakon što je u ime porodice Nanić, Rasima Nanić poklonila zemljište za izgradnju ovog

objekta od posebnog značaja za sve patriote države Bosne i Hercegovine. Načelnik Nanić je tokom prezentacije idejnog projekta muzeja posebno naglasio da je pri kraju i izrada glavnog projekta kojeg radi projektno poduzeće „Saraj inžinjeri“ našeg počasnog građanina Nedžada Brankovića. Inače, izrada glavnog projekta Muzeja 505-te je poklon ovog poduzeća građanima općine Bužim. Istaknuta je i činjenica da za izgradnju muzeja postoje već osigurana sredstva, a 200.000,00 KM se nalazi na računu općine Bužim za ovu namjenu. U budžetu kantona planiran je iznos od 100.000,00 KM, a izvjesna su i sredstva Saudijskog fonda od oko 125.000,00 KM. Prema do sada urađenim proračunima vrijednost ovog projekta je veći od jednog miliona KM što će biti zadatak i obaveza političkih predstavnika iz Bužima na svim nivoima vlasti da rade na iznalaženju sredstava za završetak projekta i otvaranje Muzeja brigade.

Na kraju prezentacije idejnog rješenja načelnik Nanić je najavio postavljanje kamena temeljca budućeg Muzeja, na godišnjicu osnivanja 505-te viteške brigade 15.08.2021. godine, te naglasio kako će ovom događaju prisustvovati i član predsjedništva BiH Šefik Džaferović, te brojni drugi zvaničnici svih nivoa vlasti. „U ime porodice Nanić i pred duše našeg Izeta, svih šehida 505-te bužimske brigade, Petog korpusa i svih poginulih pripadnika Armije R BiH odlučili smo pokloniti zemljište za izgradnju muzeja kako bi buduće generacije znale za naše najbolje sinove i njihovu herojsku borbu u odbrani domovine.“ - kazala je Rasima Nanić nakon prezentacije idejnog projekta.



## PROMOVISANA KNJIGA „DA LI SAM PREŽIVJELA” MLADE AUTORICE DŽENEFE KAUKOVIĆ

U sklopu manifestacije „Slobodarski dani viteškog grada Bužima 2021.” u Velikoj Sali JU „Centar za kulturu, sport i informisanje“ Bužim održana je promocija knjige „Dali sam preživjela“ mlade bužimske autorice Dženefe Kauković.

Promotori su bili prof. Elma Begić i prof. Dževad Ponjević. Knjiga govori o ljubavi, životu, stanju duha i temama koje su autoricu motivisale u svakodnevici.

Promocija je tekla na malo drugačiji i opušteniji način od uobičajenog standarda za takve događaje, a veliki broj prijatelja, sugrađana i rodbine došlo je da podrži mladu autoricu u ispunjenju njenih snova.



## ODRŽANA PROMOCIJA MONOGRAFIJE ISLAM I MUSLIMANI BUŽIMSKOGA KRAJA AUTORA AMIRA SIJAMHODŽIĆA



Uz prisustvo velikog broja Bužimljanki, Bužimljana ali i gostiju širom USK u velikoj sali JU "Centar za kulturu, sport i informisanje" Bužim a u sklopu manifestacije "Slobodarski dani viteškog grada Bužima 2021." održana je dugoočekivana promocija monografije "Islam i muslimani bužimskoga kraja" bužimskog autora Amira Sijamhodžića.

Izdavač ovog kapitalnog djela je BZK Preporod Bužim, a naručioc projekta Medžlis islamske zajednice Bužim. Recenzenti su prof.dr. Ismet Bušatlić, dr.sc. Edin Veladžić i hafiz Mehmed ef. Kudić.

Promotori su bili prof.dr. Rifet Šahinović, prof. Haris Suljadžić i hafiz Mehmed Kudić.

Monografija na 505 strana u full koloru i najkvalitetnijem printu sistematski obrađuje 445 godina Islama i muslimana bužimskog područja od njegovog dolaska odnosno prvih pisanih tragova i kazivanja do danas. Uz mnoštvo arhivske građe, dokumenata, izjava i fotografija najobimnija je monografija ove tematike na ovim područjima i šire.

Velikom skupu su se na samom početku obratili Eniz Veladžić, predsjednik Medžlisa islamske zajednice Bužim, koji se zahvalio svima koji su pomogli da ova monografija ugleda svjetlo dana, zatim dizajner Nermin Nino Kasupović, Mehmed Felić direktor firme Grafičar iz Bihaća koja je printala monografiju i Sead Emrić referent za kulturu općine Bužim koji se obratio u ime općinskog načelnika Mersudina Nanića. Uvodničar i voditelj promocije je bio Emin ef. Grošić.

Usljedila su izlaganja promotora prof. dr. Rifeta Šahinovića, prof. Harisa Suljadžića i hafiza Mehmeda Kudića. Ono što je zajedničko svima je konstatacija da je u pitanju djelo koje prevazilazi ovdašnje prilike u svakom pogledu, a za autora Sijamhodžića su svi ustvrdili da je nakon ranije urađenih monografija i djela, izdavanjem ove monografije postao "bužimska institucija".



Na kraju emotivnim obraćanjem prisutnima je govorio i sam autor Amir Sijamhodžić koji se zahvalio svima na podršci i pomoći te istakao presudne momente u nastajanju monografije.

"Cilj koji sam sebi postavio bio je vrlo jednostavan, a to je da na osnovu svih dostupnih i provjerenih dokumenata, informacija, činjenica i saznanja, potom zabilježenih usmenih predaja, ličnih osvrta osoba iz vjersko-prosvjetnog miljea, prikupljenih ili novonastalih fotografija, javnosti prezentiram jednu zaokruženu priču o 445 godina vjerskog i vjersko-kulturnog života na području Medžlisa islamske zajednice Bužim.", naglasio je Sijamhodžić.

## PROMOVISANA KNJIGA “DESETA VRATA PAKLA”



U Velikoj sali JU “Centar za kulturu, sport i informisanje” Bužim održana je promocija autobiografske knjige o prijedorskim logorima smrti, “Deseta vrata pakla”, autora Rezaka Hukanovića.

Autor knjige “Deseta vrata pakla”, Rezak Hukanović rekao je kako se radi o knjizi teškoj za čitanje, ali da je istina o prijedorskim logorima smrti njemu kao piscu i novinaru izuzetno bitna.

“Knjiga je teška za čitanje, a mnogo je teža bila za preživljavanje. Važna mi je istina i istina o prijedorskim logorima mi je bitna. Tri puta sam bio svjedok u Haagu, svjedočio protiv ubica, čak i u knjizi pominjem imena i prezimena. Svi smo zadešeni 1992. godinom. Mi smo u Prijedoru prošli možda i najteže, ja kažem da je Prijedor najviše stradao, uz poštovanje Srebrenice u kojoj je živote izgubilo preko 8.000 ljudi,

ali ne samo Srebreničana, nego i Vlaseničana i ljudi iz drugih mjesta, dok je u Prijedoru ubijeno 4.100 Prijedorčana, samo građana Prijedora. Imam običaj kazati da je u Prijedoru mnogo izdajica rođeno, iako jedna pjesma kaže suprotno. Tamo gdje je bio približan omjer naroda, tu je bilo najgore. Prijedor je imao oko 44% Bošnjaka i 41% Srba, otprilike i zato je ta 1992. godina bila pogubna za Bošnjake, pa i Hrvate. Ja se nisam nadao da ću završiti u logoru, a ono što je meni teško palo je što je i moj, tada 16-godišnji, sin zajedno sa mnom doveden u logor. To je tada bila borba za spašavanje djeteta. I mnogo šta je bilo teško. Ja sam za 6 mjeseci u Omarskoj i Manjači smršao 37 kilograma”, rekao je Hukanović.

Hukanović je rekao kako knjiga treba da služi kao podsjetnik na sve što se dešavalo i kao pouka svim generacijama. “Iz ove distance, ono što posebno čovjeku teško pada je što sam se među prvima vratio u Bosnu i Hercegovinu, misleći da će to biti ono što smo voljeli i željeli, ali to nije ono što smo zamišljali. Sve što se događalo tada nije nas opametilo i bojim se da nas nije opametilo i moramo paziti da se ne ponovi”, rekao je Hukanović.

## ODRŽANA PROMOCIJA KNJIGE

### “IZABRANA DJELA” RAH. HUSEINA EF. ALIJAGIĆA

U Velikoj sali JU “Centar za kulturu, sport i informisanje” Bužim održana je promocija knjige “Izabrana djela” rah. Huseina ef. Alijagića, nekadašnjeg bužimskog imama, matičara i radnika tadašnje općine Bužim.

Organizator je bila JU “Centar za kulturu, sport i informisanje” Bužim a promotor profesor Kasim Mujagić.

Rah. Husein ef. Alijagić, bio je imam, rođen u Bužimu koji je u periodu od 1947. do 1960. godine službovao u bužimskim džematima Varoška Rijeka i Stari grad, a kratko vrijeme je bio i službenik tadašnje općine Bužim.

U knjizi se nalaze brojni historijski podaci bitni za krajiška područja koji se rijetko mogu naći u literaturi, pa je tako primjerice imenom i prezimenom navedeno ko je i kada obavio hadž još od osmanskog perioda sa područja općine Bužim, kao i podatak ko je pohađao nekadašnju bužimsku medresu-ibtidaiju. Takođe s obzirom da je knjiga dijelom i autobiografska, govori o teškom životu imama u tom periodu.



## GRAD SARAJEVO PODRŽAO IZGRADNJU MUZEJA 505. VITEŠKE BRIGADE



Gradonačelnica Grada Sarajeva Benjamina Karić-Londrc i načelnik općine Bužim Mersudin Nanić potpisali su danas u Sarajevu ugovor o finansijskoj podršci Grada Sarajeva za izgradnju Muzeja 505. viteške brigade u iznosu od 50.000,00 KM.

“Radujem se saradnji s kolegom Nanićem i našim budućim zajedničkim aktivnostima i projektima vezanim za unapređenje infrastrukturnih, turističkih, obrazovnih i zdravstvenih kapaciteta na dobrobit naših građana“, istakla je gradonačelnica Karić nakon potpisivanja ugovora.

Također potpisivanju ugovora prisustvo

vo je gradski vijećnik Vedad Deljković, koji je i podnio inicijativu da Grad Sarajevo podrži izgradnju Muzeja 505. viteške brigade i tom prilikom iskazao zadovoljstvo realiziranom inicijativom.

“Raduje me da smo danas finalizirali inicijativu da Grad Sarajevo podrži izgradnju Muzeja 505. viteške brigade u Bužimu. Tako će se herojska, časna borba bužimskih vitezova moći prezentirati u Muzeju a naredna pokol-



jenja će učiti o tome. Raduje me da je Grad Sarajevo prvi prepoznao važnost izgradnje Muzeja, i za to se posebno zahvaljujem gradonačelnici Grada Sarajeva koja je odmah i prihvatila inicijativu”, kazao je Deljković i pozvao vijećnike u općinskim i gradskim vijećima da podnesu inicijative u procesu donošenja budžeta svojih lokalnih zajednica za ovaj projekat a koji će svjedočiti o jednom teškom ali slavnom vremenu naše domovine i njenih najboljih sinova. S obzirom na činjenicu da će u augustu naredne godine biti obilježeno trideset godina od formiranja jedne od najboljih brigada Armije RBiH – 505. viteške bužimske brigade, da je položen kamen temeljac u augustu ove godine, urađe-

na projektno-tehnička dokumentacija i obezbijedena inicijalna sredstva stvaraju se uslovi za početak gradnje Muzeja koji će biti najbolji poklon bužimskim vitezovima za njihov trideseti rođendan.

Nakon potpisivanja ugovora načelnik općine Bužim Mersudin Nanić također se zahvalio gradonačelnici Karić, a posebno vijećniku Deljkoviću na upućenoj inicijativi, te posebno naglasio:

–„Ovo su prva finansijska sredstva u ovoj godini i posebno me veseli što dolaze iz Grada Sarajeva s kojim smo već realizirali i završili neke projekte od interesa za našu lokalnu zajednicu. Vjerujem da će Federalno i Kantonalno ministarstvo za pitanja boraca i ratnih vojnih invalida planirati sredstva u svojim budžetima za izgradnju Muzeja i time doprinijeti njegovoj izgradnji i završetku radova do augusta naredne godine”.





## U BUŽIMU ODRŽANA RADIONICA O UNAPREĐENJU PRAVA ŽENA U LOKALNIM ZAJEDNICAMA



U Bužimu je u organizaciji Fondacije “CURE” u saradnji sa zaštitnicom ženskih prava advokaticom Jasnom Kazaferović, a u sklopu projekta “Advocacy for women’s rights in Bosnia and Herzegovina” podržanog od švedske fondacije Kvinna Till Kvinna održana radionica o unapređenju prava žena u lokalnim zajednicama.

“Prioriteti su u svakoj lokalnoj zajednici drugačiji, i zavise od nekoliko faktora, ali ono što je zajedničko za kompletnu društvenu zajednicu u BiH feminizacija siromaštva – porast siromaštva žena svih dobi, politička nevidljivost žena,

počev od nevidljivosti u Reformskoj

agendi, ustavnim reformama, veoma malom broju žena u političkom životu BiH, od ušteta na račun socijalnih programa koji bi omogućili ženama da aktivno sudjeluju na tržištu rada, pa do društvene marginalizacije ranjivih ženskih socijalnih kategorija poput “posebnih mama, žena sa invaliditetom žena treće dobi, samostalnih roditeljki, LBT\* žena, žena sa sela i drugih.”, navedeno je između ostalog u izjavi koordinatorica ove fondacije za medije.



## BUŽIMLJANIN PROF. DR. HUSEIN MURATOVIĆ IZABRAN ZA AKADEMIKA



Profesor dr. Husein Muratović iz Bužima izabran je za akademika iz oblasti ekonomskih nauka. Muratović je prvi akademik iz oblasti ekonomije sa područja USK-a u historiji Bihache krajine. Ovu odluku donio je Upravni odbor IANUBIH (Internacionalna akademija nauka i umjetnosti BiH) na prijedlog više akademika iz Razreda društvenih i humanističkih nauka.

Profesor Muratović autor je deset univerzitetskih udžbenika, sedam verifikovanih skripti, tri knjige, urednik dva Zbornika radova, autor 50 stručnih/naučnih radova, autor mnoštva investiciono-razvojnih projekata, elaborata

različitih namjena, mentor na stotine diplomskih radova, na desetine magistarskih radova i na doktorskim disertacijama. Predavač je na doktorskom studiju na Nezavisnom univerzitetu Banja Luka. Uz to, kontinuirano prati i analizira ekonomska i politička zbivanja u Državi i u svijetu.

Prof. Muratović je pored ostalog jedan od zaslužnih ljudi za historijsko osnivanje MSS “Hasan Musić” Bužim. esu-ibtidaiju. Takođe s obzirom da je knjiga dijelom i autobiografska, govori o teškom životu imama u tom periodu.

## ODIGRAN MEMORIJALNI ŠAHOVSKI TURNIR U SKLOPU OBILJEŽAVANJA BITKE “MUNJA `93”



U Bužimu je u sklopu obilježavanja 28. godišnjice bitke “Munja `93” odigran Memorijalni šahovski turnir. Organizator je bio Savez za sport i rekreaciju invalida općine Bužim a učešće je uzelo 10 igrača.

Na samom početku prisutnima su se kratko obratili Edham Emić, predsjednik organizacionog odbora za obilježavanje datuma iz perioda 1992-1995 i Asim Bajrić, predsjednik Saveza za sport i rekreaciju invalida općine Bužim.

Šahovski turnir je otvorio načelnik općine Bužim Mersudin Nanić koji je u svom obraćanju naglasio da općina Bužim u saradnji sa Boračkim

udruženjima čuva sjećanje na ovu ali i druge velike bitke 505. Viteške brigade, te da će tako biti i u narednom periodu.

Turnir je sudio Sead Šahinović, a nakon razigravanja izvršena je podjela diploma najuspješnijima kako slijedi:

1. Hadžić Sabahet prvo mjesto sa osvojenih 7,5 bodova
2. Odobašić Semir drugo mjesto sa osvojenih 7 bodova
3. Ćosić Šerif treće mjesto sa osvojenih 6,5 bodova



## VRIJEDNA DONACIJA NOGOMETNOM KLUBU “VITEZ” IZ BUŽIMA



U sklopu priprema za obilježavanje 50-te godišnjice od osnivanja NK “Vitez” iz Bužima načelnik općine Mersudin Nanić i trener kluba Edham Emić su posjetili proizvodno poduzeće “WoodenChairs” drvene stolice-Žepče -Poslovna jedinica Bužim.

Razlog ove posjete je vrijedna donacija poduzeća “WoodenChairs” iz Žepča Nogometnom klubu “Vitez” povodom njihovog pedesetog rođendana. Donaciju od pedeset stolica za pedeseti rođendan kluba uručila je direktorica PJ Bužim Midheta Šabić.

-“Drago nam je da možemo pomoći najstarijem sportskom kolektivu u Bužimu u opremanju njihovih službenih prostorija. Kao društveno odgovorna firma koja radi i posluje na području općine Bužim osjećamo potrebu ali i obavezu da učestvujemo u ovom značajnom jubileju nogometnog kluba “Vitez” iz Bužima”.-istakla je direktorica poslovne jedinice “WoodenChairs” Bužim Midheta Šabić.

Načelnik općine Bužim Mersudin Nanić uručio je skroman poklon ispred NK “Vitez” direktorici Midheta Šabić, zahvalio se na donaciji i posebno naglasio.

-“Zahvaljujemo se poduzeću WoodenChairs na drvene stolice ovoj značajnoj donaciji za naš klub koji ove godine obilježava pedeset godina postojanja i aktivnog rada. Sa doniranim stolicama urediće se prostor Uprave kluba i tako stvoriti bolji uslovi za prijem naših gostiju koje očekujemo na obilježavanju rođendana našeg kluba, a koji dolaze iz cijele Bosne i Hercegovine. Ujedno koristim ovu priliku da pozovem i upravu poduzeća na obilježavanje ovog značajnog jubileja.”



## VRIJEDNA DONACIJA ZA NK “VITEZ” BUŽIM OD “STOLARIJE IČANOVIĆ”

U sklopu priprema za obilježavanje pedesete godišnjice od osnivanja NK “Vitez” (OFK “BRATSTVO”) Bužim, brojni prijatelji ovog nogometnog kluba su ujedinjeno i složno pokrenuli niz akcija i aktivnosti kako bi na najbolji mogući način dali svoj doprinos u obilježavanju ovog značajnog jubileja.

Nakon što je poduzeće “WoodenChairs” PJ Bužim donirala pedeset stolica za uređenje prostorija Uprave klube, danas je poduzeće “Stolarija Ičanović” iz Bužima donirala set stolova i tako kompletirala prostorije uprave koje spremno dočekuju goste FK “Velež” iz Mostara koji će u prijateljskoj utakmici odmjeriti snage sa nogometašima Viteza.

D.o.o. “Stolarija Ičanović” iz Bužima je vrlo brzo iz jednog malog obrta prerasla u prepoznatljivo poduzeće za izradu drvene unutarne i vanjske stolarije, kuhinja po mjeri i drugih elemenata. Značajan dio svoje proizvodnje plasira i tražište van granica Bosne i Hercegovine. Društveno je odgovorna kompanija koja učestvuje i brojnim humanitarnim akcijama na području općine Bužim i države Bosne i Hercegovine.

Iz Uprave Viteza vlasniku poduzeća “Stolarija Ičanović” uputili su iskrenu zahvalu za ovu vrijednu donaciju, a posebno su naglasili da su sretni što se veliki broj “Prijatelja VITEZA” iz zemlje i inostranstva uključio u akciju pomoći najmlađim kategorijama NK “Vitez”, uređenju prostorija kluba i stadiona.



## PRIJATELJI NK VITEZ BUŽIM PONOVO U AKCIJI, VELIKI POMACI U INFRASTRUKTURI KLUBA



U nepunih četiri mjeseca postojanja neformalna grupa građana “Prijatelji NK Vitez Bužim” privodi kraju i svoj treći veliki projekat. Nakon što su uredili kancelariju i salu za sastanke koje koristi omladinski pogon NK Vitez Buzim gdje je vrijednost radova iznosila 3000,00 KM te opremili sve selekcije i trenere omladinskog pogona sa 86 komada trenerki vrhunskog kvaliteta marke Macron cija je nabavka kostala 4358,25 KM na red su došle klupe za službena lica te rezervne igrače.

Sve tri klupe rade se po standardima UEFA-e te N/F S BiH a ukupna vrijednost radova iznosi 4457,00 KM. Novčana sredstva za sva tri projekta u ukupnom iznosu od 11

815,25 KM u potpunosti su obezbjedili volonteri i prijatelji NK Vitez Bužim svojim nesebičnim radom i zalaganjem. Treba napomenuti da su momci iz ove grupe već obezbjedili novčana sredstva za tri nova aluminijska gola dimenzija 7,24×2,44 m, dva fiksna i jedan pokretni, te još dva veličine 5×2 metra ukupne vrijednosti 7070 KM te da će i oni u narednih nekoliko sedmica biti predani na upotrebu svim selekcijama kluba.

Isto tako momci iz grupe “Prijatelji NK Vitez Bužim” najavljuju nove projekte na izgradnji infrastrukture kluba te pozivaju sve Vas da se uključite u izgradnju modernog i stabilnog NK Vitez Bužim!

## ODRŽAN IZBOR NAJUSPJEŠNIJIH SPORTISTA OPĆINE BUŽIM ZA 2020. GODINU



U organizaciji Sportskog saveza Općine Bužim te općine Bužim, u sklopu manifestacije “Dani općine Bužim 2021.” održan je izbor i proglašenje najuspješnijih sportista i sportskih radnika Općine Bužim za 2020. godinu.

S obzirom da su za razliku od ranijih godina na snazi mjere i naredbe za suzbijanje pandemije koronavirusa, proglašenje je održano u znatno manjem obimu i u skladu sa pomenutim naredbama i bez publike

Na samom početku sportistima se obratio predsjednik Sportskog saveza općine Bužim Admir Sijamhodžić a nakon njega i predsjednik Sportskog

saveza USK Emir Dautović.

Čestitku bužimskim sportašima i sportskim radnicima uputio je i načelnik općine Bužim Mersudin Nanić.

Kako je naglašeno u obraćanjima 2020. godina je bila izuzetno nepovoljna za sve sportiste zbog pandemije, ali unatoč tome bužimski sportisti su uspjeli ostvariti zapažene rezultate.

Za rezultate ostvarene u sportu za invalide i invalidna lica općine Bužim u 2020. godine nagrađeni su:

1. KOVAČEVIĆ BEĆIR – uspješni takmičar u više sekcija SSRI
2. STONOTENISKA SEKCIJA SAVEZA ZA SPORT I REKREACIJU INVALIDA OPĆINE BUŽIM – kantonalni i državni prvaci
3. NIJAZ REMETIĆ – trener šahovske sekcije, kantonalni prvak i državni viceprvak
4. ASIM BAJRIĆ – sportski radnik koji je organizator mnogih takmičenja u sportu za invalide i invalidna lica
5. IBRAHIM DIZDAREVIĆ – državni prvak u šahu u svojoj kategoriji te učesnik nekoliko atletskih takmičenja
6. IZUDIN BEGIĆ – dugogodišnji član ekipe u sjedećoj odbojci
7. SAMIR ĐULIĆ – za doprinos u razvoju šahovskog sporta za osobe sa invaliditetom.

U kategoriji školskog sporta nagrade su dobili:

1. PAJALIĆ KERIMA – osvojeno 2. mjesto u stonom tenisu osnovne škole
2. ČATIĆ AMINA – osvojeno 1.mjesto u odbojci
3. OŠ SULJO MIRVIĆ KONJODOR – 2. mjesto stoni tenis osnovne škole
4. OŠ BUŽIM – kantonalni prvaci u odbojci osnovne škole



U konkurenciji Kadeta u pojedinačnoj i ekipnoj konkurenciji priznanja su dobili:

1. ŠAHINOVIĆ FARIS
2. DURANOVIĆ HARUN
3. DIZDAREVIĆ ADEM
4. ŠAHINOVIĆ AHMED
5. VELIĆ AHMED
6. ŠAHINOVIĆ AMER
7. NANIĆ SINAN
8. MULALIĆ ALMINA
9. DURIĆ EDINA
10. VELADŽIĆ ASMIN
11. RAČIĆ EMRAH
12. DURAKOVIĆ DIN
13. BEGOVIĆ AMRA
14. ALEŠEVIĆ NADIA
15. BEGOVIĆ AMAR
16. KRUPIĆ MEHMED



Najuspješnim sportistima u juniorskoj konkurenciji proglašeni su:

1. ČATIĆ SARA
2. RAMIĆ EMA
3. MUSTAFIĆ EDNA
4. BAJREKTAREVIĆ DŽEJLANA
5. TAHIĆ AMILA
6. GROŠIĆ HUMEJD
7. ČATIĆ DAVUD
8. ČINAC MEVLID
9. ČAUŠEVIĆ HASAN
10. OŽEGOVIĆ ENIZ
11. BEGOVIĆ HASAN



Najuspješniji seniori koji su nastupili i ostvarili rezultat na međunarodnom i državnom nivou su:

1. HADŽIĆ AJDINA – mjesto međunarodno takmičenje u karateu u Sloveniji
2. ALEŠEVIĆ HARIS – 3.mjesto kik boks Karlovac open
3. ŠAHINOVIĆ HARUN – 3.mjesto kik boks Karlovac open
4. MEHIĆ ADIS – veliki zaljubljenik visine i takmičar u paraglajdingu

Posebna priznanja za zaslužne sportske radnike dodijeljena su:

1. MAMIĆ IBRAHIM – za doprinos u razvoju borilačkih sportova
2. ČATIĆ SAFET – dugogodišnji nogometaš i sportski radnik u NK Vitez
3. ABDIĆ NISVET – dugogodišnji sportista i sportski radnik u NK Vitez
4. PORIĆ OMER – za doprinos u razvoju nogometa i loptačkih sportova



Dodijeljena su i priznanja sportskim kolektivima koji su uprkos pandemiji nastavili sa treninzima:

1. NK VITEZ BUŽIM
2. TAEKWON-DO KLUB ASIM BAJREKTAREVIĆ HAMZA BUŽIM
3. KARATE KLUB BUŽIM
4. TAEKWON-DO KLUB FADIL BAJREKTAREVIĆ –GAZIJA BUŽIM
5. ODBOJKAŠKI KLUB BUŽIM
6. ŽENSKI ODBOJKAŠKI KLUB BUŽIM
7. FUTSAL KLUB KONJODOR
8. SAVEZ ZA SPORT I REKREACIJU INVALIDA OPĆINE BUŽIM
9. UDRUŽENJE DISTROFIČARA BUŽIM
10. UDRUŽENJE PEDAGOGA TJELESNOG I ZDRAVSTVENOG ODGOJA BUŽIM



## ODRŽAN 10. KANTONALNI KARATE TURNIR



Karate klub “Bužim” je organizirao u sklopu manifestacije “Dani općine Bužim 2021.” X Kantonalni karate turnir koji je održan u Sportskoj dvorani Bužim.

Na turniru je učestvovalo 16. karate klubova sa područja Unsko-sanskog kantona, a ukupan broj takmičara koji su nastupili je 253.

Za razliku od ranijih godina kompletan turnir je tekao drugačije zbog aktualne pandemije pa je broj prisutnih u dvorani bio limitiran.

Prije samog početka turnira karate klub “ Bužim“ je dodijelio zahvalnice za razvoj karate sporta na području općine Bužim, a prisutnima se obratio,

poželio puno sportske sreće i turnir otvorio načelnik općine Bužim Mersudin Nanić.

Najuspješniji klub sa 133 boda bio je karate klub “Regeneracija Velika Kladuša, drugi je u poretku bio karate klub “Ključ” sa osvojenih 50 bodova, dok je treće mjesto zavezao klub borilačkih vještina “Budo” Cazin sa 45 bodova. Naš Karate klub “Bužim” je osvojio 11. mjesto osvojenih 2 zlatne i 5 bronzanih medalja, odnosno ukupno 11 osvojenih bodova.

## U BUŽIMU ODRŽANE SPORTSKE IGRE MLADIH

Kroz Bosnu i Hercegovinu već jedanaest godina priča se najljepša sportska priča. Takmičenje iz nogometa i odbojke već drugu godinu zaredom održava se i u Bužimu. Dječaci i djevojčice rođeni 2006.godine i mlađi uživali su u sportskim takmičenjima u sklopu Igara mladih.

Pobjednici Coca cola cupa u nogometu su novi stari prvaci MNK „Vrhovska“. Najbolji u malom nogometu 2010. godišta i mlađi je ekipa NK „Vitez“ iz Bužima. Nakon nogometa, nastupili su odbojkaši i odbojkašice. Vitalia cup za dječake je pripao ekipi OK „Bužim“, dok je u kategoriji djevojčica ekipa ŽOK „Bihać“ osvojila prvo mjesto u konkurenciji osam klubova. Najbolji putuju na veliko finale koje će se održati u Sarajevu. Organizator ovogodišnjih Sportskih igara za mlade se u ime svih učesnika zahvaljuje na sponzorstvu općinskom načelniku Mersudinu Naniću i JU „Centar za kulturu, sport i informisanje“ Bužim.

-„Mladi su naša budućnost u koju trebamo i moramo ulagati. Vjerujemo da smo bili dobri domaćini i da će se u budućnosti nastaviti druženje i takmičenje naših mladih sportaša. Iskreno se nadam da će nas ovogodišnji pobjednici Sportskih igara na najbolji mogući način predstavljati na završnom takmičenju u Sarajevu“.-istakao je načelnik općine Bužim u izjavi za medije.

Igre će u 2021. godini obići 45 bh. gradova te se družiti sa mališanima širom Bosne i Hercegovine dijeleći pozitivnu energiju i slaveći mnogobrojne pobjede. Sva takmičenja se, kao i prethodne godine, održavaju uz pridržavanje svih epidemioloških mjera kao i uz dozvole svih nadležnih institucija. Posebno zadovoljstvo će biti učešće pobjednika iz Bosne i Hercegovine na Međunarodnom finalu u Splitu, s obzirom da Igre u regiji ove godine slave 25 godina svog postojanja.

U prethodnih 10 godina, BH Telecom Sportske igre mladih okupile su više od 360.000 dječaka i djevojčica iz čitave BiH, a 17.000 finalista je imalo priliku učestvovati na Velikom finalnom takmičenju u Sarajevu. Igre nastavljaju projekat „Fer igra za fer djetinjstvo“ u saradnji sa Košarkaškim savezom BiH te uz finansijsku podršku USAID-a. Igre su u sklopu ovog projekta organizovale online radionice pod nazivom „Zajedno kao jedan tim“ gdje mališani imaju priliku upoznati svoje sportske idole i pitati ih sve što ih zanima iz njihovog sportskog života. Gosti radionica su bili Marica Gajić, Mirsad Terzić, Marko Panić i Senjamin Burić, a mališane očekuje još mnogo iznenađenja. Specijalni partner Igara je Olimpijski komitet BiH koji kroz projekat promovise sportska i olimpijska načela, ali i zdrav način života.



## ODRŽANO OPĆINSKO TAKMIČENJE U ULOVU RIBE NA PLOVAK

Na jezeru „Brana“ Bužim u organizaciji udruženja SRD „Šaran“ Bužim održano općinsko kvalifikaciono takmičenje u ulovu ribe na plovak za 2021 godinu.

Učešće je uzelo 10 takmičara, svi iz kategorije seniori.

U četverosatnom takmičenju najuspješniji je bio Rifet Bajrektarević sa osvojenih 4490 bodova, drugi je bio Ćosić Amir sa 3745 bodova a trećeplasirani Odobašić Semir sa 3260.

Ovim takmičenjem stvoreni su preduvjeti za viši rang takmičenja, pa će tako ekipa SRD “Šaran” Bužim učestvovati na Federalnom kupu koji se ove godine održava u Velikoj Kladaši.



## ODIGRANA REVIJALNA UTAKMICA NK VITEZ – FK VELEŽ U POVODU 50 GODINA POSTOJANJA BUŽIMSKOG KLUBA

U Bužimu je na radost svih ljubitelja sporta a posebno nogometa odigrana revijalna utakmica u povodu velikog jubileja i obilježavanja 50 godina postojanja nogometnog kluba “Vitez” Bužim između domaćina NK Vitez i gostiju FK Velež iz Mostara, inače premijerligaša koji je ove godine nakon 33 godine izborio nastup u Evropi. Inače utakmica je ovo za koju se Bužim već danima sprema i sve je bilo u znaku iste. Tako je uoči utakmice priredjen veliki vatromet i bakljada u centru grada. Gosti su stigli u Bužim oko 13:30 sati, a dočekao ih je stručni štab NK “Vitez” sa načelnikom općine Bužim Mersudinom Nanićem i predsjedavajućim OV Bužim Suvadom Šahinovićem. Nakon kraćeg odmora i ručka u sali općine Bužim u organizaciji načelnika općine je priredjen prijem delegacije iz Mostara, sportskih predstavnika Nogometnog saveza FBiH, Sportskih saveza USK i općine Bužim kao i Ministra obrazovanja, nauke kulture i sporta u Vladi USK i Predsjedavajućeg skupštine USK. Načelnik Nanić poželio je dobrodošlicu u “viteški” grad Bužim te istakao da je za općinu Bužim odigravanje ove utakmice te obilježavanje 50 godina postojanja kluba veliki sportski praznik te da će općina Bužim i dalje podržavati bužimske sportaše u nadi da će ostvariti što bolje rezultate u budućnosti. Delegacija je zatim posjetila Turbe generala Izeta Nanića i šehida 505. viteške brigade, gdje je položeno cvijeće i proučena fatiha. Glavnoj utakmici je prethodila utakmica pionira NK Vitez Bužim i NK Jedinstvo Bihać koja je završila rezultatom 1:4 u korist Jedinstva. Uz prisustvo velikog broja gledaoca koji su u nedostatku malih tribina na stadionu mjesto potražili u hladu brda iznad stadiona, odigrana je za Bužim i NK Vitez historijska utakmica u kojoj su gosti na kraju slavili sa ubjedljivih 9:0, iako je u ovoj utakmici rezultat najmanje bio bitan. Svi igrači NK Vitez su dobili priliku i ušli u igru, što će im nadati se dati samopouzdanje u budućim utakmicama a i iskustvo više. Na samoj utakmici navijači su priredili i bakljadu a na poluvremenu su dodijeljene zahvalnice zaslužnima i pokloni gostima. druženje žena “Izvor” iz Bužima je nakon utakmice svima priredilo poznatu “krajišku sofru” a igrači su otišli na zaslužni odmor.



## TKD "GAZIJA" BUŽIM USPJEŠAN NA DRŽAVNOM PRVENSTVU U KICK BOKSU



U Gradskoj dvorani u Živinicama održano je državno prvenstvo u kik boks. Tehnički organizator prvenstva u kik boks bio je Klub bori-lačkih vještina Flek Tom Cat Živinice, a učešće je uzelo 229 takmičara iz 44 kluba.

Bužimski TKD "Gazi-ja" učestvovao je sa 7 takmičara, a medalje su u jakoj konkurenciji osvojili: Tahić Ami- la – srebro, Krupić

Mehmed – srebro, Ćordić Anis – srebro, Ramić Ema – srebro, Bajrektarević Džejlana – bronza. Muratović Ajdin – bronza, Veladžić Mubina – bronza

Inače odlazak našeg kluba na državno prvenstvo sufinansirano je od strane općine Bužim i Općinskog načelnika te Sportskog saveza općine Bužim.



## ČLANOVI BICIKLISTIČKOG KLUBA BUŽIM ISPRAČENI NA BICIKLISTIČKI MARATON BIHAĆ-SREBRENICA



Sa trga "Alija Izetbegović" članovi biciklističkog kluba „Bužim“ krenuli su na tradicionalni biciklistički maraton Bihać-Srebrenica a sve u sklopu obilježavanja 26 godišnjice genocida u Srebrenici. Na ovaj način odaje se počast žrtvama genocida u BiH sa naglaskom na Srebrenicu, noseći parolu „DA SE NIKAD NE PONOVI I NE ZABORAVI“. Biciklisti su krenuli iz Bihaća na put dug 485 kilometara koje će proći u naredna tri dana. S tim u vezi općinski načelnik Mersudin Nanić ih je isprati poželjevši im sretan put i sigurnu vožnju: „Uvjeren sam da ćete dostojanstveno predstavljati općinu Bužim tokom cijelog puta kao i svih prethodnih godina. Na ovaj poseban način odajete počast svim žrtvama Srebreničkog genocida i ja vam želim sretan put i

sigurnu vožnju“,- istakao je načelnik općine Bužim Mersudin Nanić prilikom ispraćaja biciklista iz Bužima.

## MLADI GOLMAN NK VITEZ EDIS NANIĆ JE SLUŽBENO ČLAN MOSTARSKOG VELEŽA

Mladi golman iz Bužima, Edis Nanić pozvan je na probu u Velež iz Mostara. Svemu je prethodila prijateljska utakmica odigrana proteklog mjeseca u Bužimu između domaćina NK Vitez Bužim i FK Velež Mostar.

Unatoč visokom porazu domaćih, golman Edis Nanić je pokazao raskošan talent i pružio odličnu partiju. Nakon nekoliko dana provedenih u Mostaru danas je stigla zvanična potvrda da je dobio ispisnicu iz svog matičnog kluba te je od sutra i zvanično član FK Velež iz Mostara gdje će potpisati ugovor.

Nadamo se da će Edis opravdati ukazano povjerenje te mu na tom putu želimo puno sreće.





## TKD GAZIJA BUŽIM NASTUPIO NA DRŽAVNOM PRVENSTVU U FULL CONTACTU I POINT FIGHTINGU

U Zenici je održano Državno prvenstvo u disciplinama FULL CONTACT i POINT FIGHTING. za Taekwondo klub Gazija Bužim nastupili su Krupic Mehmed u kategoriji -52kg i Mujagic Zemin u kategoriji -37kg te osvojili zlatne medalje u svojim kategorijama i tako postali državni prvaci, što je nastavak dobrih rezultata članova ovog bužimskog kluba.

Isti dan Mehmed Krupić član TKD Gazija Bužim dobio je i službeni poziv selektora reprezentacije, te će nastupiti na slijedećem prvenstvu koje će biti održano u Italiji ove godine.



## VAZDUŠNE PUŠKE ZA ČLANOVE SSRI BUŽIM



Savez za sport i rekreaciju ratnih invalida Bužim-streljačka sekcija su na ovogodišnjem Kantonalnom takmičenju u Sanskom Mostu, za invalidne osobe, osvojili prvo mjesto. Kao pobjednici predstavljali su Unsko-sanski kanton na državnom prvenstvu koje je održano u Zenici, gdje nisu ostvarili zapažen rezultat. Kao jedan od razloga, a prilikom prijema kod načelnika općine Bužim Mersudina Nanića, istakli su nezadovoljavajuću streljačku opremu. Tada im je načelnik obećao dvije vazdušne puške koje su stigle ovih dana u SSRI Bužim.

S tim u vezi načelnik općine Bužim Mersudin Nanić i predsjedavajući Općinskog vijeća

općine Bužim Suvad Šahinović posjetili su prostorije u kojem treniraju članovi SSRI Bužim te im uručili za njih prijeko potrebnu streljačku opremu.

-“Zahvaljujemo se načelniku općine na podršci i razumijevanju naših problema. Sada nećemo moći imati izgovor za loše rezultate jer smo dobili vrhunske vazdušne puške sa kojima možemo postizati dobre rezultate na kantonalnim i državnim takmičenjima”.-istakli su iz SSRI Bužim.

## ODRŽAN PETI MOTO MARATON “STAZAMA SLOBODE USK”

U organizaciji moto klubova sa područja općine Bužim održan je peti po redu moto maraton “Stazama slobode USK” koji je vožen gradovima USK u kojima su članovi istih polagali cvijeće na šehidska obilježja.

Veliki broj zaljubljenika dvotočkaša koji su preplavili gradove USK građani su s oduševljenjem ispratili a krajnja tačka maratona bila je turbe generala Izeta Nanića i šehida 505. viteške brigade.

Na ovaj način članovi moto klubova su kao i ranijih godina željeli odati počast svim poginulim borcima u odbrani BiH, ali i onima koji su preživjeli a dali nemjerljiv doprinos u odbrani jedine domovine.



## ODIGRAN MEĐUNARODNI NOGOMETNI TURNIR VETERANA

Na gradskom stadionu u Bužimu je usklupu manifestacije Slobodarski dani viteškog grada Bužima 2021. održan Međunarodni nogometni turnir veterana.

Organizator je bio FK "Bratstvo" Bužim a u goste su im došli dugogodišnji prijatelji NK "Iskra". Prijateljska utakmica je završena neriješeno rezultatom 2:2 a nakon iste nastavljeno je druženje nogometnih veterana.

Ono što je takođe obilježilo ovu utakmicu je bio ispraćaj veterana Hasiba Sijamhodžića – Bibana kojem je organizator dodijelio plaketu za nesebičan doprinos i rad u 37 godina nogometne karijere. Priznanje su mu uručili Vlatko Glavaš bivši reprezentativac BiH i Suvad Šahinović, veteran FK "Bratstvo" Bužim



## ODRŽAN VITEŠKI TURNIR U STRELJAŠTVU

U sklopu manifestacije Slobodarski dani Viteškog grada Bužima, održan tradicionalni Viteški turnir u streljaštvu.

Organizator kao i ranijih godina bio je Streljački klub "OMLADINAC" Bužim, a takmičenje je održano u streljani kluba koja se nalazi u skopu Lovačkog doma "Meho Bašić".

Nakon tri serije pucanja redoslijed takmičara bio je slijedeći:

1. mjesto Admir Sijamhodžić
2. mjesto Hasan Zorić
3. mjesto Zuhdija Duranović



## ISTRČAN SUPERMARATON BIHAĆ – CAZIN – BUŽIM

U sklopu manifestacije "Slobodarski dani viteškog grada Bužima 2021." maratonci trčali na relaciji Bihać – Cazin – Bužim. Krajnja odrednica im je bila Turbe generala Izeta Nanića i poginulih boraca 505. viteške brigade gdje su odali počast. Na turbetu su ih dočekali predsjednik organizacionog odbora manifestacije Edham Eminić i predsjednik sportskog saveza općine Bužim Admir Sijamhodžić



## ODRŽAN DRUGI “ŠARAN KUP BUŽIM 2021” U ULOVU RIBE UDICOM NA PLOVAK



Na jezeru Brana Bužim u sklopu manifestacije “Slobodarski dani viteškog grada Bužima 2021.” održan je DRUGI ŠARAN KUP BUŽIM 2021. u disciplini “ulov ribe udicom na plovak”.

Nosioc je bilo udruženje SRD “Šaran” Bužim, a učešće je uzelo 15 takmičara. U fer i korektnom takmičenju najuspješniji je po broju bodova bio Ćirkin Smajo iz susjednog Velikokladuškog društva “Štuka” sa osvojenih 8370 bodova te je proglašen Prvakom staze, drugo mjesto osvojio je Bajrektarević Safet iz udruženja SRD Šaran Bužim sa 5820 bodova, dok je treće mjesto zauzeo Ćosić Amir, takođe član udruženja SRD “Šaran” Bužim sa osvojenih 5780 bodova, četvrto mjesto po broju bodova (5445) pripalo je Žunić Omeru. Najuspješnijima su dodijeljene diplome, a nakon proglašenja nastavljeno je druženje ribolovaca.

## ODRŽANA TRADICIONALNA GRADSKA ULIČNA TRKA U BUŽIMU

U sklopu manifestacije “Slobodarski dani viteškog grada Bužima 2021.” održana je tradicionalna Gradska ulična trka” u organizaciji asocijacije Sport za sve Bužim. Trka je krenula sa Turbeta gen. Izeta Nanića i šehida 505. viteške, kroz Begoviće do BP „Kov-Grad”, zatim nazad ulicom „505. Vbbr“, ulicom generala „Izeta Nanića“ i ulicom Zlatnih ljiljana“ do Turbeta generala „Izeta Nanića” i poginulih boraca – šehida 505. Vbbr”.

Rezultati po uzrastima:

**PREDŠKOLSKI UZRAST:**

1. Ilhan Nanić
2. Emrah Jusić
3. Mahira Dedić

**DJECA OD 7 – 11 GODINA:**

1. Nidal Ćatić
2. Minela Kljajić
3. Amil Jusić

**DJECA OD 11 – 15 GODINA**

1. Eman Bajrektarević
2. Emin Dedić
3. Hasan Jusić

**NAJMLAĐI UČESNIK**

1. Amina Jusić

**JUNIORI:**

1. Hasan Čaušević
2. Zeid Jusić

**SENIORI:**

1. Kenan Kanurić
2. Elvis Hozdić
3. Besim Dizdarević

**VETERANI:**

1. Ifet Dervić
2. Salko Hodžić
3. Rifet Ćehić

**NAJSTARIJI UČESNIK:**

1. Midhat Kurtović

**APSOLUTNI POBJEDNIK:**

1. Kenan Kanurić

Najuspješnijima su dodijeljena priznanja a ista su dodijelili načelnik općine Bužim Mersudin Nanić i predsjednik sporskog saveza općine Bužim Admir Sijamhodžić.



## ODRŽAN MEMORIJALNI ŠAHOVSKI TURNIR “IZET NANIĆ”

U sklopu programa “Slobodarski dani viteškog grada Bužima 2021.” u Bužimu je organizovan tradicionalni Memorijalni šahovski turnir “Izet Nanić”.

Na turniru je učešće uzelo ukupno 18. šahista iz Bužima, Cazina, Bihaća i Velike Kladuše. Turnir je igran 9. kola sa tempom igre od 5 minuta po igraču za cijelu partiju.

Nakon odigranih 9. kola i velike borbe, prvo mjesto je zauzeo Sead Čaušević iz Cazina, drugi je bio Asmir Hozdić iz Cazina, dok je treće mjesto pripalo Sabahetu Hadžiću iz Velike Kladuše.

Najbolji plasirani domaći igrač je bio Medin Šabić. Organizator turnira je za prva tri igrača i najbolje plasiranog domaćeg igrača obezbijedio skromne novčane nagrade, a za sve učesnike je organizovan ručak.

Za odličnu organizaciju turnira zaslužan je Šahovski klub Bužim.



## ODRŽAN 21. MEMORIJALNI TURNIR “IZET NANIĆ”

### U STOLNOM TENISU

U organizaciji stonoteniske sekcije RVI Bužim, a u sklopu manifestacije “Slobodarski dani viteškog grada Bužima 2021.” odigran je 21. Memorijalni turnir “Izet Nanić” u Stolnom tenisu.

Turnir je otvorio predsjednik Sportskog saveza općine Bužim Admir Sijamhodžić a nakon duge i sportske borbe poredak je bio slijedeći:

1. mjesto zauzela je ekipa “Bužim
2. mjesto ekipa “Veterani”
3. mjesto ekipa SSRI Bužim



## ODRŽANA PREZENTACIJA AIRSOFT KLUBOVA USK

Na gradskom stadionu u Bužimu je u sklopu manifestacije “Slobodarski dani viteškog grada Bužima 2021.” u organizaciji domaćeg airsoft kluba “Otpisani” održana prezentacija airsoft klubova USK.

Vrijedni članovi kluba ASK “Otpisani” su građanima svoga grada predstavili taktičku opremu i replike kojima raspolažu. Čak ni visoke temperature nisu spriječile mnoge naše sugrađane da dođu i svojim prisustvom uveličaju ovaj događaj. Pored izložene taktičke opreme i replika svim posjetiocima je pružena prilika da pucaju iz replika i osjete bar mali dijelić airsoft svijeta.



## ZAVRŠEN 25. MEMORIJALNI MALONOGOMETNI TURNIR "IZET NANIĆ"



Igranjem finalne utakmice u Bužimu je završen 25. memorijalni malonogometni turnir "Izet Nanić". U finalu su se sastale ekipe **Abi Comerc Bužim** i **MNK Mujo Hrnjica Velika Kladuša**. Nakon neriješenog rezultata u regularnom dijelu utakmice, izvođeni su penali a prvo mjesto osvojila ekipa **MNK MUJO HRNJICA VELIKA KLADUŠA**.

Rezultati finalne večeri:

U14: **FK KRAJINA CAZIN – NK JEZERSKI 2:1**

U12: **MLADOST – NK VITEZ BUŽIM 3:0**

3. MJESTO SENIORI: **POGREBNO DRUŠTVO HAMID LATAN – VOZAČI OPĆINE BUŽIM 7:0**

FINALE SENIORI:

**ABI COMERC BUŽIM – MNK MUJO HRNJICA VELIKA KLADUŠA 1:1 P(7:8)**

Kategorija U12:

Najbolji strijelac: **EMAN ČIZMIĆ (MLADOST)**

Najbolji igrač : **AHMED ŠAHINOVIĆ (NK VITEZ)**

Najbolji golman: **ELVEDIN ČATIĆ (NK VITEZ)**

Fer pley ekipa: **OŠN GOMILA STIJENA**

3. mjesto: **OŠN GOMILA STIJENA**

Kategorija U14:

Najbolji strijelac: **AHMED RAMIĆ (NK JEZERSKI)**

Njabolji igrač: **SMAJO BEGANOVIĆ (FK KRAJINA CAZIN)**

Najbolji golman: **ALDIN ADILAGIĆ (FK KRAJINA CAZIN)**

Fer pley ekipa: **NK VITEZ BUŽIM**

3. mjesto: **HAMID LATAN**

Seniori:

Najbolji strijelac: **SAMIR ŠAHINOVIĆ (POGREBNO DRUŠTVO HAMID LATAN)**

Najbolji igrač: **ERMIN MIZIĆ (MNK MUJO HRNJICA VELIKA KLADUŠA)**

Najbolji golman: **ATAULAH NESKIĆ (ABI COMERC BUŽIM)**

Fer pley ekipa: **MNK VRHOVSKA**

3. mjesto: **POGREBNO DRUŠTVO HAMID LATAN**

## BUŽIMSKO LOVIŠTE BOGATIJE ZA 570 FAZANA I 20 ZEČEVA



Vrijedni članovi ULD "Lovac" Bužim u proteklom periodu pokrenuli su akciju prikupljanja sredstava za nabavku 150 komada fazana za lovno područje općine Bužim. S obzirom da je odaziv za akciju bio jako velik uspjeli su nabaviti čak 570 jedinki fazana starosti 8 sedmica. Za iste su članovi lovačkog društva sagradili prihvatilište gdje su ih držali i hranili dodatnih 4 sedmice zbog prilagodbe. Nakon nekoliko dana nakon prilagodbe fazani su pušteni po revirima i rezervatu a ukupan projekat je vrijedan preko 6500 KM. Takođe iz vlastitog uzgoja članovi ULD "Lovac" Bužim ovog vikenda ispuštaju 20 divljih zečeva, a plan im je radi osvježenja krvi nabaviti dodatnih 15 ove godine. Na ovaj način se u najboljem smislu riječi ovo udruženje brine o bogatstvu divljači na području općine Bužim.

## BUŽIM DOMAĆIN PRIPREMA KICK-BOX REPREZENTACIJE BIH



U Bužimu boravila kick-box reprezentacija s područja USK. Okupljanje i trening je održan u Sportskoj dvorani Bužim u sklopu priprema za nadolazeće svjetsko prvenstvo (Italija) i evropsko prvenstvo (Crna Gora).

Na okupljanje se javilo 24 takmicara iz cijelog USK kantona, treneri i rukovodstvo kantonalnog kick-box saveza. Našu općinu će predstavljati dva reprezentativca: Edin Vučelj i Mehmed Krupić.

## EKIPA SSRI BUŽIM NOVI PRVAK USK U ŠAHU ZA OSOBE SA INVALIDITETOM



Dana 11.09.2021. godine u Velikoj Kladuši je održano šahovsko ekipno prvenstvo za osobe sa invaliditetom USK-a.

Domaćin takmičenja je bila ekipa SSRI Velika Kladuša, a učešće su pored domaćina uzele ekipe SSRI Cazin, SSRI Bosanska Krupa i ekipa SSRI Bužim.

Nakon odigranih 3. kola, prvo mjesto sa svim pob-

jedama je pripalo ekipi SSRI Bužim, druga je bila ekipa SSRI Cazin, a treće mjesto je pripalo domaćoj ekipi SSRI Velika Kladuša.

Zahvaljujući osvojenom prvom mjestu, ekipa SSRI Bužim je ostvarila pravo da predstavlja USK-a na šahovskom kupu FBiH i državnom prvenstvu koje će biti održano u mjesecu septembru i oktobru 2021. godine.

Ekipi SSRI Bužim želimo puno sreće na šahovskom kupu i državnom prvenstvu.



## ODRŽAN TURNIR U ŠAHU

U Bužimu je u povodu obilježavanja bitke "Breza-94" u organizaciji saveza za sport i rekreaciju invalida općine Bužim održan turnir u šahu.

Na samom početku prisutnim takmičarima su se obratili predsjednik saveza invalida Asim Bajrić i Edham Eminić, predsjednik organizacionog odbora manifestacije.

Učešće je uzelo 13. takmičara a na kraju turnira poredak trojice najuspješnijih je bio slijedeći:

1. Armin Kekić
2. Semir Odošajić
3. Esad Salkić



## U BUŽIMU ODRŽANO KANTONALNO PRVENSTVO U STOLNOM TENISU




U Bužimu je u Sportskoj dvorani održano Kantonalno prvenstvo u stolnom tenisu za osobe sa invaliditetom.

Učešće su uzeli pojedinci i ekipe iz Bužima, Bihaća, Cazina, Velike Kladuše i Sanskog Mosta. Na samom početku takmičarima su se obratili Asim Bajrić, predsjednik Saveza za sport i rekreaciju invalida općine Bužim i Suvad Šahinović, predsjedavajući Općinskog vijeća općine Bužim te poželjeli svima dobrodošlicu i fer i korektnu igru. Nakon višesatne igre najuspješnija je bila ekipa Bužima. Drugo mjesto osvojila je ekipa Cazina, treće ekipa iz Bihaća, četvrto Velike Kladuše a peto Sanskog Mosta.

## DOBRE VIJESTI IZ BUDVE: MEHMED KRUPIĆ IMA NAJMANJE BRONZANU MEDALJU NA EVROPSKOM PRVENSTVU U KICKBOKSU

U Crnogorskom gradu Budva održava se Evropsko prvenstvo u Kickboks za kadete i juniore. Na prvenstvu učestvuje 1436 takmičara iz 39 zemalja između kojih i takmičari reprezentacije Bosne i Hercegovine.

Naš reprezentativac, Bužimljanin Mehmed Krupić pobijedio je predstavnika Danske u borbi koja mu u najmanju ruku donosi bronzanu medalju. U nastavku takmičenja se sastaje sa aktualnim svjetskim prvakom u borbi za zlatnu medalju.



## NAČELNIK OPĆINE PRIMIO PREDSTAVNIKE SSRI OPĆINE BUŽIM



Načelnik općine Mersudin Nanić primio je predstavnike Saveza za sport i rekreaciju ratnih vojnih invalida i invalidnih lica općine Bužim, a povodom organizacije Državnog prvenstva u stolnom tenisu koje će se sljedeće sedmice održati u Bužimu.

Ekipa SSRI Bužim je prošlogodišnji državni i kantonalni prvak, te su ove godine u ulozi domaćina i branitelja naslova državnog prvaka u stolnom tenisu. Očekuje se učešće ekipa iz Sarajevskog, Zeničkog, Tuzlanskog i kantona Goražde.

Načelnik Nanić je ponudio pomoć u organizaciji ovog značajnog sportskog događaja za inval-

idna lica i posebno naglasio; -“Očekujem da odbranite titulu najbolje ekipe u državi, te da dobro dočekate i ugostite naše goste iz cijele Bosne i Hercegovine”.

Predstavnik ekipe SSRI Bužim Asim Bajrić zahvalio se načelniku Naniću na dosadašnjoj podršci invalidnom sportu na području općine Bužim koji okuplja značajan broj invalidnih lica koja aktivnim učešćem kroz nekoliko sportova doprinose lokalnoj zajednici ali ujedno budu u dobra terapija.

Državno prvenstvo će se održati u nedjelju 14.11.2021.godine sa početkom u 10,00 sati u Sportskoj dvorani Bužim. Iz SSRI Bužim su uputili i poziv građanima da dođu i svojim prisustvom podrže ovaj sportski događaj.

## BUŽIM BIO DOMAĆIN FEDERALNOG PRVENSTVA U STOLNOM TENISU ZA RVI I INVALIDNA LICA

U Sportskoj dvorani Bužim odigrano je Federalno prvenstvo u stolnom tenisu za RVI i invalidna lica čiji je pokrovitelj bila općina Bužim.

Učešće su uzele ekipe Zeničko-dobojskog, Unsko-sanskog, Bosansko-podrinjskog i Tuzlanskog kantona. Na samom početku igračima i navijačima su se obratili predsjednik Saveza za sport i rekreaciju invalida općine Bužim Asim Bajrić koji je poželio dobrodošlicu učesnicima. Nakon njega prisutnima se obratio Senad Hasović, predsjednik Saveza za sport i rekreaciju invalida FBiH i poželio takmičarima punos portske sreće i zahvalio se domaćinu na gostoprimstvu.

Ovom događaju prisustvovali su i načelnik općine Bužim Mersudin Nanić i predsjedavajući Općinskog vijeća općine Bužim Suvad Šahinović, a načelnik Nanić je nakon kratkog obraćanja i izražavanja dobrodošlice gostima zvanično otvorio prvenstvo.

Nakon odigravanja poredak je bio slijedeći:

1. Zeničko-dobojski kanton – prvo mjesto
2. Unsko-sanski kanton – drugo mjesto
3. Bosansko-podrinjski kanton – treće mjesto
4. Tuzlanski kanton – četvrto mjesto.

Učesnicima su dodijeljena priznanja a nakon toga su zajedno posjetili Turbe generala Izeta Nanića i šehida 505. viteške brigade.



## BUŽIMLJANI ORGANIZOVALI DOČEK ZA MEHMEDA KRUPIĆA

Po povratku sa Evropskog prvenstva u Wako kickboxingu koje je održano u Budvi u Crnoj Gori i osvojenog trećeg mjesta na istom, mladog Mehmeda Krupića svečano su dočekali brojni sportisti i građani općine Bužim.

Svečani doček je organizovan u restoranu Glamour Bužim gdje su sportisti i građani došli da na ovaj način odaju počast za osvajanje bronzane medalje na Evropskom prvenstvu u Wako kickboxingu.

Prisutnima su se obratili i čestitke uputili predsjednik sportskog saveza općine Bužim Admir Sijamhodžić, trener Amir Tahić, otac i trener Huse Krupić, predsjedavajući Općinskog vijeća općine Bužim Suvad Šahinović i na kraju Načelnik općine Bužim Mersudin Nanić, koji je se zahvalio mladom Mehmedu za uspjeh po kojem se za Bužim čuje i van granica jedine nam domovine i poželio puno sportske sreće u daljoj sportskoj karijeri.

Podsjećanja radi u crnogorskom gradu Budva održano je Evropsko prvenstvo u Kickboks u kadete i juniore. Na prvenstvu je učestvovalo 1436 takmičara iz 39 zemalja između kojih i takmičari reprezentacije Bosne i Hercegovine, a među njima reprezentativac Mehmed Krupić iz Bužima koji je osvojio bronzanu medalju. S obzirom da je riječ o jako mladom sportisti nadamo se da je pred njim uspješna karijera i puno prestižnih priznanja i nagrada.





## PLANINARI U BUŽIMU OBILJEŽILI DAN DRŽAVNOSTI BOSNE I HERCEGOVINE

Planinarsko društvo „RADOČ“ iz Bužima sa planinarima iz svih općina i gradova Unsko-sanskog kantona organizovalo je Tradicionalni planinarski pohod povodom 25. novembra, Dana državnosti Bosne i Hercegovine.

Više od 300 planinara koji su se okupili u Bužimu na Trgu Alije Izetbegovića, prije polaska na planinarski pohod, u ime domaćina pozdravio je načelnik općine Bužim Mersudin Nanić, te im se zahvalio na odazivu. Uputio je i čestitku organizatoru, a svim učesnicima poželio da se ugodno osjećaju u Bužimu na ovaj poseban dan.

Ispred planinarskog društva „Radoč“ planinarima se zahvalio i predsjednik ovog društva Samir Kišmetović koji je naglasio da vjeruje da će i naredne godine biti organizovano slično druženje povodom Dana državnosti sa još većim brojem učesnika.

“Pješaka staza Stari grad Bužim” kako su je nazvali u Planinarskom društvu „Radoč“, koja je obilježena, danas je zvanično i otvorena ovim tradicionalnim pohodom. Tako su planinari na najbolji način obilježili jedan od najznačajnijih praznika u Bosni i Hercegovini.

Staza je kružnog karaktera nije zahtjevna i dužine od oko 8 km. Potrebno je savladati 252 m nadmorske visine, najviša tačka je Veliko Brdo 464 mnv. Ruta kretanja: Trg “Alije Izetbegović” (212 mnv) – naselje Pomajden-Mlinčici-Mašića vrelo-Veliki bunar-Veliko Brdo(najviša tačka 464 mnv)-Lovačka kuća –Stari Grad – Pomajden-Trg “Alije Izetbegović”. Kompletna staza je markirana planinarskim crveno-bijelim oznakama po drveću ili kamenju. Takodjer, postoje i info table na nekim bitnijim mjestima staze, koje olakšavaju sami dolazak, odnosno kretanje duž staze.

## ORGANIZOVAN V MEMORIJALNI ŠAHOVSKI TURNIR “ALMIN ĐULIĆ”



Dana 05.12.2021. godine, Udruženje distrofičara Bužim je organizovalo V Memorijalni šahovski turnir “Almin Đulić”. Turnir je organizovan u sklopu programa obilježavanja Međunarodnog dana osoba sa invaliditetom, a u znak sjećanja na preminulog člana Šahovske sekcije Udruženja distrofičara Bužim. U ime općinskog načelnika, turniru je prisustvovao savjetnik općinskog načelnika gđin. Rijad Nanić, koji je nakon kraćeg obraćanja, povlačenjem prvog poteza svečano otvorio turnir.

Na turniru je učešće uzeo 31. igrač sa područja više općina USK-a i šire, a igrao se rapid turnir po švicarskom sistemu 9. kola sa tempom igre 11 minuta po igraču za cijelu partiju. Nakon odigranih 9. kola

i velike borbe, prvo mjesto je pripalo Amiru Nuhiću iz Bosanske Krupe sa osvojenih 8 poena, drugo mjesto zauzeo je Enver Beganović iz Cazina sa osvojenih 7,5 poena, a treći je bio Armin Kekić iz Bosanske Krupe sa 7 poena.

Igrači Šahovske sekcije su nastupili u veoma brojnom sastavu i u veoma jakoj konkurenciji ostvarili su dobre rezultate. Pored igrača Šahovske sekcije, zapažene rezultate su ostvarili i drugi bužimski šahisti.

Važno je napomenuti da je ovogodišnji V memorijal bio rejtingovan i da je po prvi put organizovan jedan turnir u općini Bužim na tom nivou organizacije.

Udruženje je kao organizator za prvi pet igrača, najuspješnijeg mladog igrača i najboljeg igrača Šahovske sekcije, obezbijedilo novčane nagrade i diplome, a ukupni pobjednik turnira je osvojio i pehar u trajno vlasništvo. Za sve učesnike je bio obezbijeden ručak i osvježenje.

## OBILJEŽENA 28. GODIŠNJICA BITKE “MUNJA 93“



Punih je dvadeset i osam godina od ratne operacije Munja '93, koju su izveli pripadnici 105. bužimske udarne brigade. Unatoč jako hladnom vremenu i sniježnom pokrivaču, Bužimljani Bužimljanke i ove godine su obilježili veliku ratnu pobjedu kod Kedića Glavice na spomen-obilježju. Obilježavanje je počelo u subotu 09.01.2021. odigravanjem revijalne utakmice Kluba sjedeće odbojke Bužim, zatim nastavljeno juče odigravanjem Memorijalnog šahovskog turnira, da bi danas nizom aktivnosti, završilo obilježavanje ove velike bitke.

Na sami dan bitke u sali općine Bužim je održan prijem, a zatim je delegacija posjetila Turbe generala Izeta Nanića i poginulih boraca-šehida 505. viteške brdske brigade gdje su, predstavnici izvršne i zakonodavne vlasti FBiH, USK, Općine Bužim i boračkih udruženja položili cvijeće i proučili Fatihu, zatim posjetili Muzej sobu 505. Viteške brigade, a nakon toga u prostorijama Organizacije porodica Šehida i poginulih Boraca upriličen je prijem za porodice šehida i poginulih boraca u ovoj bitci.

I ove je godine centralno obilježavanje ove velike pobjede bilo na Kedića Glavici gdje je prigodnom programom obilježena ova slavna bitka.

Kao i svake godine pješački marš u čast ove bitke su organizirali članovi Udruženja “Nanićevi Bužimljani” Tradicionalno imami MIZ Bužim proučili su Ja`sin a zatim je održan historijski čas i evocirane uspomene na slavnu bitku. Referat o ovoj slavnoj bitci, samom toku akcije pročitao je Sead Emrić.

Delegacije su položile cvijeće a prisutnima su se zatim obratili načelnik Općine Bužim, Mersudin Nanić, Bos. Krupa, Armin Halitović, Ministar u Vladi USK Asim Didarević, i Ministar za pitanja boraca FBiH Mirza Terzo. Prisutni pripadnici i potomci pripadnika 505. viteške brigade, uz ostale goste, prisjetili su se dana kada su u pomno isplaniranoj i vođenoj akciji ušli iza leđa neprijatelju te iz više pravaca napada uništili njihove položaje i stvorili dotad neviđenu pomutnju u njihovim vojnim redovima. Svi su bili saglasni u jednom: uspjeh operacije Munja '93 uveliko je odredio budući karakter ratovanja 105. (kasnije 505. viteške) bužimske brigade na čelu s njenim komandantom Izetom Nanićem, ali i cijelog Petog korpusa Armije Republike Bosne i Hercegovine. Akcija je ostala zapisana u historiji BiH kao posebna, a brojnim aktivnostima na poprištu te bitke podsjetilo se na herojstvo i doprinos bužimskih vitezova u odbrani Bosne i Hercegovine.

Cijela operacija Munja '93 bila je isplanirana i realizirana od strane komande 105. bužimske brigade na čelu s komandantom Izetom Nanićem. Mjesto izvođenja bilo je na širem prostoru Banjana, brdovitog predjela Cazinske krajine u trokutu istočno od Bužima, sjeverno od Bosanske Otoke i jugozapadno od državne granice, tzv. “Suhe međe”.

Ciljevi ove operacije bili su zauzimanje strateški povoljnijih borbenih položaja i odbacivanje neprijatelja sa šireg rejona Banjana kako ne bi mogao neposredno gađati bužimska naseljena mjesta Dobro Selo i Radoč.



## ŠEFIKU DŽAFEROVIĆU PRIZNANJE “POČASNI GRAĐANIN OPĆINE BUŽIM”

Općinsko vijeće općine Bužim je na trećoj redovnoj sjednici usvojilo Odluku o dodjeli općinskih javnih priznanja za 2020. godinu. Titula „Počasni građanin općine Bužim“ za 2020.godinu, a u skladu s odlukom bit će dodijeljena članu Predsjedništva Bosne i Hercegovine iz reda bošnjačkog naroda i potpredsjedniku SDA gospodinu Šefiku Džaferoviću.

Tim povodom općinski načelnik Mersudin Nanić sa rukovodstvom Općinskog vijeća i ministrom poljoprivrede, vodoprivrede i šumarstva u Vladi F BiH Šemsudinom Dedićem je posjetio člana Predsjedništva Bosne i Hercegovine Šefika Džaferovića kojom prilikom mu je uručena pozivnica povodom organiziranja manifestacije „Dani općine Bužim“, a koja će biti upriličena u velikoj sali Doma kulture 20. februara 2021. godine.

Član Predsjedništva Bosne i Hercegovine Šefik Džaferović je dokazani prijatelj svih Bužimljanki i Bužimljana. Kao član Predsjedništva BiH dao ogroman doprinos u izgradnji trga „Alija Izetbegović“. Svi građani općine Bužim svjedoci su da je izgrađen jedan od najvećih infrastrukturnih projekata u posljednjih deset godina na području općine Bužim.

Trg koji nosi naziv prvog predsjednika Predsjedništva Republike Bosne i Hercegovine Alije Izetbegovića zasigurno je mjesto za okupljanje i druženje svih Bužimljana, te svi onih koji dolaze u naš Ponosni i Viteški grad Bužim.

Sa zadovoljstvom možemo kazati da je općina Bužim u 2020. godini i za druge infrastrukturne projekte na području cijele općine Bužim obezbijedila, a zahvaljujući snažnoj podršci člana Predsjedništva BiH gospodina Džaferovića, značajna sredstva. Član Predsjedništva je zaista prepoznao potrebe lokalne zajednice i na taj način učinio je ljepšom, boljom i svakako prosperitetnijom.

Najviše općinsko priznanje za 2020., nagrada „20. februar“, bit će dodijeljena poduzeću “Stolarija Ičanović“ d.o.o Bužim za doprinos u razvoju privrede na području općine Bužim. Firma „Stolarija Ičanović“ na tržištu postoji već nekoliko godina, a njen razvojni put od male stolarske radnje u Bužimu do vrlo prepoznatljive firme na Unsko-sanskom kantonu, Bosni i Hercegovini i inostranstvu. Vrlo brzo postaje prepoznatljivo poduzeće po kvalitetu i širokom asortimanu proizvoda izrađenih od drveta koje ova firma nudi. Dugogodišnje iskustvo koje stoji iza vrijednih uposlenika „Stolarije Ičanović“ stavlja ih u red eksperata za izradu sobnih vrata svih dimenzija i različitih dizajnerskih i inovativnih rješenja. Redovno učestvuje u brojnim humanitarnim akcijama koje imaju za cilj životno zbrinjavanje sugrađana kojima je pomoć potrebna.

Treba istaći da će uz navedena priznanja biti dodijeljene plakete i zahvalnice najzaslužnijim građanima i institucijama. Plakete su dobili: Zlatni ljiljani Huse Haskić i Meho Hamza Veladžić, Esad Mulalić, Crveni križ općine Bužim, JP Ceste F BiH, dok će zahvalnice ove godine biti dodijeljene: Miralimu Makiću, Osmanu Bažektareviću, Šefketu Begoviću, Husniji Dizdarević i Senadu Kaukoviću.



## SVEČANO OBILJEŽEN 20. FEBRUAR, DAN OPĆINE BUŽIM



Visoka državna delegacija predvođena članom predsjedništva Bosne i Hercegovine Šefikom Džaferovićem i premijerom Vlade F BiH Fadilom Novalićem posjetila je danas općinu Bužim kojom prilikom je otvoren novoizgrađeni Trg "Alija Izetbegović". Svojim prisustvom uveličali su i svečanu sjednicu Općinskog vijeća na kojoj su uručena najviša općinska priznanja i odlikovanja.

Član predsjedništva prvo se u zgradi općine Bužim sastao sa načelnikom Mersudinom Nanićem i predstavnicima političkog i javnog života općine Bužim, nakon čega je posjetio Turbe generala Izeta Nanića i poginulih pripadnika 505. Viteške brigade gdje je polaganjem cvijeća i učenjem Fatihe odana dužna počast najboljim sinovima Bosne i Hercegovine.

Presijecanjem vrpce svečano je otvoren novoizgrađeni Trg Alija Izetbegović i kružni tok, a načelnik općine Mersudin Nanić se zahvalio svima koji su finasirali ovaj značajan projekat koji je u potpunosti promijenio sliku užeg gradskog središta i povećao sigurnost svih učesnika u saobraćaju.

"Gospodin Džaferović je dokazani prijatelj Bužima, koji nas je nebrojeno puta do sada podržao. Pomogao je realizaciju možda i najvećeg infrastrukturnog projekta u posljednjih nekoliko godina, odnosno izgradnju Trga "Alije Izetbegovića", kao i nekolicine ostalih izuzetno važnih projekata za nas. Danas sam uvjeren da podrška neće izostati ni u narednom periodu, a evo imamo i najavu da se već u ponedjeljak raspisuje tender za nastavak izgradnje zaobilaznice što me svakako raduje", istakao je načelnik Bužima Mersudin Nanić prilikom otvaranja Trga "Alija Izetbegović".

Načelnik je posebno izrazio zadovoljstvo što su ugostili predstavnike državnog i federalnog političkog vrha, te zajedno s njima promovirali ogroman razvojni potencijal općine, ali i još jednom podsjetili na hrabrost i doprinos građana Bužima u ratnom periodu.

Član predsjedništva Bosne i Hercegovine Šefik Džaferović je u svom obraćanju posebno naglasio kako je počostvovan što će mu danas biti dodijeljeno općinsko javno priznanje "Počasni građanin općine Bužim".

Programu obilježavanja manifestacije prisustvovala je i delegacija Vlade Federacije BiH, predvođena premijerom Fadilom Novalićem i ministrom poljoprivrede, vodoprivrede i šumarstva Šemsudinom Dedićem, ministrom za izbjegla i raseljena lica Edinom Ramićem, predstavnicima Federalne Direkcije cesta, te zastupnicima u parlamentu Federacije BiH.

U Velikoj sali Centra za kulturu sport, i informisanje općine Bužim održana je i svečana sjednica Općinskog vijeća na kojoj su dodijeljena najviša općinska priznanja i odlikovanja.



Zbog mjera zaštite od korona virusa koje su na snazi, ove godine je bio ograničen broj ljudi koji su mogli prisustvovati obilježavanju dvadeset i šeste godišnjice općine Bužim i velika sala Centra za kulturu nije bila otvorena za građane općine Bužim.

Na svečanoj sjednici prisutnima se obratio predsjedavajući Općinskog vijeća općine Bužim Suvad Šahinović, a nakon njega i načelnik općine Mersudin Nanić.

Ove godine za poseban doprinos u odbrani države BiH "PLAKETU OPĆINE BUŽIM" dobili su Zlatni ljiljani Hamza Meho Veladžić i Huse Haskić. Za poseban doprinos u opremanju vatrogasne jedinice općine Bužim PLAKETA je uručena i Esadu Mulaliću, Crvenom križu općine Bužim za aktivnosti tokom pandemije korona virusa i Federalnoj Direkciji cesta za poseban doprinos u izgradnji kružnog toka i zaobilaznice. Plakete je uručio zamjenik predsjedavajućeg OV Bužim Nermin Porić.

Usljedilo je obraćanje Premijera FBiH Fadila Novalića koji je govorio o projektima koji su realizirani ali i koji će se u budućnosti realizirati u Krajini, posebno se osvrćući na Bužim.

Najviše općinsko priznanje, nagrada "20.februar", ove godine je dodijeljena poduzeću "Stolarija Ičanović" koje je od malog porodičnog obrta u veoma kratkom vremenu prerasla u prepoznatljivo poduzeće koje se bavi proizvodnjom stolarije, kuhinja i drugih elemenata od drveta. Nagradu vlasniku Mehmedu Ičanoviću uručio je predsjedavajući OV Bužim Suvad Šahinović.

Na kraju svečane sjednice načelnik općine Bužim Mersudin Nanić uručio je nagrađu "POČASNI GRAĐANIN OPĆINE BUŽIM" članu predsjedništva Bosne i Hercegovine Šefiku Džaferoviću koji se nakon prijema nagrade obratio prisutnima. U svom obraćanju je posebno naglasio kako je vrijeme da se ujedinito i zajedničkim snagama stanemo u odbranu države Bosne i Hercegovine, njenog suvereniteta i integriteta.



## ZNAČAJNA DONACIJA IZ DIJASPORE ZA OPĆINU BUŽIM



Značajan je broj Bužimljana koji žive i rade u inostranstvu, a mnogi od njih svakodnevno traže načina kako pomoći neke od projekata koji se realiziraju u Bužimu. Najbolji primjer dolazi iz Slovenije od Bužimljana Esada Mulalića i Nevzeta Porića koji su povodom dana Općine Bužim boravili u rodnom Bužimu i tom prilikom razgovarali sa Općinskim načelnikom Mersudinom Nanićem. Razlog ove posjete je novčana donacija u iznosu od 10.000,00 KM koja je uplaćena u budžet Općine Bužim za

izgradnju Vatrogasnog doma, a koji se planira graditi u toku ove godine.

– „Javno priznanje „PLAKETA OPĆINE BUŽIM“ koja mi je uručena povodom obilježavanja dvadeset i šestog rođendana općine Bužim obavezuje me da radim još više za svoj rodni grad. Uvjeren sam da će Bužimljani iz Slovenije, ali i oni iz drugih Europskih zemalja, uvijek biti spremni pomoći svom gradu u realizaciji značajnih projekata. Moram posebno naglasiti da smo u proteklom periodu imali dobru saradnju i komunikaciju sa općinom Bužim i Općinskim načelnikom koja je rezultirala konkretnim projektima.“ – istakao je Esad Mulalić tokom razgovora sa Općinskim načelnikom.

Generalni sekretar IZ-e u Ljubljani Nevzet Porić upoznao je Općinskog načelnika o aktivnostima Bužimljana u dijaspori, a posebno je istakao kako je krajem prošle godine organizirano druženje Bužimljana i prijatelja Bužima u Muslimanskom kulturnom centru u Ljubljani.

– „U vremenu kada nam je ograničeno kretanje zbog pandemije korona virusa odlučili smo se organizirati jedno druženje humanitarnog karaktera, te okupiti na jednom mjestu Bužimljane i prijatelje Bužima. Naravno, nastav ćemo sa sličnim projektima i ove godine sa uvjerenjem da možemo i moramo pomoći u realizaciji projekata koji su od interesa za Bužim i Bužimljane.“ – naglasio je Nevzet Porić prilikom razgovora.

Općinski načelnik Mersudin Nanić se zahvalio našim sugrađanima koji žele pomoći Bužimu i svim njenim stanovnicima, te posebno naglasio: – „Dobra saradnja sa zajednicom naših ljudi koji žive i rade u R Sloveniji nastavlja se i ove godine. Prilikom naše prve posjete Ljubljani i prvih razgovora bio sam iznenađen idejama i nastupom naših ljudi koji nisu zaboravili svoj rodni grad. Tražili su inicijativu i način kako i na koji način pomoći, a najbolji primjer je realizacija kupovine vatrogasnog vozila od strane našeg sugrađanina Esada Mulalića. Uvjeren sam da će se ova dobra saradnja nastaviti i u ovoj godini, a ja se od srca zahvaljujem na novčanoj donaciji za izgradnju Vatrogasnog doma.“

Općinski načelnik Mersudin Nanić se zahvalio našim sugrađanima koji žele pomoći Bužimu i svim njenim stanovnicima, te posebno naglasio: – „Dobra saradnja sa zajednicom naših ljudi koji žive i rade u R Sloveniji nastavlja se i ove godine. Prilikom naše prve posjete Ljubljani i prvih razgovora bio sam iznenađen idejama i nastupom naših ljudi koji nisu zaboravili svoj rodni grad. Tražili su inicijativu i način kako i na koji način pomoći, a najbolji primjer je realizacija kupovine vatrogasnog vozila od strane našeg sugrađanina Esada Mulalića. Uvjeren sam da će se ova dobra saradnja nastaviti i u ovoj godini, a ja se od srca zahvaljujem na novčanoj donaciji za izgradnju Vatrogasnog doma.“

Općinski načelnik Mersudin Nanić se zahvalio našim sugrađanima koji žele pomoći Bužimu i svim njenim stanovnicima, te posebno naglasio: – „Dobra saradnja sa zajednicom naših ljudi koji žive i rade u R Sloveniji nastavlja se i ove godine. Prilikom naše prve posjete Ljubljani i prvih razgovora bio sam iznenađen idejama i nastupom naših ljudi koji nisu zaboravili svoj rodni grad. Tražili su inicijativu i način kako i na koji način pomoći, a najbolji primjer je realizacija kupovine vatrogasnog vozila od strane našeg sugrađanina Esada Mulalića. Uvjeren sam da će se ova dobra saradnja nastaviti i u ovoj godini, a ja se od srca zahvaljujem na novčanoj donaciji za izgradnju Vatrogasnog doma.“



## PROMOVISAN ROMAN “BEJAT” AUTORA SUVADA HADŽIĆA



U velikoj sali JU “Centar za kulturu, sport i informisanje” Bužim u sklopu manifestacije “Dani općine Bužim 2021.” održana promocija romana “Bejat” autora Suvada Hadžića.

Na samom početku gostima je poželio dobrodošlicu i pozdravio prisutne načelnik općine Bužim Mersudin Nanić koji je naglasio da je jako bitno sjećanje na one koji su zaslužni za ono što danas imamo. Naime, roman “Bejat” opisuje upravo težinu i ljepotu života, a u isto vrijeme provlači pitanja iskušenja i zapitanost boraca danas te njihovu borbu koja traje i dvadeset pet godina iza rata. Promotor je bio dr. Amir Ismić koji je između ostalog naglasio: “naši historičari, iako smo ušli u 21. stoljeće, još nisu

napisali cjelokupnu povijest Bosne. Iz onoga što je do sada istraženo i objavljeno o našoj historiji može se utvrditi da su mnogi ratovi i stradanja snažili našu domovinu. Također, dodaje da Bošnjaci o svojoj historiji znaju vrlo malo i da možda u toj činjenici leži razlog velikog broja genocida ponavljanih u kontinuitetu. “Analizom ovog sadržaja i strukture romana možemo zaključiti da autor obuhvata nekoliko tematskih cjelina, i to period same pripreme za agresiju, tok agresije, te završne operacije u odbrani RBiH”, zaključuje Ismić. O romanu je govorio i sam autor Suvad Hadžić. “Moja odluka da pišem o tome sadržana je u činjenici da danas preživjeli ratnici žive neshvaćeni, uglavnom odbačeni od sistema, a njihovim odlaskom s ovog svijeta odlaze i priče i sjećanja na jedno veoma teško vrijeme koje nam daje za obavezu da čuvamo vrijednosti za koje su mnogi mladi ljudi dali živote. Zaborav zahvata našu zajednicu poput bolesti. Do izražaja dolaze krivci, dok je žrtva utihnula i ne čuje se. Opterećeni smo današnjim životnim izazovima, ali nam to ne daje za pravo da zaboravljamo vrijeme kada je izvojevana skupo plaćena sloboda. Sjećanje na šehide potrebno nam je radi nas. Sjećanjem na njih moramo u sebi probuditi obavezu žrtvovanja za zajednicu, onako kako su to oni činili. Danas je ta žrtva sadržana u obavezi da budemo najkorisniji za zajednicu i domovinu, svako u svom krugu djelovanja.”

## U BUŽIMU OBILJEŽEN DAN NEZAVISNOSTI BiH



U Bužimu je obilježen Dan nezavisnosti Bosne i Hercegovine.

Predstavnici boračkih udruženja političkog, vjerskog i kulturnog života općine Bužim na Turbetu generala Izeta Nanića i šehida 505. Viteške brigade proučili su Fatihu i položili cvijeće.

Održan je i kratak historijski sat, a prisutnima su se obratili načelnik općine Mersudin Nanić i predsjedavajući Općinskog vijeća Suvad Šahinović.

–“Za opstanka svih naroda koji žive u našoj državi, za našu slobodu i nezavisnost najzaslužniji su borci Armije R BiH i svi oni koji

su svoje živote ugradili u temelje države Bosne i Hercegovine. Za ponovno dobijanje statusa općine moramo zahvaliti herojskoj borbi naših vitezova kojih se moramo sjećati svaki dan, a ne samo na obilježavanju značajnih datuma”-istakao je načelnik općine Mersudin Nanić u svom obraćanju.

U večernjim satima u velikoj sali Centra za kulturu sport i informisanje održana je promocija knjige “SVJEDOK ISTINE” autora Sehudina Aleševića. Promotori knjige-ratnog dnevnika bili su dr. Hilmija Alešević, Asim Bajrić, Šefik Veladžić i Amir Sijamhidžić. Knjiga SVJEDOK ISTINE autentičan je ratni dnevnik Sehudina Aleševića koji je nakon dvadeset i pet godina odlučio javnosti predstaviti sve ono što je zabilježio tokom rata 1992-1995.

## OBILJEŽENA GODIŠNJICA FORMIRANJA ŠTABA TO BUŽIM I PRIMOPREDAJE RATNE ZASTAVE 105/505. VITEŠKE BRIGADE



Bužimljani su i ove godine unatoč pandemiji koronavirusa obilježili dvadeset i devetu godišnjicu od formiranja Glavnog kriznog štaba i Štaba Teritorijalne odbrane Bužim i dvadeset i osmu godišnjicu od primopredaje ratne zastave 105. Bužimske udarne muslimanske/krajiške brigade.

Predstavnici Koordinacije boračkih udruženja sa područja općine Bužim, načelnik općine, predstavnici Općinskog vijeća, predstavnici viših nivoa vlasti, te vjerskog i društvenog života su u skladu sa trenutnom situacijom i pandemijom korona virusa obilježili jedan od značajnijih datuma iz novije historije Bužima i tako odali dužnu počast svima onima koji su dali svoj doprinos u odbrani

države Bosne i Hercegovine.

Obilježavanje je počelo na Turbetu generala Izeta Nanića i šehida 505. Viteške brigade, proučena je Fatiha, položeno cvijeće i održan kratak historijski sat. Nakon toga organizovano je otkrivanje triju ploča sa natpisom ratnih komandi bataljona 105/505. viteške brigade. Tako je u mjestu Babinac otkrivena ploča Komande 1. bataljona 105/505. viteške brigade gdje je takođe proučena fatiha poginulim pripadnicima 1. Bataljona 505. viteške brigade te kratko obraćanje predstavnika navedenog bataljona.

Delegacija je zatim u mjestu "Svetinja" otkrila drugu ploču Komande 3. bataljona 105/505. viteške brigade uz evociranje sjećanja pripadnika ovog bataljona. Treća ploča, Komande 2. bataljona 105/505. viteške brigade otkrivena je na školi "Mirsad Salkić" Čava u kojoj je u ratnom periodu bila komanda istog. Nakon kratkog obraćanja predsjednika organizacionog odbora Edhema Eminića o civilnom i političkom ustrojstvu Kriznog štaba ZMZ Bužim početkom 1992. godine govorio je Izet Ljubijankić dok je o formiranju jedinica Teritorijalne odbrane, jedinica Civilne zaštite, pomoćnih kriznih štabova i vojne policije, govorio prvi komandant ŠTO Bužim Esad Velić. Načelnik općine Bužim Mersudin Nanić u svom obraćanju je posebno naglasio;

-“Jako je bitno da pridajemo pažnju ovim za nas presudnim datumima u odbrani naše domovine i viteškog grada Bužima. Organizacioni odbor za obilježavanje ovih datuma zajedno sa koordinacijom boračkih udruženja općine Bužim imaju podršku načelnika i općine Bužim i tako će biti i ubuduće”.



## U POVODU SVJETSKOG DANA ŠUMA BUŽIMLJANI PRIKUPLJALI SMEĆE



U organizaciji Šumarije i kluba ASK "Otpisani" Bužim a u povodu Svjetskog dana šuma upriličena je akcija prikupljanja smeća i čišćenja putnog pojasa na Brdarevcu kod Bužima u dužini od 4 kilometra.

Ovom prilikom prikupljene su velike količine smeća kojeg su nesavjesni prolaznici i šetači ostavili iza sebe te je sito odveženo na deponiju. Učesnici ove akcije mole sve zaljubljenike prirode da prilikom posjete istoj iza sebe ne ostavljaju smeće kako bi svi mogli uživati na isti način u ljepotama prirode.

Inače Svjetski dan šuma se obilježava 21. marta, ali su organizatori akcije istu organizovali proteklog vikenda sa malim zakašnjenjem zbog vremenskih uvjeta.



## U BUŽIMU OBILJEŽEN 15. APRIL, DAN ARMIJE REPUBLIKE BOSNE I HERCEGOVINE



Povodom obilježavanja dvadeset i devete godišnjice od osnivanja Armije Republike Bosne i Hercegovine na Turbetu generala Ize-  
ta Nanića i poginulih pripadnika 505. Viteške brigade, položeno je cvijeće, proučena fatiha i održan kratak historijski sat uz prisustvo predstavnika koordinacije boračkih udruženja, Medžlisa IZ Bužim, MUP-a USK, Općine Bužim, te predstavnika političkog života općine Bužim sa lokalnih i viših nivoa, a poštujući aktualnu situaciju vezanu za pandemiju. Ispred organizacionog odbora za obilježavanje bitnih datuma općine Bužim prisutnima se obratio i o ulozi i značaju Armije RBiH govorio Edham Eminić. Ispred Općinskog vijeća

obratio se predsjedavajući Suvad Šahinović, a zatim i načelnik općine Bužim Mersudin Nanić koji je uputio čestitku svim pripadnicima Armije R BiH, posebno bivšim pripadnicima 505. viteške brigade. Nakon toga u mjestu Babinac otkrivena je spomen ploča koja podsjeća na mjesto gdje je bila prva komanda ratnog 1. Bataljona 505. Viteške brigade.

Nakon otkrivanja ploče prisutnima se obratio jedan od ratnih komandanata ovog bataljona Ibrahim Bašić koji je prisutne podsjetio na određene događaje vezane za ovo mjesto.

Armija R BiH osnovana je 15. aprila 1992. godine, a taj datum se obilježava kao Dan Armije RBiH. Vrhovni zapovjednik bio je predsjednik Republike, a nakon Dejtonskog sporazuma, A R BiH je zajedno sa HVO-om formirala Vojsku Federacije BiH, da bi nakon reforme odbrane bila transformisana u "2. pješadijski (rendžerski) puk", jedan od tri puka u okviru Oružanih snaga BiH.

## U BUŽIMU OBILJEŽEN DAN ŠEHIDA



Kao i ranijih godina i kako to priliči Bužimu, na turbetu generala Izeta Nanića i Šehida 505. Viteške brigade uz veliki broj prisutnih Bužimljanki i Bužimljana obilježen je Dan šehida tradicionalnim učenjem Ja-sina.

Obilježavanju su prisustvovali predstavnici svih struktura zakonodavne i izvršne vlasti sa područja općine Bužim, vjerski službenici, imami Medžlisa islamske zajednice Bužim koji su učili

Ja-sin, porodice poginulih ako Bog da Šehida, ali i brojni građani Bužima.

Odlukom Rijaseta Islamske zajednice od 23. januara 1995. godine, u BiH je drugi dan Ramazanskog bajrama proglašen Danom šehida, kao dan sjećanja na sve one koji su dali živote braneći porodicu, čast, domovinu i vjeru.

Taj dan se obilježava obilaskom šehidskih mezarja, posjetama šehidskim porodicama, učenjem hatme za sve šehide i podsjećanjem na njihovu žrtvu.

## OBILJEŽENA ČETVRTA GODIŠNJICA OD SMRTI BRIGADIRA HAMDIIJE MUSTAFIĆA, KAO I NIZ ZNAČAJNIH DATUMA



U Bužimu je obilježena četvrta godišnjica od smrti brigadira, a u ratu zamjenika komandanta 505. Viteške brigade i kaman-danta Jurišnog bataljona Hamdije Hamde Mustafića.

Porodica rahmetli Mustafića sa saborcima iz Koordinacije boračkih udruženja općine Bužim te zvaničnici svih nivoa vlasti položili su cvijeće i učenjem Fatihe odali dužnu počast prije četiri godine preminulom brigadiru Hamdiji Mustafiću na porodičnom mezarju na Brigovima.

Zatim je na šehidskom turbetu generala Izeta Nanića i šehida 505. viteške brigade obilježeno nekoliko značajnih datuma iz

naše ali i internacionalne historije. Nakon što su delegacije položile cvijeće na mezar brigadnog generala Izeta Nanića na Šehidskom turbetu, predsjednik organizacionog odbora za obilježavanje značajnih datuma u općini Bužim Edham Eminić obratio se prisutnima i u uvodnoj i pozdravnoj riječi objasnio koji je povod okupljanja, da se na svečan način zajednički obilježi Dan zlatnih ljiljana, Dan Europe i Dan podjede nad fašizmom i istakao da je Armija Republike Bosne i Hercegovine osnovana i djelovala upravo na antifašističkim tekovinama naše domovine Bosne i Hercegovine. Prigodno predavanje o antifašizmu održao je referent za kulturu Sead Emrić.

## OBILJEŽENA 29. GODIŠNJICA OD PRVOG NAPADA NA BUŽIM

U organizaciji Organizacionog odbora za obilježavanje značajnih datuma iz odbrambeno-oslobodilačkog rata 1992-1995. obilježena je 29. godišnjica od prvog napada na Bužim.

11. juna ratne 1992. godine na Bajram agresorske snage sa okupiranog teritorija R Hrvatske izvršile su napad u širem rejonu MZ Bućevci i MZ Stabandža, pograničnom dijelu općine Bužim i općine Velika Kladuša.

I ovogodišnji program obilježavanja prvog napada na Bužim započeo je polaganjem cvijeća i učenjem fatihe na turbetu Generala Izeta Nanića i poginulih pripadnika 505. Viteške brigade.

Cvijeće je položeno i proučena fatiha i na spomen

obilježju "Bućevci" kod "lovačke kuće Bućevci" koje je izgrađeno upravo u čast obilježavanja ove bitke, a zatim je kao i ranijih godina u džamiji na Bućevcima proučen Jasin i tevhid borcima-šehidima 505. Viteške brigade Armije R BiH. Nakon toga je na poprištu prve oružane bitke održan historijski sat na kojem su govorili učesnici ovih događaja, te otkrivena spomen ploča ratnog IKM-a IV Bataljona 505. viteške brigade.

Ratnim veteranima se obratio Edham Eminić, predsjednik organizacionog odbora za obilježavanja bitnih datuma iz perioda 1992-1995. koji je govorio o datumima koje organizacioni odbor svake godine obilježava, a jedan od njih je 11.06.1992. prvi napad na Bućevce odnosno Bužim

Prisutnima su se obratili i načelnik općine Bužim Mersudin Nanić, predsjedavajući Općinskog vijeća općine Bužim Suvad Šahinović i zamjenik predsjedavajućeg Nermin Porić koji su čestitali svim učesnicima godišnjicu ove velike pobjede. Svoje utiske i sjećanja iz tog vremena prisutnima su podijelili ratni komandanti Šefik Veladžić i Rasim Suljić, kao i još neki od učasnika bitke



## BUŽIM: OBILJEŽEN 12.06. DAN POLICIJE USK



Dvanaesti juni obilježava se kao Dan policije Unsko-sanskog kantona. Prije dvadeset i četiri godine uspostavljanjem Unsko-sanskog kantona formirano je Ministarstvo unutrašnjih poslova.

S tim u vezi, u Bužimu je povodom Dana policije USK posjetom delegacije turbetu "Generala Izeta Nanića" i polaganjem cvijeća odana počast poginulim pripadnicima Ministarstva unutrašnjih poslova i 505. Viteške brigade.

Inače dio je to manifestacije na području USK koja je počela tradicionalno postrojanjem i smotrom specijalne policije u Kasarni „Adil Bešić“. Potom su delegacije

resornog ministarstva i različitih nivoa vlasti, položili cvijeće na mezarja i ispred spomen obilježja u svim općinama USK, prisjetivši se tako mnogih poginulih i preminulih policajaca iz svih dijelova Kantona.

Bila je ovo prva legalna oružana formacija u odbrani BiH čiji su pripadnici u njoj dali nesebičan i nadasve veliki doprinos. Više stotina ih je poginulo i ranjeno. Jednako i danas, u vrlo teškim i specifičnim uslovima, uspijevaju držati pod kontrolom sigurnosnu situaciju, a daju i nemjerljiv doprinos za normalno funkcionisanje života u našem dijelu zemlje.

## ODRŽAN ISPRAĆAJ MATURANATA MSŠ "HASAN MUSIĆ" BUŽIM



U Bužimu je uz prisustvo roditelja, prijatelja, profesora održan ispraćaj generacije 2020/2021. maturanata MSŠ "Hasan Musić" Bužim.

Na Trgu "Alija Izetbegović" u Bužimu je izvršena dodjela diploma maturantima te proglašeni učenici generacije školske 2020/2021. godine kojoj je prethodio defile maturanata kroz čaršiju.

Nakon intoniranja himne i uvoda voditeljica Aldžić Dalile i Bajrić Amine prisutnima se obratio direktor MSŠ "Hasan Musić" Bužim Ibrahim Grošić, koji se zahvalio roditeljima, lokalnoj zajednici te višim nivoima vlasti na podršci, a zatim uputio i poruku

maturantima. Poruku je uputio i načelnik općine Bužim Mersudin Nanić koji je u svom obraćanju istakao da je upravo ovaj trg izgrađen za ovakve i slične manifestacije. Svim maturantima je poručio da ne zaborave odakle dolaze, da hrabro i odvažno koračaju ka novom poglavlju u svom životu, te im svima zaželio puno sreće, uspjeha i dobrih rezultata u nastavku školovanja.

Nakon toga su proglašeni učenici generacije, Bajrić Elmedina u kategoriji četverogodišnjih i Muratović Aladin u kategoriji trogodišnjih škola. Priznanja im je uručio načelnik općine Bužim Mersudin Nanić.

Prisutnima su zatim predstavljani i svi učenici koji su završili srednje obrazovanje u školskoj 2020/2021. godini odličnim uspjehom.

Nakon njih uslijedilo je predstavljanje i fotografisanje svih odjeljenja maturanata MSŠ "Hasan Musić" Bužim u školskoj 2020/2021. godini sa svojim razrednicima.

Na kraju su svi učenici simbolično u zrak pustili balone punjene helijem.



## BUŽIMLJANI ODALI POČAST ŽRTVAMA SREBRENICE

Na spomeniku Trga Alija Izetbegović u Bužimu je postavljen natpis 8372, a tačno u 12 sati danas je oglašena sirena u povodu dana sjećanja na stravični genocid u Srebrenici.

Na ovaj način Bužimljani su željeli odati počast svim nevino ubijenim žrtvama Srebrenice.

Natpis sa brojem 8372 je broj ubijenih muškaraca i djece od 12 do 17 godina u Srebrenici između 11.7.1995 do 22.7.1995. što je bio najgori i najmonstruozniji pokolj u Europi poslije Drugog svjetskog rata.

Tim povodom širom svijeta danas su organizovana okupljanja, mimohodi i marševi, a 19 žrtava genocida u Srebrenici koji će danas u Memorijalnom centru u Potočarima pronaći svoj smiraj opraštaju se od svojih najmilijih. Suze kvase kabure i tabute, dok jecaji odzvanjaju dolinom bijelih nišana. Konačan smiraj još neće naći oko 1200 žrtava genocida za kojima se još uvijek traga.

Obilježavanju prisustvuju brojni zvaničnici, a mnogi svjetski lideri su poslali poruku ili se obratili putem video linka. U prilog velikom žalu i tuzi ostaje i činjenica da ni nakon 26 godina od počinjenja genocida u BiH još uvijek ne postoji Zakon o negiranju istog, a oni koji su ga izvršili se u dijelu BiH smatraju herojima.



## OBILJEŽENA “NEDJELJA BORBE PROTIV DISTROFIJE 2021.”



Dana 11.07.2021. godine Udruženje distrofičara Bužim organizovalo obilježavanje “Nedjelje borbe protiv distrofije 2021.”. Ovim povodom je organizovan veliki izlet za članove i prijatelje udruženja na bužimskom izletištu “Svetinja” kojem se pridružilo oko 50. učesnika.

Drugi do programa je bila organizacija prijateljskog šahovskog turnira u prirodi na kojem je učešće uzeo 21. igrač iz Bužima, Velike Kladuše, Cazina i Bosanske Krupe. Turnir je odigran u prijateljskoj atmosferi i nakon odigranih 9. kola prvo mjesto pripalo je Seadu

Čauševiću iz Cazina. Valja napomenuti učešće dva omladinska prvaka BiH braću Ahmeda i Naida Kekića iz Bosanske Krupe, te veliki odaziv domaćih igrača koji su ostvarili veoma dobre rezultate.

“Nedjelja borbe protiv distrofije” je tradicionalna manifestacija koju je evropska organizacija distrofičara (EAMDA) ustanovila 1973. godina i koja se od tada obilježava u svim evropskim zemljama, uključujući i Bosnu i Hercegovinu. Cilj ove manifestacije je da se kroz njeno obilježavanje na različite načine ukaže na specifičnost ove vrste invaliditeta, skrene pažnja šire javnosti na probleme i potrebe ovih lica, te da se pokažu sve mogućnosti koje ova lica imaju. Šahovski turnir je okončan dodjelom diploma najboljim učesnicima, a druženje članova je u odličnoj atmosferi potrajalo sve do večernjih sati. Udruženje je za sve učesnike obezbijedilo ručak i osvježanje tokom cijelog dana.

## POČELO DEMINIRANJE MINIRANIH PODRUČJA OPĆINE BUŽIM



Na području općine Bužim započet je projekat deminiranja koje vrši deminerski tim Oružanih snaga BiH.

Tim povodom Općinski načelnik Mersudin Nanić, predsjedavajući Općinskog vijeća Suvad Šahinović i šef službe za CZ Senad Čatić obišli su pripadnike deminerskog tima.

U razgovoru sa istima bilo je riječi o stanjem na terenu, problemima te o dinamici izvršenja navedenih poslova.

Inače projekt deminiranja obuhvata čišćenje svih površina "zagađenih" minama na području općine Bužim, a to su područja gdje su u proteklom ratu vođena borbena dejstva. Izvršenjem

projekta općina Bužim će biti jedna od rijetkih općina koja će biti u potpunosti bez mina i vraćena svojim građanima na redovnu i sigurnu upotrebu. Planirani rok za završetak radova je 6 mjeseci.

## OTVORENA DVADESET I ŠESTA MANIFESTACIJA SLOBODARSKI DANI VITEŠKOG GRADA BUŽIMA 2021.



U Bužimu je kao i ranijih godina svečanim prijemom, posjetom Muzej sobi, turbetu generala Izeta Nanića i šehida 505. viteške brigade te održavanjem 20. po redu Večeri Kur`ana počela 26. manifestacija "Slobodarski dani viteškog grada Bužima 2021".

Za razliku od ranijih godina večer Kur`ana je održana na novoizgrađenom Trgu Alija Izetbegović u Bužimu uz prisustvo velikog broja posjetitelja.

Ovogodišnju dvadeset i šestu tradicionalnu manifestaciju otvorio je Općinski načelnik Mersudin Nanić, koji je u svom obraćanju, između ostalog posebno naglasio:

“Naša trajna obaveza da generacije koje dolaze budu odgajane na istini žrtve, genocida, urbicida ali i na istini hrabrih pobjeda Breze Munje, Sane, Grabeža, Igmana, jer mi nismo bili samo žrtve, mi smo i pobjednici jer naš opstanak je ustvari naša pobjeda. Zbog toga nam i trebaju ovakve i slične manifestacije. Uprkos svim nedaćama i izazovima koji su nas iznenada snašli mi se nismo predavali i klonuli duhom nego smo nastavili raditi i boriti se za našu općinu. Uspjeli smo hvala Allahu završiti ovaj Trg na kojem se danas nalazimo i koji će ako Bog da biti mjesto okupljanja i održavanja ovakvih i sličnih manifestacija i događaja. Pored toga urađeno je još puno drugih projekata koji će poboljšati životne uvjete naših građana. U ime svih naših šehida, demobilisanih boraca ratnih vojnih invalida, slobode koju uživamo i završenih projekata, 26. manifestaciju Slobodarski dani viteškog grada Bužima proglašavam otvorenom.”

Prijemu i otvoru manifestacije prisustvovali su predstavnici izvršne i zakonodavne vlasti svih nivoa sa područja općine Bužim i Unsko-Sanskog kantona, predstavnici islamske zajednice te mnogobrojne zvanice.



## OBILJEŽENA DVADESET I ŠESTA GODIŠNJICA OD POGIBIJE GENERALA IZETA NANIĆA

Drugi dan tradicionalne manifestacije “Slobodarski dani viteškog grada Bužima” bio je ispunjen brojnim događajima – Prije podne, a u organizaciji Udruženja mladih, sa Trga Alija Izetbegović krenuo je tradicionalni pješački marš “Putem bužimskih vitezova”. I pored jake kiše pješački marš je krenuo na vrijeme sa nešto više od pet stotina pripadnika iz svih gradova Bosne i Hercegovine.

U poslijepodnevним satima, na Spomen obilježju Ćorkovača, otvorena je izložba fotografija Generala Izeta Nanića, autora Agana Skenderovića. Ovo je inače prva izložba fotografija na otvorenom i na mjestu gdje je nastala većina izloženih fotografija. Izložbu je otvorio načelnik općine Bužim Mersudin Nanić.

Program je nastavljen posjetom mjestu pogibije generala Izeta Nanića na Vijencu (R. Hrvatska – nekoliko kilometara od Ćorkovače), a završen učenjem Jašina za sve poginule šehide 505. Viteške brigade i održanim historijskim satom. na taj način obilježeno je dvadeset i šest godina od pogibije generala Izeta Nanića komandanta 505. viteške brigade.



## ODRŽANA 7. PAPRIKAŠIJADA I TRADICIONALNO DRUŽENJE BIVŠIH BORACA 505. VITEŠKE BRIGADE



U sklopu manifestacije “Slobodarski dani viteškog grada Bužima 2021” održana je 7. paprikašijada koju su priredili članovi LD “Lovac” Bužim.

Kuhari ovog društva u takmičarskom duhu pokazali su vještine spravljanja ovog jela, a kompletan sadržaj paprikaša iskorišten je za druženje boraca-veterana 505. Viteške brigade koje je upriličeno nakon paprikašijade.

## ODRŽANO TRADICIONALNO DRUŽENJE ZLATNIH LJILJANA 505. VITEŠKE BRIGADE

U okviru manifestacije “Slobodarski dani viteškog grada Bužima 2021.” upriličeno je druženje dobitnika najvećih ratnih priznanja i odlikovanja dobitnika značke Zlatni ljiljan, a u organizaciji udruženja Zlatnih ljiljana općine Bužim.

Druženju su prisustvovali Zlatni ljiljani 505. Viteške brigade, članovi porodica poginulih Zlatnih ljiljana, predstavnici boračkih udruženja, kao i načelnik općine Bužim Mersudin Nanić.

Na samom početku druženja prisutne je pozdravio predsjednik Udruženja dobitnika najvećih ratnih priznanja i odlikovanja dobitnika značke Zlatni ljiljan Safet Džidžo Isaković i zahvalio se svima na odazivu, a nakon toga uslijedilo je druženje i evociranje sjećanja i uspomena iz ratnog perioda.



## ZAVRŠENA 26. MANIFESTACIJA “SLOBODARSKI DANI VITEŠKOG GRADA BUŽIMA 2021.”



Dvadeset i šesti Slobodarski dani viteškog grada Bužima završeni su obilježavanjem dvadeset i devetog rođendana 505. Viteške brigade nizom sadržaja. Ovogodišnja završna manifestacija i obilježavanje 29. rođendana 505. viteške brigade počela je svečanim prijemom brojnih zvanica i gostiju iz cijele Bosne i Hercegovine i R Hrvatske u Centru za kulturu, sport i informisanje Bužim. Općinski načelnik Mersudin Nanić zahvalio se svim gostima koji su stigli u Bužim da zajedno sa narodom i borcima Bužima obilježe završnicu manifestacije i

29. rođendan brigade, a posebno predstavnicima svih VITEŠKIH brigada iz svih Korpusa Armije R BiH koji su ove godine uveličali ovu godišnjicu. Nakon prijema građani i brojne delegacije posjetile su Turbe generala Izeta Nanića, gdje je odata počast, položeno cvijeće i proučena Fatiha. Član predsjedništva BiH Šefik Džaferović, načelnik općine Mersudin Nanić, Rasima Nanić majka generala Izeta Nanića i supruga generala Safija Nanić su nakon odavanja počasti poginulim pripadnicima brigade svečano postavili kamen temeljac za izgradnju Muzeja 505. Viteške brigade koji će se graditi na prostoru iznad Turbeta. Druženje zvanica je nastavljeno je uz “Krajišku sofru” ispred Sportske dvorane Bužim koju su organizirale vrijedne članice Udruženje žena “Izvor” iz Bužima. Na samom početku završne manifestacije koja je održana na Trgu Alija Izetbegović predstavljene su sve VITEŠKE brigade i njihove ratne zastave iz svih Korpusa Armije Republike Bosne i Hercegovine, te ratna zastava policije. U nastavku programa prikazana je skraćena verzija dokumentarnog filma “Devet heroja” koji je rađen u produkciji Federalne televizije 2019/20 godine.

Završnoj manifestaciji “Slobodarskih dana viteškog grada Bužima” prisustvovali su član predsjedništva BiH Šefik Džaferović, te brojni državni, federalni, kantonalni, općinski i drugi predstavnici, kao i predstavnici Islamske zajednice, boračkih udruženja i organizacija, predstavnici viteških brigada Armije R BiH, te brojni drugi gosti. Pored načelnika općine Mersudina Nanića prisutnim gostima i građanima obratili su se Edham Eminić – predsjednik Organizacionog odbora “Slobodarskih dana viteškog grada Bužima”, Sead Jusić ratni komandant 505-te viteške brigade, ministar za pitanja boraca u Vladi F BiH Mirza Terzo i član predsjedništva BiH Šefik Džaferović. U zabavnom dijelu programa učestvovali su članovi ratnog benda “Behar” Nihad Nanić i Mehmed Mehdi Odošahić, te Armin Muzaferija.

## OBILJEŽENA 27. GODIŠNJICA BITKE “BREZA 94”

Obilježavanje je počelo odigravanjem Šahovskog turnira, zatim obilaskom turbeta Generala Izeta Nanića i šehida 505. viteške brigade, te centralnim obilježavanjem na samom poprištu ove bitke na spomen obilježju na lokaciji Sip-Križ gdje se i desila ova velika bitka.

Nakon intoniranja himne, i kratkog historijskog sata prisutnima se obratio Edham Eminić, predsjednik organizacionog odbora za obilježavanje bitnih datuma za općinu Bužim iz perioda 1992-1995.

Za razliku od ranijih godina, po završetku kratkog obraćanja veliki broj prisutnih posjetilaca koji su svojim prisustvom željeli otrgnuti od zaborava presudnu bitku 505. viteške brigade za opstanak u Bužimu i uopće na ovom prostoru je zabavljao “Behar band”.



## U BUŽIMU OBILJEŽEN DAN BOŠNJAKA



Svečano obilježavanje Dana Bošnjaka upriličeno je u IKC-u Bužim, a u organizaciji Bošnjačke zajednice kulture (BZK) "Preporod" Bužim. Dan Bošnjaka vezuje za Prvi bošnjački sabor, bošnjački svenarodni skup koji je održan u opkoljenom Sarajevu 27. i 28. septembra 1993. godine, a kad je, uz niz drugih važnih odluka, donesena i svenarodna odluka kojom su Bošnjaci "revitalizirali svoje stvarno, povijesno narodno ime Bošnjak". Nakon intoniranja himne BiH priuštima se obratio predsjednik BZK Preporod Bužim Amir Sijamhodžić, a nakon njega profesor Haris Suljadžić koji je govorio o ovom ali i drugim za Bošnjake značajnim datumima.

Kako je navedeno, Dan Bošnjaka ima duboku, fundamentalnu simboličku vrijednost, jer označava i onaj povijesno prekretni, sudbinski trenutak kad su se Bošnjaci izborili za slobodu svojeg identiteta, za neotuđivo pravo na svoje stvarno ime, ali i za suštinsko pravo na svoje, na ono što stvarno jesu. U pauzama svojim izvedbama sevdalinki prisutne su počastili Kemal Dizdarević i Edib Lelić, dok su za prozno-poetski performans bili zaduženi Naila Abdić i Nijaz ef. Hadžić. Voditeljica je bila Lejla Šahinović Kedić.

## PAS PO IMENU "SEVDAH" IZ BUŽIMA SVJETSKI JE PRVAK

Na svjetskoj izložbi pasa održanoj u subotu 2. oktobra u češkom gradu Brno, bosanskohercegovački pastirski pas tornjak, imena Sevdah Tor Shadow of Stone osvojio je titulu Best Of Breed (najbolji u pasmini) i time osvojio naslov svjetskog prvaka. Sevdah je u vlasništvu porodice Burzić iz Bužima i dio odgajivačnice tornjaka Kennel "Od Burzića" koji su, svakako, presretni ovim rezultatom. Svakodnevni rad, ulaganje i odricanje na kraju je urodio plodom. Ovo nije uspjeh kojem se raduje samo porodica Burzić, već svi istinski ljubitelji ove pasmine na našim prostorima



## U BUŽIMU OBILJEŽENA GODIŠNJICA FORMIRANJA 5.KORPUSA



U Bužimu je obilježena dvadeset i deveta godišnjica od osnivanja 5. Korpusa Armije R BiH posjetom delegacije općine Bužim na turbetu Generala Izeta Nanića gdje je položeno cvijeće i pručena fatiha. Program obilježavanja godišnjice osnivanja 5. Korpusa nastavlja se i u svim gradovima Unsko-sanskog kantona, a završava se svečanom akademijom koja se ove godine održava u Sanskom Mostu. 5.Korpus Armije R BiH osnovan je 21.10.1992. godine u Bihaću. Bio je djelo krajiških patriota i do kraja rata ostao multietnički. U svom oslobodilačkom pohodu 1995.godine oslobodio je šest gradova. U vrijeme formiranja imao je 10.152 borca, a do kraja rata taj broj je povećan na blizu 20.000 boraca. Borio se protiv tri neprijatelja – vojske srpske Krajine,

vojske RS i tzv. AP ZB osuđenog ratnog zločinca Fikreta Abdića. Sjedište korpusa grad Bihać bio je u neprijateljskom obruču 1.201 dan kao i svi drugi gradovi na tadašnjem Okrugu Bihać.



## OBILJEŽENA GODIŠNJICA BITKE “MOSTOBRAN”



Općinski načelnik Mersudin Nanić prisustvovao je današnjem obilježavanju godišnjica bitke Mostobran, koja je i ove godine obilježena nizom sadržaja u Bosanskoj Krupi i na Ostružnici.

Tim povodom načelnik Nanić zajedno sa načelnikom općine Bos. Krupa Arminom Halitovićem položio je cvijeće i proučio Fatihu, gdje je na taj način odana počast pripadnicima 505.viteške brigade, pripadnicima 511. bosanskokrupske slavne brigade kao i ratnom sastavu MUP-a Bosanska Krupa. Bitka Mostobran vođena je u sadejstvu 505. viteške brigade, 511. slavne brigade i jedinica MUP-a krajem oktobra 1994. godine. Ovom akcijom navedenih forsiranjem rijeke Une prešlo se na desnu obalu u dubinu neprijateljske teritorije kako

bi se uspostavio mostobran, te se spojili sa ostalim jedinicama 5. Korpusa koje su napredovale iz pravca Velikog Radića. Forsiranje rijeke bila je nepoznanica za sve borce i starješine 505.viteške brigade od kojih više od polovine nije znalo plivati ali su dokazali da se mudrim vođenjem i dobrim planiranjem mogu ostvariti ciljevi koje je do tada bilo teško i zamisliti.

Načelnik Nanić je nakon obilježavanja ovog značajnog datuma posebno naglasio: –”Ne smijemo zaboraviti datum poput ovog današnjeg, kao i naše šehide i poginule borace koji su položili svoje živote za domovinu i slobodu koju danas uživamo. Njihova žrtva ne smije i neće biti zaboravljena, dok smo mi živi, a današnje prisutvo velikog broja mladih ljudi iz Bužima i Bosanske Krupe to i potvrđuje. Vjerujem da će se svake godine obilježavati ovaj datum jer je to nešto najmanje što možemo učiniti za sve naše borce”.



## U BUŽIMU OBILJEŽEN DAN SREDNJOŠKOLACA

Učenici MSŠ “Hasan Musić” Bužim organizovali su mali performans na Trgu Alija Izetbegović u Bužimu u cilju obilježavanja Dana srednjoškolaca kojim su željeli poslati poruku i svoje viđenje kako aktualne situacije u našoj državi tako i sjećanja na dan 17.11.1939. godine.



## U BUŽIMU OBILJEŽEN DAN DRŽAVNOSTI BOSNE I HERCEGOVINE



Da se u Bužimu najbolje sačuvala nepomućena slika o našoj domovini pokazali su to još jednom Bužimljani i Bužimljanke koji su ispunili Veliku salu "Centra za kulturu, sport i informisanje" i na najbolji mogući način obilježili 25. novembar - Dan državnosti Bosne i Hercegovine. U organizaciji Općine Bužim i JU "Centar za kulturu, sport i informisanje" prigodnom svečanom akademijom sinoć je obilježen Dan državnosti BiH uz prisustvo velikog broja građana, te predstavnika javnog, političkog, vjerskog i kulturnog života općine Bužim. Referent za kulturu Sead Emrić održao je kratak historijski sat i govorio o temeljima državnosti BiH, a na kraju je zaključio da: "25. novembar trebao bi se slaviti na cijelom prostoru Bosne i Hercegovine jer je Parlament

Republike BiH 1995. godine taj dan odredio za državni praznik, dok odredba Aneksa 2 na Ustav BiH koja govori o kontinuitetu propisa ukazuje da svi oni zakoni i drugi propisi koji su donijeti prije stupanja na snagu Dejtonskog ustava ostaju na snazi ukoliko nisu u suprotnosti sa tim ustavom, sve dok ih nadležna tijela ne zamijene novim propisima". Prigodnim obraćanjem prisutnima se obratio predsjedavajući OV Bužim Suvad Šahinović, koji je uputio čestitku povodom ovog značajnog datuma za sve građane BiH i Općine Bužim, te posebno naglasio: "Danas svi zajedno moramo biti na istom kursu kada je u pitanju država Bosna i Hercegovina. Moramo svi dati ono najbolje što možemo kako bi izgradili našu državu i naše institucije jer mi druge i rezervne domovine nemamo", U prigodnom programu nastupili su naši najmlađi sugrađani iz JU "Dječiji vrtić Bužim", te učenici Osnovnih škola "Bužim!" i "Mirsad Salkić" iz Čave, te Mješovite srednje škole "Hasan Musić".

## OBILJEŽEN MEĐUNARODNI DAN OSOBA SA INVALIDITETOM

U periodu od 03.-05.12.2021. godine, Udruženje distrofičara Bužim je nizom aktivnosti obilježilo Međunarodni dan osoba sa invaliditetom u Bužimu. Obilježavanje ovog datuma je tradicionalna aktivnost ovog udruženja koju radi od osnivanja udruženja do danas.

Ovogodišnji program obilježavanja započeo je 03. decembra kada je održana redovna godišnja skupština udruženja, koju se tradicionalno organizuje na Međunarodni dan osoba sa invaliditetom. Program obilježavanja je nastavljen u subotu sa organizacijom druženja članova udruženja, a završen je u nedjelju organizacijom V memorijalnog šahovskog turnira "Almin Đulić". Ovogodišnju manifestaciju obilježavanja Međunarodnog dana osoba sa invaliditetom završava sa službenim prijemom kod općinskog načelnika.

Sve ovogodišnje aktivnosti obilježavanja Međunarodnog dana osoba sa invaliditetom imaju za cilj da se skrene pažnja javnosti na problematiku osoba sa invaliditetom, njihove potrebe, ali i mogućnosti koje imaju.

„Vodstvo i sudjelovanje osoba s invaliditetom prema uključivom, dostupnom i održivom svijetu nakon bolesti COVID-19“ – moto je ovogodišnjeg obilježavanja dana osoba sa invaliditetom.

Godišnje obilježavanje Međunarodnog dana osoba sa invaliditetom 3. decembra ima za cilj da se promovise razumijevanje problema invaliditeta i mobilizira podršku za dignitet, prava i dobrobit osoba sa invaliditetom. Obilježavanjem ovog datuma se podizanju svijesti o dobrobitima integrisanja osoba sa invaliditetom u sve aspekte političkog, ekonomskog i kulturnog života.



